

ILAY ADY LEHIBE INDRINDRA

IADIANA MANDRAKARIVA



Misaotra anao, Rahalahy Orman. Ny Tompo hitahy anao.

² Manao ahoana, ry sakaiza. Faly tafaverina eto indray amin'ity maraina ity, ary karazan'ny tsy nampoizina kely, neveriko, ho ahy, ary azoko antoka fa ho toy izany koa ho an'ny fiangonana. Ary nanoratra fotsiny aho ka... Misaotra anao, ranabavy. Ary ny Tompo dia toy ny nametraka zavatra kely tato am-poko fotsiny, ho entina ho an'ny Fiangonana, ary nihevitra aho fa izany no fotoana hanaovana an'ilay izy. Ary ankehitriny ity...

³ Rehefa tonga aho, ary tsy nahafantatra akory fa ho eto izahay amin'ity Alahady ity, dia nilaza fa izaho dia manana a—Hafatra anankiray ho an'ny Fiangonana. Ary tiako ny, raha sitrapon'Andriamanitra, hitondra an'ity Hafatra ity amin'ny Alahady manaraka. Ary hisy fotoana somary ho lava, noho izany, mety tsy ho tafavoaka alohan'ny amin'ny roa ambin'ny folo sy sasany, amin'ny iray ora, angamba, raha amin'izay fotoana izay. Efa tao am-poko hatramin'ny ela izy io, ary neveriko fa mila manome valiny anankiray ho an'ny be sy ny maro aho hoe nahoana aho no tsy navitrika teo amin'ny sahan'asa. Nitory teny amin'ny manodidina rehetra aho, saingy azoko antoka fa tsy tena mbola tonga mihitsy any amin'izay tokony haha-izy azy ilay izy. Koa neveriko, raha sitrapon'ny Tompo, amin'ny Alahady manaraka, dia haka ny fotoanako fotsiny aho ary hametraka fotsiny, ny antony sy ny nahoana, ary hamela anareo hahafantatra, ara-tSoratra, hoe inona no miseho, hitanareo, nahoana fotsiny ny mikasika an'io rehetra io. Satria, mety handeha any ivelany aho na any ho any ayy hatrany. Miandry aho ankehitriny ny hahita hoe lèlana aiza no Hiantsoany ahy handehanako. Farany...

⁴ Teo amin'ny alina telo lasa izay, na alina roa, dia nahazo antso an-telefonina aho nanakaiky ny misasak'alina teo; ary izany dia ny mba hivavahana ho an'ny vehivavy anankiray izay tany amin'ny hopitaly. Ary niantso ahy izy ireo, ary nanao hoe, "Mivavaha." Ary adinoko ilay anarana izay nomen'izy ireo ahy, fa... Nolazainy fa sakaizan-dRtoa. James Bell izy io, anabavintsika eto amin'ny fiangonana, anabavy mainty hoditra, tena mahatoky, vehivavy mahafinaritra. Mino aho fa Shepherd ilay anarana, izay nomena ahy. Koa niala teo am-pandriana aho ary nandohalika, ary—ary niteny tamin'ny vadiko. Ilay telefonina naneno, no nanaitra azy. Ary hoy aho hoe,

“Tsy maintsy mivavaka ho an-dRtoa. Shepherd isika, anabavy anankiray izay niantso, sakaizan-dRtoa. James Bell izany.” Koa dia nivavaka ho azy izahay, dia niverina teny am-pandriana.

⁵ Ary avy eo tokony ho tamin’ny folo na iraika amlin’ny folo, ny ampitson’io, dia nahazo antso anankiray indray aho. I Billy ilay izy. Ary nilaza izy, fa tsy Rtoa. Shepherd ilay izy, nilaza izy fa Rtoa. Bell, izy tenany, fa tsy ny sakaizan-dRtoa. Bell. “Rtoa. Bell ilay izy, ary any amin’ny hopitaly izy, tena mahatahotra ilay izy.” Ary nandeha haingana tany amin’ny hopitaly aho, saingy lasa izy. Nantsoin’ny Tompo Rtoa. Bell, ho any An-trano.

⁶ Rtoa. Bell dia nahatoky anankiray nivory niaraka tamintsika teto amin’ny fiangonana, nandrity ny taona maro. Ny vadiny, James, sy izaho, dia niara-niasa, niaraka tamin’ny raiko, taona maro lasa izay, tany, nampiditra...Nampiditra an’ireny vagao ireny izahay, avy any Pennsylvania, ho ao amin’ireo an’ny Colgate eto, taona maro lasa izay, ataoko fa telopolo taona lasa izay, na mihoatra. Ary tantsika Ranabavy Bell. Olona mahafatra-po anankiray izy.

⁷ Ary azoko fa tratry ny fihetsehan’aretina mafy tao amin’ny aferon-tatavia izy, ary izy ireo...Ny mpitsabony, izay mahafantatra tsara an’ilay tena zavatra, dia tsy teto an-tanàna tamin’io fotoana io. Fa mpitsabo vaovao no njery azy, ary—ary nanoro hevitra fandidiana maika, ka tsy nahari-niaina tamin’izany mihitsy izy. Ary—ary izy dia...Heveriko fa ny... Ny fomba fahazoako azy, ilay mpitsabo mahazatra azy dia tsy ho nanoratra ny—ny fandidiana, satria ngeza be izy sady ny aferon-tatavany efa ratsy. Ary nisy vato izy, heveriko, na zavatra tao anatin, ary—ary namindrafo ny Tompo. Efa nanana an’ireo fihetsehan’aretina ireo izy taloha fa ny Tompo no nikarakaraka an’izany, efa im-betsaka. Saingy tonga ho amin’izao fotsiny... Eny, raha entintsika ho eo amin’ny fatra feno ilay izy, dia izao no ho lazantsika: Andriamanitra no niantso ny Anabavy Bell, ary izany no fomba tokony handraisana azy, hitanareo.

⁸ Ary ahoana fa diso mihitsy aza ilay izy, nitondrana an’ilay izy tamiko, ka nihevitra aho fa ilay izy dia Rtoa...Ramatoakely Shepherd anankiray. Tsy nahafantatra an-dRamatoakely Shepherd aho. Eto angamba ilay ramatoa, izao maraina izao, ary mety ho fantatro izy raha mahita ny endrinry aho. Saingy, izao no voalaza hoe Rtoa. Shepherd ilay izy. Ary raha tahaka an’izay no nanaovana an’ilay izy, koa raha ilay izy...Raha fantatro fa Rtoa. Bell no tao amin’izany toe-batana izany, dia ho nandeha tany aho angamba nanelanelana ho azy avy hatrany. Ary dia, hitanareo, fa, tsy tian’Andriamanitra hanao an’izany isika, angamba. Koa, “Fantatsika fa ny zavatra rehetra dia miara-miasa hahasoa an’ireo izay tia an’Andriamanitra.”

⁹ Ary azoko antoka fa Ranabavy Bell dia tia ny Tompontsika. Vehivavy tsara fanahy izy. Ankehitriny, isan-tsika izy.

Ato, dia tsy manana tsipiky ny fihodirana isika. Ny fianakavian'Andriamanitra dia tsy manoritra tsipiky ny fihodirana. Na mena isika, manja, mainty, na mavo, tsy mampaninona, fotsy. Na inona ilay izy na inona, dia mpirahalahy sy mpirahavavy isika ao amin'i Kristy. Ary noho izany isika—isika dia tia azy. Ary halahelo azy isika, ny tabernakla. Toy ny inona no alahelovako, ny amin-dRanabavy Bell, ireo "amena" lehibe, goavana, matevina tery amin'ny sisiny tery. Ary mitondra azy mody, dia miresaka ny amin'i Tompo Jesosy izy.

¹⁰ Ary raha azoko tsara ilay izy, tsy fantattro mihitsy ilay izy raha tsy vao vetivety teo, fa ny fotoana ho an'ny fandevenana azy dia tsy maintsy atao eto amin'ny fiangonana eto mihitsy. [Hoy Rahalahy Neville hoe, "Marina izany."—Mpand.] Amin'ny Talata ho avy izao amin'ny ["Iray ora."] iray ora. Ary heveriko fa ianareo sy izaho no tsy maintsy hanatontosa ["Marina izany."] ao amin'io fotoana ho an'ny fandevenana io.

¹¹ Saingy, ao amin'ny fiangonana fotsiny, dia olona malemy anankiray isika izao maraina izao. Ho fanajana ny Anabavintsika Bell, dia ndao isika hitsangana vetivety fotsiny, raha manondrika ny lohantsika isika.

¹² Andriamaniry ny aina, Izay manome sy maka ny aina; araka ny nolazain'i Joba fahiny hoe, "Ny Tompo no manome ary ny Tompo no maka; isaorana anie ny Anaran'ny Tompo." Taona vitsy lasa izay, dia nandefa ny Anabavy Bell tetra anivonay Ianao, ho namana mpiray firenena aminay, an'ilay fiombonan'ny vahoakan'Andriamanitra lehibe. Ary misaotra Anao izahay ny amin'ny fihetsehan'ny fo tsirairay tamin'izay naха-изи azy teo anatrehanay, toy ny ahoana no nitia vany nihira sy njoro vavolombelona, ary tena feno ny Fanahy mandra-pahatonga azy nihia ka mafy sy niantso mafy. Ary tsy menatra ny Filazantsaran'i Jesosy Kristy izy, fa, ho azy, dia Herin'Andriamanitra ho famonjena Izany. Nahita ny taonany nitombo, ka tonga ny fotoana izay tsy maintsy hamalianay rehetra. Ary nanala azy teo aminay Ianao, izao maraina izao, mba ho ao amin'ny Fanatrehanao. Fa, marina tokoa fa, rehefa miala eto izahay, dia eo amin'ny Fanatrehan'Andriamanitra izahay.

¹³ O Andriamanitra, misaotra Anao izahay amin'ny rehetra. Mivavaka izahay mba ho Tahianao ny vadiny, ny sakaizako, James; ny zanany lahy, ireo zanany vavy, izy rehetra ireo. Fantatray fa ny zanany lahy dia tonga avy any Alemania, avy ao amin'ny tafika, tonga ao an-trano, mba hanome ny fanajana farany izay azony atao, eto an-tany, ho an'ny reniny lasa. Toy ny ahoana moa no tsy maintsy ho fidoboboboky ny fon'io lehilahy tanora io izao maraina izao. Mivavaka ho azy aho, Tompo. Andriamanitra, tahio izy. Tahio i Jimmy, ary ahoana moa izy... Mahita azy miasa any, ary ora mahareraka, mba hanao izay

hahavelona ny ankohonany. Mivavaka aho mba tsy ho voasaraka izany ankohonana lehibe izany, fa ny kodiaran-pianakaviana tsy ho rava ao amin'ilay Tany ery amin'ny ilany hafa.

¹⁴ Enga anie izahay, Tompo, ankehitriny hanery indray ny akanjo fiadiana sy ny fehin-kibo, ho teriteriy kokoa, ka handeha ho ao amin'ny ady ankehitriny, mba hiady miaraka amin'ny fahabangan'olona anankiray izay nanananay herinandro lasa izay. Mivavaka izahay mba Ianao no hanohana anay sy hampahery anay, ary hanampy anay raha manohy izahay, ary indray andro dia enga anie izahay rehetra hiara-hiangona indray any amin'ilay ilany hafa. Fa mangataka an'izany amin'ny Anaran'i Jesosy izahay. Amena.

¹⁵ Ankehitriny enga anie ny fanahin'ny anabavintsika lasa mba hitoetra am-piadanana. Tiako ny milaza fa ny—ny fotoana ho an'ny fandevenana azy dia ho toriana eto amin'ny Alahady, na Talata, ary isika dia... Izay rehetra maniry ho tonga dia tonga soa. Ataoko fa Rahalahy Neville eto dia manana ny fandaminana. [Manamafy Rahalahy Neville—Mpand.] Ary efa anananaao izy ireo. Ankehitriny, androany, izaho fotsiny...

¹⁶ Hitanareo, tsy dia betsaka loatra ny eto. Raha misy sez amin'ny azo entina ho an'ny Rahalahy sy Anabavy Slaughter ery aoriana ery. Azoko ny antsonao, Ranabavy Slaughter, ary efa nivavaka aho ho an'ny... ilay Ranabavy Slaughter anankiray hafa, Ranabavy Jean Slaughter miaraka amin'ilay aretin-tazo, ny tolaremia. Azo antoka fa tena ratsy be ny mahazo azy amin'izany, saingy mahatoky an'Andriamanitra isika fa ho tsara tokoa izy.

¹⁷ Ankehitriny dia te-hamaky Soratra vitsivitsy isika. Ary te-hampianatra fotsiny aho izao maraina izao, mandeha miadana aho, satria hatramin'ny niverenako avy tany, Arizona, eny, dia marary kely fotsiny ny tendako.

¹⁸ Ary ankehitriny, amin'ny Alahady manaraka, aza adino, ary neveriko fa efa vonona i Billy ny handefa ny—ny filazana. Ary ho favoriana lava izany, mino isika, koa tongava aloha arak'izay vitanareo. Te-hanomboka isika, eo amin'ny sivy sy sasany eo mihitys, na ny tiako ho lazaina, amin'ny folo. Ary angamba, tsarovy, eo amin'ny iray na iray-... angamba, na roa ambin'ny folo sy sasany, amin'ny iray, zavatra tahaka izany, ora telo na efatra, na mihoatra, no tiako halaina, ka haka fotsiny ny Soratra. Ento ny pensilinareo sy taratasy, ary apetraho eo fotsiny izany. Raha misy fanontaniana, anontanionareo—anontanio izany, hitanareo, ary angamba azonay ho hazavaina izany, manao izay azonay hanampiana.

¹⁹ Ankehitriny ndao isika hamaky Soratra vitsivitsy, aloha, ankehitriny. Manana toerana anankitelo aho ato amin'ny Baiboly, izay tiako ho vakiana. Ary ny iray voalohany amin'izy ireo, raha tianareo ny hanamarika an'izany eto, sy raha manana

pensily anankiray ianareo, tiako ny hitodika, izao maraina izao, amin'ny teny maromaro izay tiako...na Soratra maromaro, raha ny marina, izay tiako hitodihana. Ny voalohany dia ny Petera Voalohany 5:8-10, Efesiana 6:10-17, ary Daniela 12:1-14. Ankehitriny, eo am-pamakiana, mandeha miadana isika.

²⁰ Ary saiky mipetraka daholo ny rehetra. Noho izany, mbola misy vitsy mitsangana, any aoriana sy etsy amin'ny sisiny. Fa hiezaka isika ny hanao haingana arak'izay azo atao ka hamela anareo hivoaka, avy eo dia hivavaka ho an'ny marary isika.

²¹ Misy ramatoa kely matory eto izao maraina izao, izay tena marary. Azoko fa tena narary izy, omaly. Ary izaho—izaho dia mila azy handre fotsiny, izao maraina izao, aloha, mialohan'ny hivavahako ho azy. Ary fantatro ny toeran'io ramatoa kely io. Ary tena marary izy, saingy manana an'ilay tena Ray An-danitra lehibe isika Izay mihoatra noho ny mpandresy aretina rehetra. Ary izaho dia manana zavatra—zavatra kely...

²² Nanontany an-dRtoa. Woods aho raha afaka hamaky an'izany izy, saingy izy—izy dia niahatra kely ny—ny hanao an'ilay izy. Lahatsoratra anankiray, izay nisy ny dokotera mpitsabo anankiray tena gaga tokoa. Rehefa, mpitsikera ny fanasitranana avy amin'Andriamanitra izy ary tsy namela ny olona mihitsy aza hiresaka momba an'izany tao amin'ny biraony; ary ny mpanampiny, ihany koa. Koa, izao no nitranga, nanana marary anankiray izy izay tratry ny homamiadana, homamiadana goavana anankiray. Tsy te-hanao na inona na inona tamin'io izy, koa dia nalefany tany amin'ny trano fitsaboana hafa anankiray izy. Tsy te-hanao na inona na inona tamin'io izy ireo tany, koa dia naverin'izy ireo izy. Koa izy ireo... Oh, teo amin'ny nono ilay izy, ary tao amin'ny toerana sarotra no nisy azy. Ary ny hoditra rehetra dia lany avokoa. Ary ny homamiadana, dia nandeha nidina tao amin'ny nono, nankao amin'ny taolan-techezana. Ataoko fa azonareo izay tiako lazaina.

²³ Nalain'izy ireo ny namantsika dokotera kely avy tany Norvezy izay mipetraka miaraka amintsika izao maraina izao.

²⁴ Ary nataony vonona ny fitaovany rehetra, satria nilaza izy fa fantany fa—fa tiany ho didiana izy ary hesorina ilay nono. Ary izany dia asa tena mihosin-drà mihitsy. Ary—ary nalainy ny kompresy rehetra, ny zavatra rehetra. Nanomana an'ilay ramatoa ilay mpanampy ary nitondra azy tao amin'ny efitra fandidiana, ary avy eo dia niverina izy naka an'ireo fitaovana, ihany koa, izay nampiasain'ilay dokotera sy ny mpanampiny taloha, mba hanesorana an'ilay nono. Ary dia nalain'izy ireo ny servieta sy ny sisa napetraka teo aminy. Ary dia nanomboka izy ireo...

²⁵ Rehefa nanomboka nihodinkodina teo izy, ny vadiny dia te-hahafantatra raha mahazo mipetraka ery amin'ilay faran'ny efitra izy dia hivavaka. Tena mpitoritenin'ny fahamasinana izy.

Ary dia nipetraka teo akaikin'ny tongotr'ilay fandriana izy, ary nivavaka. Mazava ho azy, fa tena tsy faly tamin'izany mihitsy ilay dokotera, fantatrareo, raha tao izy. Saingy raha mbola tsy njery izy, ka tsy nanelingelina azy ilay izy, nahoana, "Ataoko fa tena nety ilay izy; tsy ho—tsy ho torana izy."

²⁶ Koa raha mbola nipetraka izy, nivavaka, dia indro tonga ny hovitrovitra anankiray tao amin'ny efitra. Ary ilay dokotera dia nitodika nandeha, ihany koa, niaraka tamin'ireo fitaovany, hanomboka hanala an'ilay nono. Nesoriny tsirairay ny kompresy. Tsy nisy na dia holatra iray aza teo amin'ilay nono; na dia holatra iray aza. Hoy izy hoe, "Nihetsika—nihetsika ve... Nihetsika ve ilay izy?" Ary nanomboka izy... Ary nanao ny fijoroana vavolombelony ilay mpanampy. Lasa nandeha izy roa ireo ary lasa pentekotista, feno ny Fanahy Masina, manompo ny Tompo. Na dia holatra iray aza!

²⁷ Nanambara ny Dokotera Holbrook, izy tenany, hoy izy, "Iray minitra talohan'izao, dia nisy an'ilay—ilay vehivavy nandry teo, sy ilay mpanampy, ary nivoaka daholo ilay homamiadana goavana be teo amin'ny nonony. Ary iray minitra taorian'izay, dia tsy nisy na dia holatra anankiray akory aza teo amin'izay nanesorana azy." Izany no iray amin'ireo dokotera mpitsabo mahay eto Amerika. Nilaza izy fa resy lahatra avy hatrany tamin'izany. Ary izy, kanefa, diakona anankiray ao amin'ny fiangonana iray izy. Hitanareo?

²⁸ Hitanareo, ny olona dia mihevitra fotsiny fa hoe ny fiangonana dia zavatra anankiray izay handehananareo fotsiny, ary izany dia, "Oh, mandeha any ianareo mba hianatra ny ho tsara, na zavatra tahaka izany." Tsy izany io, ry sakaiza. Tsia. Andriamanitra dia Andriamanitra. Mbola lehibe foana Izy androany tahaka ny haha-izy Azy, izany mandrakariva. Ary Izy no tsy hiova isan'andro. Ary Izy dia a... Tia Azy fotsiny isika.

²⁹ Ankehitriny, te-hamaky isika ankehitriny ny avy ao amin'ny Petera Voalohany, ny toko faha-5, ny andininy faha-8 sy faha-10, hanombohana azy.

Mahonona tena,...miambena; satria ny devoly fahavalonareo,...liona mierona, mandehandeha, mitady izay azony harapaka:

Tohero mafy tsara izy ao amin'ny...finoana, mahafantatra fa izany fahoriana izany dia nanjo ny rahalahinareo izay any amin'izao tontolo izao.

Fa Andriamaniry ny fahasoaavana rehetra, izay efa niantso antsika ho amin'ny voninahiny mandrakizay ao amin'i Jesosy Kristy, rehefa niaritra fahoriana vetivety ianareo, no hanao anareo ho tanteraka, hiorina, hahery, ary hampitoetra anareo.

³⁰ Ho deraina anie Andriamanitra! Ankehitriny ao amin'ny Bokin'ny Efesiana. Tiantsika ny hamadika eto ao amin'ny

Bokin'ny Efesiana, ny toko faha-6, ary tiantsika ny hamaky ny andininy faha-10 hatramin'ny faha-17, izay nomarihako.

*Farany, ry rahalahiko, mahereza ao amin'ny Tompo,
sy amin'ny herin'ny faherezany.*

*Tafio avokoa ny fiadian'Andriamanitra rehetra, mba
hahatonga anareo hifahatra amin'ny fanangolen'ny
devoly.*

*Fa isika tsy mitolona amin'ny nofo aman-drà, fa
manohitra ny fanapahana, manohitra ny fahefana,
manohitra ny mpanjakan'ny fahamaizinana an'izao
tontolo izao—an'ity izao tontolo izao ity, manohitra ny
fanahy ratsy eny amin'ny toerana avo emy.*

*Noho izany dia raioso eo amin'ny tenanareo ny
fiadian'Andriamanitra rehetra, mba hahafahanareo
hanohitra amin'ny andro ratsy,...rehefa vitanareo
avokoa, dia mifahatra.*

*Mifahara àry, ny valahanareo voasikina
fahamarinana,...mitafy ny rariny ho fiarovan-tratra;*

*Ary ny tongotrareo mikiraro ny fahavononana avy
amin'ny filazantsaran'ny fiadanana;*

*Ambonin'ny zavatra rehetra,...ny ampingan'ny
finoana, mba hahazoanareo hamono ny zana-tsipika
mirehitra rehetra avy amin'ilay ratsy.*

*Ary raioso ny fiarovan-dohan'ny famonjena, sy ny
sabatry ny Fanahy, izay ny tenin'Andriamanitra:*

³¹ Ankehitriny ao amin'ny Bokin'i Daniela, mbola te-hamaky ihany aho. Ankehitriny, Daniela ny toko faha-12. Tiako ny hanomboka amin'ny 1, ka hamaky tokoa a—ampahany lava amin'izany, andininy efatra ambin'ny folo.

*Ary amin'izany andro izany...Hitsangana i Mikaela,
ilay andrian-dehibe izay mitsangana ho an'ny zanaky
ny olonao: ary hisy...andro fahoriana, izay tsy
mbola nisy tahaka azy hatrizay nisian'ny firenena ka
hatramin'izany andro izany: ary amin'izany andro izany
dia ho afaka ny olonao, dia izay rehetra hita voasoratra
ao amin'ny boky.*

*Ary maro amin'ireo izay matory ao amin'ny vovoky
ny tany no hifoha, ary ny sasany ho amin'ny fiainana
mandrakizay,...ny sasany ho amin'ny henatra sy latsa
mandrakizay.*

*Ary izay hendry dia hamirapiratra tahaka ny
famirapiratry ny kintana; ary ireo izay mamerina—
mamerina ny maro ho amin'ny fahamarinana ho tahaka
ny kintana mandrakizay doria.*

Fa ianao, O Daniela, ahoroninao ny—ahoroninao ny...boky, hatramin'ny andro farany: maro no hihazakazaka etsy sy eroa, ka hitombo ny fahalalana.

Ary nijery aho Daniela, ka, indro, nisy roa hafa nitsangana,...ny anankiray teto amin'ny morona ilan'ny ony, ary ny anankiray teo amin'ny...teroa amin'ny morona ilan'ny ony.

Ary hoy ny anankiray tamin'ilay lehilahy mitafy rongony, izay teo ambonin'ny rano amin'ny ony, Mandra-pahoviana no hifarana ireo izay...fahagagana?

Ary reko ilay lehilahy mitafy rongony, izay teo ambonin'ny rano amin'ny ony, rehefa nanandratra ny tànany ankavanana izy sy ny tànany ankavia tamin'ny lanitra, ka nianiana tamin'izay velona mandrakizay fa ho andro anankiray izay, andro, sy antsasany; ary rehefa izy no hanatanteraka ny famotehana ny herin'ny olomasina,...dia hifarana ireo zavatra ireo.

³² Mino aho fa eto mihitsy aho no hijanona. Te-haka lohahevitra anankiray aho, raha azo antsoina hoe lohahevitra ilay izy, avy amin'izany, mba hisintonana an'ity fehiny ity hoe: *Ilay Ady Lehibe Indrindra Iadiana Mandrakariva*. Izany no tiako halaina ho lohahevitra.

³³ Ankehitriny, ahoana no nahatongavako hihazona an'ity mba ho lohahevitra anankiray amin'izao maraina izao. Vao tafaverina mihitsy izahay; ny mpitantan-draharaha sasany, eto amin'ny fiangonana, ary ny tenako, dia tany Arizona. Ary nandeha tany izahay, marina tokoa, mba hanao favoriana anankiray tany Phoenix, niaraka tamin'ny Rahalahy Sharrit, tao amin'ny tabernaklany. Saingy rehefa hitako fa ny—ny rahalahy anankiray dia tao an-tanàna, nanao favoriana tao anaty trano lay, eny, koa dia somary niahotra kely aho ny hitondra favoriana anankiray. Nieritreritra aho fa angamba ny Alahady tolakandro no hanaovako azy, amin'izay dia tsy hisy olona ho voahelingelina ao amin'ny fiangonany. Saingy, hitako, fa izy dia nanana favoriana Alahady tolakandro, ihany koa. Ary izaho dia na—natahotra kely ny hanao favoriana anankiray.

³⁴ Ary noho izany izahay rahalahy, raha tokony nanohy nandritry ny andro, raha nihaza izahay, nandeha tany antanàna izahay, tany dia niomana, ary nandeha tany amin'ny favorian'i Rahalahy Allen. Nanao favoriana Rahalahy A.A. Allen. Koa dia nandeha tany amin'ny favoriana izahay, ary nitory toriteny mahery anankiray Rahalahy Allen. Izahay dia nanana fo—fotoana anankiray, fotoana tsara anankiray, nihaino ny Rahalahy Allen, nandre ny—ny mpihira, sy ny sisa, toy ny ahoana no fihiran'izy ireo, sy nihiaikiaka, ary ny favoriana lehibe nananany.

³⁵ Avy eo dia hitanay, teny an-dàlana rehetra teny, ny tånan'ny Tompo. Na taiza na taiza nalehanay, dia niaraka taminay teny foana ny Tompo Jesosy. Ary misy zavatra anankiray mikasika ny hoe any ivelan'ny tenanareo, any an-efitra any. Misy zavatra anankiray mikasika an'izany, fa raha irery tahaka izany ianareo, misy zavatra anankiray misintonia anareo. Izany dia, ataoko fa, izany no antony anankiray hitiavako an'ireny toerana mihataka ireny. Miala lavitra amin'ny herin'ilay fahavaloo ianareo, izay ananantsika betsaka eto.

³⁶ Ny devoly dia saiky tsy mahelingelina raha tsy efa manana zavatra hiasana ao amin'izany izy, ilainy izany. Tsaroanareo ireo devoly izay noroahina avy tao amin'i Legiona, izay nananan'izy ireo? Te-hanao sangy ratsy ihany izy ireo, koa dia tian'izy ireo ny hiditra tao amin'ny kisoa. Koa, tsy maintsy manana zavatra anankiray hiasana ao amin'izany ny devoly, olona anankiray izay hiasana.

³⁷ Ary izany no fomba ataon'Andriamanitra, ihany koa. Tsy maintsy manana antsika Izy. Miankina amintsika Izy, mba hiasa amin'ny alàlan-tsika.

³⁸ Ary maro no tonga raha mbola eo amin'ilay dia isika, miaraka amin'nynofy. Ary tsy diso mihitsy ny Tompo Jesosy fa nanome ny fandikana marina, ary ilay izy mihitsy, tena ilay fomba marina mihitsy.

³⁹ Ary dia tsara taminay Izy, nitarika anay tao amin'ilay haza ary niteny taminay hoe taiza ilay izy. Ary, fantatrareo, teo amin'ny manodidina teo tahak'izany fotsiny, tena mahafinaritra fotsiny ilay izy. Mipetraka eo, amin'ny alina, amin'ny afon-dasy, lavitra ny olona rehetra, any amin'ny maily sy maily sy maily, ary mijery an'ilay—ilay fangovingovitry ny afon-dasy manodidina an'ilay sisin'ny vatomampy. Ary, oh, tena goavana izany!

⁴⁰ Rahalahy anankiray tany, izay nanana olana tamin'ny vadiny, izay nanana... Taona maro lasa izay, nanatraka ny lohany izy tao amin'ny fivoriana anankiray, izay nanaovako fivoriana. Ary nangataka tamin'izy ireo aho mba hihazona ny lohany hiondrika; nisy fanahy ratsy anankiray izay tsy nety niala tamin'ny—ny vehivavy anankiray, teo amin'ny lampihazo. Ary ilay ramatoa, tsy nanaja fotsiny, dia nanatraka ny lohany na izany aza. Ary nivoaka tamin'ilay vehivavy ilay fanahy, teo amin'ny lampihazo, ka lasa tany aminy. Ary eo amin'ny efatra ambin'ny folo taona eo izao, fa ao anatin'ny toe-javatra mahatahotra ilay ramatoa; lehibe tokoa, na ny ara-tsaina aza, hany ka manao zavatra izay tsy mahitsy mihitsy aza izy. Ohatra, nilaozany ny tena vadiny, lasa dia nanambady lehilahy hafa raha mbola niara-niaina tamin'ny vadiny izy; manambara fa tsy fantany fa nanao an'izany izy. Ary noho izany izy ireo—izy ireo dia niezaka ny nanao fizahana azy amin'izany. Inona moa ilay iantsoanareo an'izany, rehefa ianareo... Amnesia?

[Very fitadidiana—Mpand.] Io . . . Oadray, na inona na inona ilay anarana. Ataoko fa marina izany, dokotera. Saingy tsy izany ilay izy. Fanahy ilay izy. Ary ny . . . Ary tena sakaizako tsara tokoa ilay ramatoa. Saingy nanomboka teo amin'io hariva io, teo, dia tena manao fanahy iniana mankahala ahy izy. Mazava ho azy, azonareeo jerena ilay izy hoe nahoana.

⁴¹ Fa rehefa tonga ny vadiny, ka nandohalika tao amin'ilay efitra izahay mba hivavaka, dia nidina ny Fanahy Masina. Izay ilay izy. Avy eo dia niseho teo amin'ny vadiny Izy tamin'io alina io, tao amin'ny nofy anankiray. Niverina indray izy niaraka tamin'ny nofy anankiray, noheveriny fa mahatsikaiky ilay izy. Tonga dia nahita, fa izay dia ilay tena valiny marina ho an'ny fahasitranan'ny vadiny. Toy ny ahoana no niasan'io Fanahy Masina io!

⁴² Nanoxy hatrany Tucson, niaraka tamin'ny Rahalahy Norman sy izy ireo, ary teo dia nanomboka niasa indray koa ny Tompo niaraka tamin'ny zavatra lehibe, mahery sy nanambara zavatra.

⁴³ Indray hariva, izany no nitarika ahy ho amin'ity fehiny eto ity, nitsangana niaraka tamin'ny Rahalahy Wood sy Rahalahy Sothmann aho. Ary izahay dia . . . Teo amin'ny folo alina teo izany, ary njery niandrandra ny lanitra aho, ary nisy hagagana lehibe tonga teo amiko. Ary hoy aho hoe, “Jereo fotsiny! Ireo zavatra lehibe rehetra ireo, tafiky ny lanitra!” Ary hoy aho hoe, “Ny zavatra rehetra dia ao anatin'ny firindrana tanteraka.”

⁴⁴ Ary hoy Rahalahy Wood hoe, “Raha mijery kintana kely anankiroa miaraka mifanakaiky, fa, izany no nanao an'ilay izy ho toy ny hazavana anankiray.”

⁴⁵ Hoy aho hoe, “Fa, fantatralo, Rahalahy Wood, araka ny siansa, ao anatin'io Bera io, ilay Bera Kely, ilay Bera Lehibe, ireo kintana ireo dia toy ny tsy mihoatra ny tondro roa ny elanelany; fa izy tsirairay ireo dia mifanalavitra mihoatra noho ny fahalavirantsika amin'izy ireo. Ary raha nandeha ho ety amin'ity tany ity izy ireo, izany dia handany, amin'ny an'arivony maily isan'ora, izany dia handany an-jatony sy an-jatony taona ho azy ireo hahatrarany ny tany.” Ary hoy aho hoe, “Ao amin'io rafitra lehibe, midadasika be eo io, ary nefy izy ireo dia mbola miteny amintsika fa mijery amin'ny fitaratra izy ireo, ka afaka mijery roapolo amby zato tapitriza taona amin'ny fotoana ara-hazavana, lavitra be tao anatin'izany; ary mbola misy volana sy kintana foana. Ary—ary, kanefa, dia Andriamanitra no nanao ny tsirairay amin'izy ireny. Ary mipetraka eo afovoan'ireo Izy.”

⁴⁶ Hoy aho hoe, “Any ho any ao anatin'io, dia natoro ahy, indray mandeha tao amin'ny trano fandinihana anankiray, ny andian-kintana; nanomboka tamin'ny virijiny, nandalo teo amin'ny taonan'ny kansera, ary nidina hatrany amin'ny farany dia ny liona, Leo ilay liona. Ny fihavian'i Kristy voalohany, tamin'ny

alàlan'ny virijiny; ny fihaviana faharoa, amin'ny alàlan'ny Liona avy amin'ny fokon'i Joda." Ary hoy aho hoe, "Niezaka aho arak'izay tratrako mba hahita an'io andian-kintana io, ary dia tsy hitako ilay izy. Saingy, kanefa, ao izy. Ireo izay niofana, dia mahafantatra fa ao izy. Nahita azy io i Joba. Ny olona njery azy taloha. Ny Baiboly izany, tamin'ny andro anankiray. Saingy ao anatin'io hamaroan-javatra lehibe manontolo an-tapitrisany sy lavitrisan'ny—ny taona ara-hazavana io, dia mitoetra ao afovoan'io rehetra io Andriamanitra, ary mijery ambany Izy. Ao anatin'io i Paoly. Ny reniko ao anatin'io, any ho any, mijery ambany."

⁴⁷ Ary mieritreritra ny laharan'io tafiky ny lanitra io aho, na ny iray amin'izy ireo aza tsy any ivelan'ny toerana. Ny tsirairay dia samy mihazona ny fotoanany, tanteraka. Tafika lehibe an'Andriamanitra! Nieritreritra an'ireo miaramila aho; ahoana moa raha io volana io no ho lasa hiala amin'ny laharana, dia ho difotry ny rano indray ny tany, ao anatin'ny minitra fohy fotsiny. Ny tany dia ho lasa tahaka azy tamin'ny nanapahan'Andriamanitra hevitra fa hampiasa azy, mba hametrahana antsika teo aminy. "Tsy nanana endrika izy, sady foana, ary ny aizina, sy ny rano no tambonin'ny tany." Ary raha mba nihetsika io volana io, dia hanao zavatra mitovy indray. Rehefa manalavitra kely ny tany ny volana, dia miakatra ny samonta. Rehefa midina izy, dia manaraka fotsiny ny samonta. Izany no tafika lehibe an'Andriamanitra. Ary rehefa nieritreritra aho mikasika ny... io tafika lehiben'Andriamanitra izay ao io.

⁴⁸ Ankehitriny, nandeha natory izahay. Ary avy eo dia nanomboka nieritreritra aho fa tsy misy anankiray amin'ireo ivelan'ny toerany. Mijanona amin'ny toerany izy rehetra. Ary raha misy fihetsehana anankiray, n'aiza n'aiza, amin'izy ireo, dia ho an'ny antony anankiray izany, ary hiantraika amin'ity tany ity. Hitantsika fotsiny ny vokatr'izany ankehitriny, avy amin'ny sasany amin'ireo fihetsehany mankao amin'ireo toerany hafa. Misy fiantraikany izany. Miantraika amin'ny zavatra rehetra izany.

⁴⁹ Ary nieritreritra aho, tamin'izany, raha io tafiky ny lanitra lehibe io, tahaka an'io, no tsy maintsy mihazona ny toerany, mba hanao ny zavatra rehetra ao anaty laharana, dia mba ahoana ny amin'ny korontan'ny tafiky ny tany? Ahoana, raha ny anankiray no miala amin'ny laharana, ahoana no anakorontanan'izany ny zavatra manontolo avy ao! Ny fandaharan'Andriamanitra manontolo dia mikorontana rehefa ny mpikambana iray no miala amin'ny laharana. Isika dia tsy maintsy mikezaka hihazona ny laharan'ny Fanahy.

⁵⁰ Ary ho tiako, amin'Andriamanitra, izao maraina izao, mba hitondrantsika an'ity ho amin'ny asa fansitraranana marina anankiray, mba ho azontsika hazonina ity ampahany...ity vondrona izay nangonintsika eto ambanin'ny tafo ity izao

maraina izao, ho ao amin'ny tena firindrana anankiray, ka ny Fanahy Masina no hametraka ny mpikambana tsirairay an'ilay Vatana, izay eto amin'izao maraina izao, ao amin'ny tena firindrana, hany ka hisy ny fanasitravana haingana ho an'ny fanahy sy ny vatana, raha hihazona ny toerantsika fotsiny isika.

⁵¹ Ankehitriny, araka ny nolazaiko teny am-piandohana, io ramatoa izay nisy homamiadana izay i Dokotera Holbrook no nanala...no nandeha hanala azy. Ankehitriny, ilay Andriamanitra izay nanao an'ilay feo nihovitrovitra ho tonga tao amin'ilay trano fitsaboana, ka naka an'ilay homamiadana tsy namela holatra anankiray akory aza, tsy fantatrareo ve fa io Andriamanitra io ihany no eto? [Hoy ny fiangonana hoe, "Amena."—Mpand.] Ary ny zavatra tokana izay Andrasany, dia ho an'Ny—Ny tafiny handray ny toerany, tahaka an'ireo kintana, mandray ny toerany.

⁵² Ankehitriny, fantatrareo ve, isika dia nanana ady ary ady, sy filazana ady? Ary raha mbola maharitra ny tany, dia hanana ady betsaka isika. Saingy mba tsapanareo ve fa hery anankiroa ihany no misy eto amin'ny eran-tany rehetra? Avy ao amin'ireo fahasamihafana rehetra eo amin'ireo firenena, sy ny fahasamihafana eo amintsika, sy ny zavatra rehetra, io rehetra io dia tafakatra eo amin'ny hery anankiroa. Hery anankiroa ihany no misy, ary fanjakana anankiroa ihany no misy; hery anankiroa, ary fanjakana anankiroa. Ny sisa rehetra, zavatra madinidinika kely, dia mifamatotra amin'ny anankiray amin'ireo hery ireo. Ary ireo hery ireo dia ny herin'Andriamanitra sy ny herin'i Satana. Izany no...Ny ady rehetra, ny korontana rehetra, ny zavatra rehetra izay miseho, dia na izy fehezin'ny herin'Andriamanitra na ny herin'i Satana, satria izany no hany hery anankiroa izay misy. Ary izany no herin'ny fiaianana sy ny herin'ny fahafatesana. Ankehitriny, izany no hany hery anankiroa.

⁵³ Ary Satana dia afaka fotsiny...Ny heriny, izay ananany, dia ilay herin'Andriamanitra voavadika. Tsy ilay tena hery izany. Izany dia famadihana ny herin'Andriamanitra, ny zavatra rehetra izay ananan'i Satana. Ny fahafatesana dia fiaianana anankiray voavadika fotsiny. Ny lainga anankiray dia ny marina diso filaza. Hitanareo? Ny fijangajangana dia ny—ny fihetsika anankiray diso fampiasa, fihetsika marina anankiray diso fampiasa. Hitanareo? Ny zavatra rehetra izay ananan'i Satana dia ny zavatra izay voavadika, saingy hery anankiray izany.

⁵⁴ Ary isika, androany, dia mipetraka eto, ka ny hery anankiray na ilay hafa no hifehy antsika. Koa ndao roahintsika ny anankiray ratsy. Ndao isika haka ny toerantsika tahaka an'ireo kintana eny amin'ny lanitra.

⁵⁵ Arak'izay lazain'ny Baiboly, "Kintana mifindrafandra," ao amin'ny Bokin'i Joda, "mamorivory ny fahamenarany." Ary isika

tsy te-ho kintana mifindrafindra; hanontany tena na marina *ity*, hanontany tena raha marina *izao*, hanontany tena raha hitranga izany, hanontany tena hoe ahoana no hisian'izany. Aza mifindrafindra. Mijanona tahaka an'ireo kintan'ny lanitra ireo, ho toy ny tena miaramila eo amin'ny toeram-piambenany. Mijoroa eo, mino! Ny fiainana sy ny fahafatesana.

⁵⁶ Ankehitriny, ny tafika anankiray, raha tena tafika, ny firenena iray rehefa miomana hanafika firenena hafa anankiray, dia tsy maintsy mipetraka izy aloha ary mandinika hoe inona no tsara sy ratsy, ary raha afaka ny hanafika ny firenena manaraka izy na tsia. Nampianatra an'izany Jesosy. Ary raha nanao an'izany ny olona, raha ireo firenena no—no nipetraka, ka nianona sy nihevitra an'ireo zavatra ireo, ny lafiny anankiroa, dia tsy ho nanana ady intsony isika.

⁵⁷ Ankehitriny, mahita isika, raha tsy manao an'izany ny lehilahy anankiray, raha ny lohan'ny miaramilan'ny firenena no tsy mipetraka, aloha, ka mandinika sy mijery fa marina izy ireo, ka ny antony sy ny tanjony dia marina, ary manana tanjaka ampy tsara sy hery handresena ny tafika manaraka izy ireo, amin'izay fotoana izay dia azon'izy ireo antoka ny ho resy.

⁵⁸ Teo no nahatonga ny Jeneraly Custer nanao ny fahadisoany mahafaty. Jeneraly Custer, araka ny fahalalako, dia naharay baiko avy tamin'ny governemanta, mba tsy hiditra ao amin'ny tanin'ny Sioux, satria andron'ny fivavahana ho azy ireo izany. Andro fanompoana anankiray izany. Nanao fety anankiray izy ireo. Saingy mamo i Custer, ary nieritreritra izy fa hataony foana izany na ahoana na ahoana. Niampita izy, na baiko ilay izy na tsy baiko. Ary tamin'izay fotoana izay dia notifirin'izy ireo hatramin'ny lehilahy tsy manan-tsiny aza, notifiriny izy ireo. Ary heveriko fa nahavoa vitsivitsy tamin'izy ireo izy. Tily ireo, nivoaka, nitady sakafy, hampisakafy ny—ny olony rehefa ao anatin'ny fanompoana izy ireo. Ary i Custer, niampita, nahita azy ireo, ary nihevitra fa nitady hamely ny tobiny izy ireo, ary dia notifiriny ireo tily ireo. Ary nandositra ireo tily ireo, niverina. Inona no nataon'izy ireo? Nampitao ny tenany izy ireo, ary indreoo izy ireo fa avy. Ary izay no fiafarany i Jeneraly Custer, satria tsy mba nipetraka sy nandinika izy, aloha.

⁵⁹ Tsy nanana raharaha teo izy. Tsy nanana zo ny ho any izy. Efa nanosika ny Indiana hatrany amin'ny Morontsiraka Atsinana izy, hatramin'ny farany tany Andrefana, na izany aza. Ary nanana fifanarahana izy ireo, saingy noravany ilay fifanarahana. Ary rehefa noravany ilay fifanarahana, dia tamin'izay fotoana izay no resy tamin'ny ady izy.

⁶⁰ Ary koa ny tafika anankiray, voalohany, rehefa vonona ho an'ny ady anankiray, voalohany dia tsy maintsy misy fifantenana, miaramila vitsivitsy. Tsy maintsy voatafy ho an'ilay ady izy ireo. Tsy maintsy voafana ho an'ilay ady izy ireo.

⁶¹ Ary mino aho fa ny ady lehibe indrindra izay iadiana mandrakariva, dia efa vonona ankehitriny ny hiditra amin'ny fihetsehana. Mino aho fa efa nifantina an'ireo Miaramilany Andriamanitra. Mino aho fa efa nampiakanjo azy ireo Izy, nanofana azy ireo. Ary tafapetraka ankehitriny ny sahan'ady, vonona ny hanomboka.

⁶² Io ady, lehibe voalohany izay iadiana mandrakariva io, dia nanomboka tany An-danitra, rehefa i Mikaela sy ny Anjeliny no niady tamin'i Losifera sy ny anjeliny. Nanomboka aloha izany, ny ady voalohany dia tany An-danitra. Noho izany, ny ota dia tsy niandoha teto an-tany, niandoha tany An-danitra izany.

⁶³ Ary avy eo dia nazera avy tany An-danitra izany, noroahina avy tany An-danitra, ho ety an-tany, ary niditra tao amin'ny olombelona. Avy eo ilay ady, an'ny samy anjely, lasa adin'olombelona. Ary tonga i Satana handrava ny famororan'Andriamanitra, izaynoforonin'Andriamanitra mba ho Azy Tenany. Izy dia, i Satana, tonga handrava an'izany. Izany no tanjony, dia ny handrava an'izany. Avy eo dia nanomboka teto an-tany ilay ady, ary nanomboka tao anatintsika, ary mangotraka hatramin'izany fotoana izany.

⁶⁴ Ankehitriny, mialohan'ny hahatonga ny ady anankiray ho voalahatra, dia tsy maintsy mifidy tany anankiray hihaonana aloha izy ireo, na toerana izay iadiana an'ilay ady, toerana voafantina anankiray.

⁶⁵ Tamin'ny Ady Lehibe Voalohany, tena voapetraka tsara izany, teo amin'ny tany tsy manan-tompo sy toerana izay niadian'izy ireo. Ary tsy maintsy nanana toerana voafantina izy ireo.

⁶⁶ Tahaka an'ny Isiraely rehefa nandeha niady tamin'ireo Filistina, nisy ny—ny—ny havoana teo amin'ny lafiny rehetra izay nitobian'izy ireo. Ary teo i Goliata no nivoaka ka niantso ny tafiky ny Isiraely. Teo no nihaonan'i Davida taminy, tao amin'ny lohasaha, rehefa nandalo teo amin'ny helodrano kely anankiray izy izay nikoriana teo anelanelan'ireo havoana anankiroa, naka an'ireo vato.

⁶⁷ Tsy maintsy misy toerana voafantina anankiray. Ary ao amin'io, dia misy ny—ny tany iraisana, tany tsy manan-tompo, ary eo amin'io toerana io izy ireo no miady. Izy ireo tsy nanao fotsiny hoe, ny anankiray miady eto, ary ny anankiray eto ambany eto, ary ny anankiray mihazakazaka eto. Misy ny vava ady anankiray izay hihaonan'izy ireo sy hitsapan'izy ireo ny heriny, izay hitsapan'ireo tafika tsirairay ny tanjany manohitra an'ilay tafika anankiray hafa, toeram-pihaonana iraisana. Ankehitriny, aza (mety) diso an'izao mihitsy.

⁶⁸ Rehefa nanomboka teto an-tany io ady lehibe io, dia tsy maintsy nisy toeram-pihaonana iraisana anankiray. Tsy maintsy nisy toerana anankiray voafantina hanombohana an'ilay ady,

ary hampangotraka an'ilay ady. Ary izany sahan'ady izany dia nanomboka ao anatin'ny sain'ny olombelona. Ao no manomboka ilay ady. Ny sain'ny olombelona no voafidy ho toeran'ny ady, izay nanombohan'izany, ary izany dia satria ny fanapahankevitra dia raisina avy ao amin'ny saina, ny loha. Ankehitriny, tsy nanomboka an'izany avy tao amin'ny anaram-piangonana mihitsy izy ireo. Tsy nanomboka an'izany tamin'ny raharaha mekanika mihitsy izy ireo. Tsy teo amin'izany mihitsy no nanombohan'ilay tany. Noho izany, ny rafi-pandaminana dia tsy mahavita mihitsy, mihitsy hanao ny asan'Andriamanitra, satria ilay sahan'ady, izay tsy maintsy hihaonanareo amin'ilay fahavalonareo, dia ao anatin'ny saina. Tsy maintsy manao ny safidinareo ianareo. Mihaona aminareo izany.

⁶⁹ Tiako io zazavavy kely eto io, izay tena marary, mba banana antoka hihaino an'izao ankehitriny, tena tsara.

⁷⁰ Ireo fanapahan-kevitra dia raisina ao amin'ny saina, ny loha. Ao no hihaonan'i Satana aminareo, sy misy ny fanapahankevitra, satria io Andriamanitra io no nanao ny olona ho tahaka an'izany.

⁷¹ Ankehitriny, izaho dia nanao (raha mijery eo amin'ny naotiko eto ianareo) sary kely anankiray. Nanana azy ity aho teto vao tsy ela akory izay, teo... taloha teo amin'ny solaitrabe. Ny olombelona dia natao tahaka ny voam-bary anankiray fotsiny. Voa anankiray izy. Ary ny olombelona dia voa anankiray. Arabatana, dia voan'ny rainareo sy ny reninareo ianareo; ary ny aina dia avy amin'ny ray, ny nofo dia avy amin'ny reny. Koa, izy roa, miaraka, ilay atody sy ilay-ilay rà, no mikambana. Ary ao anatin'ny selan'ny rà no misy ny aina. Ary ao anatin'izany no manomboka io, mitombo, manao an'ilay-ilay zaza. Ankehitriny, ny voa rehetra dia manana akora anankiray ny ivelany; ny ao anatin' dia ny nofo; ary ao anatin'ilay nofo dia ny tsirin'aina. Eny, izany no fomba nanaovana antsika. Isika dia vatana, aina, ary fanahy. Ny ivelany, ilay vatana, ilay akora; ny ao anatin'izany, ny fieritreretana sy ny sisa, dia ny aina; ary ao anatin'ny aina, dia ny fanahy. Ary ny fanahy no mitondra ny sisa rehetra.

⁷² Ankehitriny, raha hipetraka ianareo rehefa tonga any antranano, ka hanao sary faribolana kely anankitelo. Ho hitanareeo fa ilay vatana ivelany dia manana taovam-pandrenesana dimy izay azony ifandraisana, ary izany dia ny mahita, manandrana, mahatsapa, manimbolo, mandre. Izany no taovam-pandrenesana dimy izay mifehy ny vatan'olombelona.

⁷³ Ao anatin'ny vatana dia ny aina, ary io aina io dia fehezin'ny faminavinana, ny fieritreretana, ny fahatsiarovana, ny fihevitra, ary ny fitiavana. Izany no zavatra izay mifehy ny aina.

⁷⁴ Saingy, ny fanahy, dia taovam-pandrenesana iray ihany no ananany. Ny fanahy... Oh, aleo ho azontsika ilay izy. Ny fanahy

dia manana taovam-pandrenesana anankiray, ary io taovam-pandrenesana io dia, izay manapaka azy, dia ny finoana na ny fisalasalana. Tena marina izany. Ary lalam-be anankiray ihany no misy eo amin'io, izany dia ny safidy malalaka. Afaka manaiky ny fisalasalana ianareo na afaka manaiky ny finoana ianareo, ny anankiray izay tianareo hiasana. Noho izany, nanomboka teo amin'ny ampahany lehibe i Satana, hisintona ny fanahin'ny olona hisalasala amin'ny Tenin'Andriamanitra. Nanomboka teo amin'ny ampahany lehibe Andriamanitra, hametraka ny Teniny ao amin'io fanahy io. Eo ianareo izao. Izany no atao'ilay izy.

⁷⁵ Raha ity fiangonana ity, izao ankehitriny izao no afaka ho tafakambana, sy ho tena tafaray amin'izany ka ny olona rehetra ho ao anatin'ny saina iray, tsy misy aloka iray an'ny fisalasalana n'aiza na aiza, dia tsy hisy olona halemy eo afovoantsika, ao anatin'ny dimy minitra manaraka. Tsy hisy olona eto maniry ny Fanahy Masina ka tsy haharay an'Izany, raha afaka manao an'ilay zavatra ho voalamina fotsiny ianareo. Ankehitriny, eo no manomboka ilay ady, ao amin'ny sainareo mihitsy, raha tianareo.

⁷⁶ Ankehitriny tsarovy, tsy Siansa Kristiana izany, ankehitriny, saina mandresy zavatra. Izany dia tsy nanana... Ny saina manaiky ny Fiainana, izay ny Tenin'Andriamanitra, ary izany no mitondra ny Fiainana. Tsy ny fisainanareo fotsiny ihany no nanao an'ilay izy. Fa, ny Tenin'Andriamanitra, nentina tao anatin'ny fantson'ny fisainanareo. Hitanareo? Tsy fisainana ilay izy, araka ny hanaovan'ny Siansa Kristiana azy, saina mandresy zavatra. Tsia. Tsy izany io.

⁷⁷ Fa, ny sainareo no manaiky an'Izany. Io no maharay an'Izany. Inona no mifehy ny sainareo? Ny fanahinareo. Ary ny fanahinareo no mandray ny Tenin'Andriamanitra, ary izany no zavatra izay mitondra Fiainana ao anatin'Izany. Mitondra Fiainana ao anatinareo Izany. Oh, rahalahy! Rehefa izany no miseho, rehefa midina amin'io fantsona io ilay Fiainana, ao anatinareo, dia voaseho ao aminareo ny Tenin'Andriamanitra. "Raha mitoetra ao Amiko ianareo, ary ny Teniko mitoetra ao aminareo, dia angataho izay tianareo fa ho azonareo izany."

⁷⁸ Avy dia inona no hataon'izany? Avy eo afovoan'ilay fo, dia ny aina, no mivoaka avy eo, mamoky ny fantsona rehetra. Ny olana amin'ilay izy, dia eto isika no mitsangana miaraka amin'ny fisalasalana be dia be, miezaka manaiky an'izay ato. Tokony hajanonareo izany; ka midina ato amin'ity fantsona ity miaraka amin'ilay Tenin'Andriamanitra marina, ary avy eo dia hivoaka izany, izy tenany, mandeha ho azy. Izany no ao amin'ilay anaty. Izany no zavatra ilaina, dia ilay ao anaty.

Ny fanatonan'i Satana dia avy ao anaty.

⁷⁹ Ankehitriny, hoy ianareo hoe, “Izaho tsy mangalatra. Izaho tsy misotro. Izaho tsy manao an’izany zavatra izany.” Tsy misy ifandraisany amin’izany.

⁸⁰ Hitanareo, ilay ao anaty. Na inona fahatsaranareo, na tsara toetra toy ny inona ianareo, na feno finoana toy ny inona ianareo, hajaina ireo zavatra ireo. Saingy hoy Jesosy hoe, “Raha tsy ateraka indray ny olona.” Hitanareo? Tsy maintsy misy zavatra miseho ao anaty. Raha tsy izany ianareo, dia noforonina napetaka, satria tao anatin’ny fonareo lalina tao dia mbola nanam-paniriana hanao an’ilay izy ihany ianareo na izany aza. Tsy mety ho foronina izany. Tsy maintsy ho tena misy izany.

⁸¹ Ary lâlam-be tokana ihany no hahafahan’izany hidina, ary izany dia amin’ny alàlan’ny safidy malalaka, miditra ao amin’ilay aina, amin’ny alàlan’ny fisainanareo. “Izay sainin’ny olona ao anatin’ny fony, no maha-izy azy.” “Raha miteny amin’io tendrombohitra io ianareo hoe, ‘Mifindrà,’ ka tsy misalasala ao am-ponareo, fa mino fa izay nolazainareo dia hiseho, dia ho azonareo izay nolazainareo.” Azonareo ve ilay izy? [Hoy ny fiangonana hoe, “Amena.” —Mpand.] Eo ianareo izao. Hitanareo? Misy ny sahan’ady. Raha afaka ny hanomboka ianareo, aloha.

⁸² Isika dia manam-paniriana ny hahita zavatra vita. Isika dia manam-paniriana ny hanao zavatra ho an’Andriamanitra. Ity ramatoa kely ity dia tsy... manam-paniriana, tsy misy fisalasalana, manam-paniriana ny ho velona. Te-ho tsara izy. Ny sasany dia eto, te-ho tsara. Ary rehefa mandre ny momba an’ilay zavatra isika, tahaka an’ilay dokotera, ilay fitsanganana tamin’ny maty, ilay zavatra mahery lehibe izay nataon’ilay Andriamanintsika, amin’izay fotoana izay dia manam-paniriana isika. Fa ny zavatra amin’ilay izy dia, isika no miezaka manakatra amin’ny alàlan’ireo taovam-pandrenesana ireo, ny handramby zavatra eto, tahaka ny fieritreretana.

⁸³ Olona maro, matetika mihitsy, no mandika vilana ny Teny. Ary tsy dia azo tsara aho tamin’ny alàlan’ity, amin’ny fanaovana ny antso eny amin’ny alitara. Hoy aho hoe, “Tsy dia tena mankasitraka loatra antso eny amin’ny alitara aho,” tsy midika izany hoe tsy tokony hanao antso eny amin’ny alitara ianareo.

⁸⁴ Fa ny olona anankiray izay mandray olona anankiray amin’ny sandriny, manao hoe, “Oh, Rahalahy John, mba fantatrao moa? Izaho sy ianao dia mpifanolo-bodirindrina hatramin’izay. Miakara eto amin’ny alitara eto, mandoohaleha.” Inona no ataony? Maniry aho ny hanana solaitrabe anankiray eto, dia azoko haseho anareo izay hataony. Miezaka miasa amin’ny alàlan’ny ainy izy, amin’ny fitiavana. Tsy mety izany. Tsy izany ilay lâlam-be. Marina tokoa, tsy izany io.

⁸⁵ Angamba izy miasa ao amin’ny (ny inona?) ny fahatsiarovana, amin’ny alàlan’ilay taovam-pandrenesan’io aina io. “Oh, Rahalahy John, manana reny mahafinaritra ianao. Efa

maty fotoana maro lasa izy.” Fahatsiarovana! Hitanareo? Tsy mahavita an’izany ianareo.

⁸⁶ Tsy maintsy midina ao amin’ny lâlan’ny safidy malalaka izany. Ianareo, ny tenanareo, no mamela ny Tenin’Andriamanitra... Tsy tonga ianareo satria hoe vehivavy tsara fanahy ny reninareo. Tsy tonga ianareo satria hoe mpifanolo-bodirindrina tsara ianareo. Tonga ianareo satria Andriamanitra no niantso anareo ho tonga, ary nanaiky Azy ianareo teo amin’ny fototry ny Teniny. Ity Teny ity no midika zava-drehetra. Ity Teny ity! Raha afaka manala ny zavatra rehetra eo amin’ny lâlana ianareo, ny fieritreretana rehetra, ny taova rehetra, ka mamela fotsiny ny Teny ho tonga, dia io Teny io no hamokatra marina tokoa.

⁸⁷ Eto, hitanareo ve izay manarona Azy? Hoy ianareo hoe, “Eny, ankehitriny,” hoy ianareo hoe, “eny, ireo, fieritreretana sy taova, ary ny sisa, dia tsy misy hidiran’izany, Rahalahy Branham?” Izany tokoa, tsy misy. Fa raha avelanareo hiditra ny Teny, ka saronanareo amin’ny fieritreretana Izany, amin’izay fotoana izay dia tsy afaka hitombo Izany; ho teny novaina izany.

⁸⁸ Efa mba nahita voa tsara anankiray ve ianareo nambolena tamin’ny tany, ka namela tapa-kazo anankiray nilatsaka teo amboniny? Hitsiry mivilana izy io. Ny voaloboka rehetra, ny zavatra rehetra izay mitsiry, dia ho toy izany, satria nisy zavatra nisakana azy.

⁸⁹ Eny, izany no zavatra miseho eo amin’ny Finoana pentekotistsika ankehitriny. Be loatra ny zavatra navelantsika nisakana Azy, ilay Finoana izay nampianarina antsika, ilay Fanahy Masina izay niaina tao anatintsika. Be loatra ny zavatra navelantsika, ka njery olon-kafa.

⁹⁰ Ary ny devoly dia miezaka foana mampiseho aminareo ny fahalavoan’ny hafa, saingy miezaka izy ny hanendaka anareo eo amin’ilay fanambarana marina izay tena izy. Hampiseho mpihatsaravelatsihy anankiray aminareo izy, indraindray, izay hivoaka haka tahaka zavatra anankiray. Tsy izy no nanao an’ilay izy, satria naka tahaka izy. Saingy raha avy ao amin’ilay loharano marin’ny Tenin’Andriamanitra ilay izy, “Ny lanitra sy ny tany ho levona, fa ny Teniko tsy mba ho levona,” tsy maintsy mitoetra eo Izy io.

Hitanao ve izany, ranabavy?

⁹¹ Tsy maintsy ekena ao amin’ny saina ilay Izy, avy eo dia hinoana amin’ny fo ilay Izy. Avy eo ilay Tenin’Andriamanitra dia ho lasa zava-misy, avy eo ny taovam-pandrenesana rehetra an’ny aina sy vatana dia diovin’ilay Fanahy Masina fotsiny. Avy eo ny taovam-pandrenesanareo avy amin’Andriamanitra, ny fieritreretanareo avy amin’Andriamanitra, izay rehetra avy amin’andriamanitra, no mikoriana ao aminareo. Tsy misy

fisalasalana n'aiza na aiza. Tsy misy na inona na inona afaka hitsangana.

⁹² Tsy misy na inona na inona hiakatra ao amin'ny fahatsiarovana, ka hanao hoe, "Eny, tsaroako Ramatoakely Jones niezaka nahatoky an'Andriamanitra, sy Ramatoakely *Ranona-sy-ranona*. Ramatoakely Doe niezaka nahatoky an'Andriamanitra mba ho sitrana, indray mandeha, nefo tsy nahomby izy." Hitareo?

⁹³ Fa raha nalalahana izany fantsona izany ka nodiovina, ary nofenoina ny Fanahy Masina ny ao anaty, dia tsy miakatra ao amin'ny fahatsiarovana akory aza izany, tsy mampaninona izay mikasika an-dRamatoakely Jones sy izay nataony. Ianareo sy Andriamanitra izany, miaraka, ary tsy misy olon-kafa afa-tsy ianareo roa. Eo ianareo izao. Izany ilay adinareo. Vonoy izy hatrany am-boalohany. Ajanony izy ho faty eo amin'ilay lâlany. Tsy ny hahavitanareo hampaharitra an'ilay ady akory no izy. Ilay izy dia, ajanony izao dia izao ilay izy!

⁹⁴ Rehefa ho tonga ianareo, ka ho tazoninareo ireny fahatsiarovana sy fieritreretana ireny, ary ny zavatra rehetra, mieritreritra an'izany, "Eny, mety tsy nahomby aho. Mety tsy ho marina ilay izy." Ianareo aza manao an'izany, mihitsy.

⁹⁵ Arionareo avokoa ny zavatra rehetra, ka vohay ny fantsona, ary manaova hoe, "Andriamanitra, ny Teninao dia marina Mandrakizay, ary ho ahy Izany. Raha tsy mahomby ny fiangonana manontolo, raha tsy mahomby ny tany manontolo, kanefa izaho tsy afaka ny tsy hahomby, satria mandray ny Teninao aho." Io ilay ady. Izany ilay zavatra.

⁹⁶ Nahoana ilay Andriamanitra Tsitoha no nanala ny homamiadana anankiray avy teo amin'ny nonon'ny vehivavy anankiray, tsy nisy holatra anankiray, nefo hamela zaza anankiray handry dia ho faty? Tsia, tompoko.

⁹⁷ Zazavavy kely anankiray no tonga teto, vao tsy ela, avy amin'ny fianarana ambony. Niantso ahy ny reniny, hoy izy, "Ranadahy Branham, tratry ny aretin'ny Hodgkin ny zanakovavy." Homamiadana izany, maka endrika mivonto. Ary ny dokotera dia naka ampahany anankiray avy tao amin'ilay fery tao amin'ny tendany, nandefa an'izany, ary tena aretin'ny Hodgkin tanteraka tokoa ilay izy.

⁹⁸ Noho izany dia hoy izy, "Ny fery iray manaraka, dia mety ho fery eo amin'ny fony. Rehefa izay ilay izy, dia vita ny aminy." Hoy izy, "Izy tsy nanana... .Izao fomba fahavakisany izao, dia banana izy, any ho any, amin'ny telo volana any, hiainana."

⁹⁹ Hoy ilay reny hoe, "Inona no hataoko? Hamerina azy any am-pianarana ve?"

¹⁰⁰ Hoy izy hoe, "Avelao izy handeha, satria mety ho lasa tampoka ihany izy." Ary hoy izy, "Avelao fotsiny izy handeha

sy hiaina amin'ny fiainana tsotra, arak'izay tratrany. Aza miteny na inona na inona aminy mikasika an'ilay izy."

Koa hoy ilay ramatoa tamiko, "Inona no tsy maintsy hataoko?"

¹⁰¹ Hoy aho hoe, "Ento aty izy ary ataovy ao anatin'ny laharam-bavaka izy." Ary hoy aho hoe, "Tongava ianao miaraka aminy." Nahatsapa fihetsem-po kely hafahafa aho.

¹⁰² Ary rehefa nandalo ilay tovovavy kely, tamin'io maraina io, miaraka amin'ny molotra mangamanga, noho ny fandokoantarehy, ary araka izay ataon'ny any am-pianarana. Ary—ary nandalo ilay zavatra kely. Tsy fantattro hoe ho iza izy; ilay niantso ahy an-telefonina. Noraisiko ny tànany. Hoy aho hoe, "Manao ahoana, ranabavy." Teo izy. Izy io. Tao anatin'ny fotoana fohy fotsiny, nojereko ny reniny ary hitako fa samy tsy nanana an'Andriamanitra izy roa, tsy nanana an'i Kristy. Hoy aho hoe, "Ahoana no anantenanareo fanasitranana eto amin'ity tany ity? Hanaiky an'i Jesosy Kristy ho Mpamonjinareo manokana ve ianareo?" Hoy aho hoe, "Handeha ho etsy amin'io dobo eto io ve ianareo ka hatao batisa amin'ny Anaran'i Jesosy Kristy ho famelana ny helokareo?"

Hoy izy ireo hoe, "Hataonay izany."

¹⁰³ Oh, fantatrareo izay niseho. Mipetraka eto angamba ilay vehivavy izao maraina izao. Maro aminareo no mahafantatra an'ilay zavatra. Rahalahy Mike Egan, iray amin'ireo mpitantandrahara eto, nandinika an'ilay zavatra. Teo amin'ny efatra na dimy taona lasa teo izany. Nentina niverina tany amin'ny dokotera ilay zazavavy kely, tsy misy na dia mariky ny aretin'ny Hodgkin anankiray aza hita teo aminy.

¹⁰⁴ Inona ny olana? Tsy maintsy sokafanareo ilay fantsona, aloha. Tsy maintsy manana an'ilay Miaramila ianareo, ilay Fanahy Masina, mipetraka any amin'ny vava ady, izay mandray ny Tenin'Andriamanitra. Izy no Teny. Ary mitsangana eo Izy, tsy misy na inona na inona hahasakana Izany amin'izay fotoana izay. Tsy misy na inona na inona. Ny tsirairay amin'ireo fantsona sisa dia voadio. Tahaka ny famanan-drano antitra anankiray miaraka amin'ny fivoahan-doto tsentsina; raha manisy afo ao ianareo, hanapoaka ny zavatrareo izany. Izany no olana eo amin'ireo Kristiana mipoaka marobe, dia satria tsy manadio an'ireo fantsona izy ireo, tsy midina any amin'ilay anaty izy ireo. Tsy maintsy diovinareo izany, fieritreretana, fahatsiarovana, fisainana, apetraka eny an-jorony ny zavatra rehetra, ary mivoaka avy ao anaty, miaraka amin'ny Tenin'Andriamanitra tsy mifangaro, fa Izany no Fahamarinana.

¹⁰⁵ Tsy mampaninona raha maty ny iray alina amin'ity ilany ity, androany, matoky; iray alina maty amin'itsy ilany itsy, rahampitso, matoky; tsy misy hidirako amin'izany. Izaho ilay isam-batan'olona. Izaho ilay tokana izay matoky. Izaho ilay

tokana izay mino an'ilay izy. Ary hitantsika any aoriana any, raha tiantsika ny hanokatra an'ireo fantsotsika amin'izay fotoana izay, raha vitantsika, ka mahita. Mahita isika an'ity anankiray ity sy *itsy* anankiray itsy, ary *ity* anankiray ity sy *itsy* anankiray itsy, an'arivony amin'izy ireo, manambara.

¹⁰⁶ Fa ny devoly dia hiezaka hiverina avy hatrany. Hitanareo, raha izy no afaka miditra, mihitsy, dia hanao izay hampandositra ny tafikareo avy hatrany izy amin'izay fotoana izay.

¹⁰⁷ Raha manana ny taovam-pandrenesanareo ianareo, mahita, manandrina, mitsapa, manimbolo, ary mandre, tsara izy ireo, saingy aza matoky azy ireo raha tsy mifanaraka amin'ny Teny izy ireo. Tsara izy ireo, saingy, raha tsy mifanaraka amin'ny Teny izy ireo, dia aza mihaino azy ireny. Ankehitriny, ny faminavinana, ny fieritreretana, ny fahatsiarovana, ny fiheverana, ary ny fitiavana, tsara izy ireo raha mifanaraka amin'ny Teny. Saingy raha tsy mifanaraka amin'ny Teny ny fitiavanareo, dia esory aminareo izany. Hanapoaka fivoahan-doto anankiray ianareo, avy hatrany. Hitanareo? Raha tsy mifanaraka amin'ny Teny ny fiheveranareo, mialà lavitra an'izany. Marina izany. Ny milina... Raha ny fahatsiarovanareo, raha ny faminavinanareo, raha ny fieritreretanareo, na inona na inona, no tsy mifanaraka amin'ilay ao anaty, dia esory aminareo izany.

¹⁰⁸ Inona no anananareo amin'izay fotoana izay? Manana ny lamin'ny masoandro ianareo. Haleloia! Izany dia, Andriamanitra no nametraka ny kintana ka nanao hoe, "Mihantona eo mandra-Piantsoko anareo!" Mijanona eo izy ireo. Tsy misy na inona na inona hanetsika azy ireo. Rehefa afaka maka olona anankiray eny an-Tànany Andriamanitra, mandra-pahavitany an'ireo taovam-pandrenesana, fieritreretana, ny zavatra rehetra ho voadio, ambara-pitsangany miaraka amin'Andriamanitra aorian'izany, ao amin'ny fanahy; dia tsy misy devoly anankiray eto amin'izao tontolo izao afaka handetika fisalasalana anankiray ao anatiny ao. Marina izany.

Tonga izy dia manao hoe, "Tsy dia tsara loatra ianao."

¹⁰⁹ Lasa mihitsy aza ilay fieritreretanareo, ny amin'izany. Nadio tanteraka ilay fivoahan-doto, mihiaka izany, "Haleloia!" Ilay fivoahan-tsetroka mamoaka sioka, "Voninahitra ho an'Andriamanitra!" Mamirapiratra izany, izany tokoa, voasasa sy voadio fotsiny, mba hiasan'ny Tenin'Andriamanitra amin'ny alàlany, ilay Herin'Andriamanitra. Hitanareo? Izay ilay zavatra tena ilaina.

¹¹⁰ Ao no sahan'adinareo. Ny sahan'adinareo dia ato tany am-boalohany, ato amin'ny aina, ao amin'ny fisainanareo izay misokatra. Ny—ny fisainana no vavahadin'ny aina, ny vavahadin'ny fanahy, raha ny marina. Misokatra ny fisainanareo dia manaiky an'ilay fanahy, na mandà an'ilay fanahy izy.

Afaka manana fieritreretana kely ianareo, sy fihetsem-po kely, sy fahatsapana kely, ireo zavatra rehetra ireo. Tsy misy idiran'izany. Fahatsapana kely sy ny sisa fotsiny izany. Fa rehefa tonga eo amin'ny zava-misy izany, dia ny fisainanareo no manokatra an'izany. Na manaiky an'ilay izy ny fisainanareo na mandà an'ilay izy. Izay ilay izy, ry sakaiza.

Andriamanitra, aza misy avelanao ho diso an'izany izy ireo.

¹¹¹ Hitanareo, ny fisainanareo no manokatra an'ilay varavarana; na manidy an'ilay varavarana, sy mihaino ny fieritreretanareo, mihaino ny fahatsiarovanareo, mihaino ny fitiavanareo. Fa rehefa manidy ny tenany amin'ireo zavatra ireo ny fisainanareo, ka mamela an'Andriamanitra, ilay Fanahin'ny Teniny, hiditra, dia Izany no mitsoka ny sisa amin'ny zavatra. Ny fisalasalana rehetra lasa. Ny tahotra rehetra lasa. Ny fahatsapan'ny fisalasalana rehetra lasa. Ny fihetsem-po rehetra lasa. Tsy misy na inona na inona mitsangana eo afa-tsy ny Tenin'Andriamanitra, ary tsy vitan'i Satana ny miady manohitra an'Izany. Tsia, tompoke. Tsy vitany ny miady manohitra an'Io. Ankehitriny, fantatsika fa marina izany.

¹¹² Ireo ady ireo dia nangotraka hatrany amin'ny andron'ny saha Edena, ilay ady ao amin'ny fisainan'olombelona. Satana no nanomboka an'izany. Inona no nataony rehefa nihaona tamin'i Eva izy? Tsy nandà ny Tenin'Andriamanitra izy, fa nolokoiny fotsy Izany. Notsentsenany ireo fantsona vitsivitsy teto tamin'izany. Hoy izy hoe, "Fa azo antoka Andriamanitra . . ." Genesisy 3:1. Hitanareo? "Azo antoka, Andriamanitra, ireo zavatra rehetra izay Izy—Izy—Izy no nampanantena . . ." Fantany fa marina ny Teny. Saingy fantany fa tsy ho vitany ny ho tonga eo avy hatrany ka hanapoaka an'Izany, hitrena tahaka an'izany, fa izy—izy—izy dia nanarona siramamy an'Izany.

¹¹³ Tahaka an'i mama nanome fanafody anay fahiny, ary dia andramany asiana ranom-boasary ao amin'ilay mena-biby. Oadray, aleo kokoa aza maka an'ilay mena-biby tsy misy ranom-boasary! Zavatra anankiray izay mpihatsaravelatsihy! Hitanareo? Izy . . . Tsy maintsy mitsangana izahay amin'ny alina, ary nanome anay menak'arina izy, ho an'ny aretim-pivalanana. Ary napetrany ilay menak'arina, ka nasiany siramamy ao anatin'y; hitanareo, karazana mpihatsaravelatsihy. Fa tena mandrehitra ny amboakelin-tendanareo mihitsy izany, saiky, rehefa midina, rehefa lasa ilay siramamy.

¹¹⁴ Eny, izany ilay izy, ry sakaiza. Satana dia miezaka ny—ny ho mpihatsaravelatsihy mikasika an'izany. Miezaka mampiseho aminareo zavatra tsaratsara kokoa izy, fomba moramora kokoa, planina voadinika kokoa. Saingy tsy misy planina voadinika kokoa afa-tsy izay napetrak'Andriamanitra tany amin'ny voalohany, ny Teniny. Tano izany Teny izany. Manàna fihazonana eo amin'Izany. Avelao Izany hanana fihazonana eo

aminareo. Mijanona eo miaraka amin'Izany. Izany ilay—izany ilay zavatra.

¹¹⁵ Nangotraka ny ady rehefa nanokatra ny fisainany i Eva, mba hihaino ny fiheverany. Izany no fivoahan-doto idiran'ilay izy. Izany ilay—ilay fantsona idinan'ilay izy, ny fiheverany. Izy, tao amin'ny ainy, dia nihevitra izy.

¹¹⁶ Ireo masonry no fijerena. Nahita an'ilay menarana izy. Mahafinaritra izy, tsara tarehy, mbola tsaratsara kokoa noho ilay tena vadiny. Izy no fetsy indrindra tamin'ny biby rehetra tao amin'ny saha, ary izy angamba no lehilahy tsara indrindra noho ny vadiny. Mitovitovy amin'ny biby lehibe matanjaka anankiray izy nitsangana teo. Toy ny inona ny halehibeny! Ary niezaka izy niteny taminy hoe zavatra lehibe toy ny inona ilay izy.

¹¹⁷ Ary ny zavatra voalohany nataony, dia nosokafany ny fisainany. Ary rehefa nataony izany, dia azon'ny fisainan'olombelona ilay izy. "Nahoana, tsy tena manaitaitra ve izany?"

¹¹⁸ Izany no zavatra ataony amin'ny vehivavy anankiray ankehitriny. Vehivavy anankiray miaraka amin'ny vady kely anankiray mahate-ho tia, mahita anankiray lehibe, goavana, lehilahy matanjaka. Io lehilahy io dia hiezaka hanokatra an'ireo fiheverana. Tsarovy, Satana izany. Ny devoly izany. Na, ny mifamadika, ny lehilahy amin'ny vehivavy, ny vehivavy amin'ny lehilahy, ny iray amin'izy roa. Inona no ataony? Miasa ao anatin'ilay herin'ny fiheverana, ilay fieritreretana na zavatra anankiray, manomboka mihetsika amin'ny alàlany.

¹¹⁹ Fa omeo ny toerana voalohany ny Tenin'Andriamanitra. Tsy misy olona afaka manatona...Tsy mahay manota izy...Haleloa! Izay ilay izy. Tonga izany, vaovao. Ny lehilahy anankiray dia tsy mahay manota raha tsy navelany teny an-jorony aloha ny Tenin'Andriamanitra. Tsy mahay manota mihitsy aza izy, izany hoe, tsy mino. Raha mbola tsy niala tamin'ny Tenin'Andriamanitra aloha izy, ilay Fanatrehan'Andriamanitra, dia tsy mahay manota izy.

¹²⁰ Tsy afaka nanota i Eva raha tsy efa napetrany tery an-jorony ny Tenin'Andriamanitra, nosokafany ny fantson'ny fiheverany tamin'ny alàlan'ny ainy, ary nanomboka nihevitra. "Nahoana, tena izany tokoa. Tsy mbola niteny an'izany zavatra izany tamiko mihitsy ny vadiko, fa mino aho fa ianao...Niteny tamiko izy fa tsy mahazo manao an'ity aho, fa, fantatrao, ianao no nanao an'ilay izy ho tena misy sy tena mazava. Izaho—izaho dia mino fa hahafinaritra izany, satria ianao no manao an'ilay izy ho tena mazava tamiko." Hitanareeo, teo no nisy an'ilay ady voalohany. Ary, tamin'ny alàlan'io ady io, no niteraka ny ady hafa rehetra. Ary ny fandatsahan-drà rehetra izay nisy hatramin'izay, dia tao Edena no antony. Tsy nino ny Tenin'Andriamanitra izy.

¹²¹ Ary raha ny tendron-tsoratra kely anankiray an'ny Tenin'Andriamanitra no tsy inoana, dia izany no niteraka an'izao olana rehetra izao, ahoana no handehanantsika hiverina, tsy mino ny Teny? Tsy vitanareo izany. Tsy maintsy manidy an'ireo zavatra hafa rehetra ireo, fieritreretana, fahatsiarovana, ka milaza... fiheverana, sy ireo zavatra hafa rehetra ireo. "Arodana ny fiheverana." Isika dia tsy mahazo mihevitra ny mikasika an'izany, mihitsy, na inona na inona mihitsy.

¹²² Manaiky fotsiny ny Teny isika eo ambonin'ny fototra, "Andriamanitra no niteny an'izany," ary dia hitoetra ny renirano anankiray eo anelanelanareo sy Andriamanitra. Hisokatra ny fantsona rehetra eo anelanelanareo sy Andriamanitra, amin'izay fotoana izay.

¹²³ Io ilay ady, ilay voalohany indrindra, faritra anoloana. Ndao isika tsy hampiasa basy kely vava; ndao isika haka ny—ny baomba atomika anankiray. Ndao isika hanao asa tsara. Ndao isika haka ny baomba atomikan'Andriamanitra. "Inona izany, Rahalahy Branham?" F-i-n-o-a-n-a ny Teniny. Izany no baomba atomikan'Andriamanitra. Mitsoka ny aretina sy ny devoly izany, havanana sy havia. Izany—izany no mandringana an'ireo. Manavaka... Oh, izany dia... Izany dia mandrava fotsiny. Manapotipotika izay rehetra tsy avy amin'Andriamanitra izany. Rehefa milatsaka ao io baoban'ny finoana io, miaraka amin'ny Tenin'Andriamanitra aoriany, mitsoka ny devoly rehetra izany, ny aretina rehetra, ny rofy rehetra.

¹²⁴ Hoy ianareo hoe, "Marina ve izany, Rahalahy Branham? Koa nahoana izany no atao, amin'ny sasany, fa tsy amin'ny hafa?"

¹²⁵ Izany dia noho ilay fantsona. Afaka mijery eny ivelany ianareo dia mahita azy. Fa tsy maintsy manana azy *ato* ianareo, mijery mankaty amin'ity. Fa tsy *ery* ivelany, mijery aty anatiny; tsy maintsy ao anatiny ianareo, mijery any ivelany. Hitanareo? Tsy afaka tonga amin'ny alàlan'ny fiheverana ianareo. Tsy afaka tonga amin'ny alàlan'ireo zavatra hafa ireo ianareo. Tsy maintsy tonga midina amin'ilay fantson'Andriamanitra amin'izany ianareo, ao amin'ny aina avy hatrany. Ary ahoana no anaovanareo azy? Inona ilay fantsona farany?

¹²⁶ Izany dia hihe-...hatreto mihitsy. Hoy ianareo, taovam-pandrenesana, "Oh, izaho—izaho dia afaka mahatsapa azy. Hia, eto ilay izy. Ah-hah. Oh, izaho—izaho afaka manimbolo azy, na sy ny sisa. Eto ireo zavatra ireo. Hia." Ny zavatra manaraka, mihevitra ianareo, "Eny, toa tokony hahafantatra izay lazainy izy. Ny dokotera milaza fa tsy mety ho tsara aho. Tokony ho izay ilay izy." Hitanareo, tena eo mihitsy ianareo no—ianareo no diso. Izany no devoly izay mitsangana eo. Izany no devoly mandetika an'ireo zavatra ireo ao aminareo. Aza mino an'izany.

¹²⁷ "Haleloia! Ny Tenin'Andriamanitra no nilaza fa izaho ho... 'Ambonin'ny zavatra rehetra, dia Tiako mba ambinina ianao

amin'ny fahasalamana.' Marina izany." Ahoana no haha-tena miaramila anareo any? Hitanareo, "Tiako ianao hambinina amin'ny fahasalamana."

¹²⁸ Izay ilay izy, eo mihitsy, ireo fantsona. Ataonareo fotsiny izy ireny, hisokatra. Aza ihodinanareo fotsiny izy ireny.

¹²⁹ Koa raha afaka mitsofoka ao i Satana, mandalo ao amin'ireo fieritreretana sy ireo zavatra hafa rehetra ireo, avy eo izy dia hidina eto amin'ilay faran'ny aina eto, ao amin'ilay fisainana. Ankehitriny, raha afaka mahazo anareo fotsiny izy... Ianareo tsy—ianareo tsy hijery ny iray amin'ireo mihitsy raha tsy ianareo aloha no tsy maintsy mamela azy hiditra *ato*. Ianareo no tsy maintsy mamela azy hiditra. Avy eo rehefa miditra izy, dia azony ny fanapahana. Avy eo inona no ataony? Manomboka mampiasa ny fieritreretana izy. Manomboka mampiasa an'ity izy, manomboka mampiasa an'ity fivoahan-tsetroka ity. Inona izany? Hitanareo, fanandramana, fahatsapana, fanamboloana, fandrenesana; faminavinana, fieritreretana, fahatsiarovana, fiheverana, fitiavana. Manomboka mampiasa an'ireo fantsona kely samihafa ireo izy, raha mbola afaka miditra foana izy, eo ambonin'ity anankiray eto ity. Tsy maintsy miditra ao amin'ny fisainanareo izy, aloha, ary ianareo no tsy maintsy manaiky an'ilay izy. Izany dia mety... Henoy. Mety hamely hanohitra anareo izany, saingy tsy afaka mahazo anareo izany raha tsy ianareo no manaiky an'ilay izy.

¹³⁰ Raha nanatona an'i Eva i Satana, ka nanao hoe, "Fantatralo, ilay voankazo dia mahafinaritra." Nijanona vetivety izy. Oh, teo no nanaovany fahadisoana anankiray, rehefa nijanona vetivety izy.

¹³¹ Aza mijanona amin'inona na inona. Manana ny Hafatra ianareo. Velona Jesosy. Andriamanitra no Mpanasitrana. Izany ilay Hafatra. Aza mijanona amin'inona na inona, tsy fiheverana, tsy misy na inona na inona hafa.

¹³² Saingy nijanona vetivety izy. Izany rehefa miditra ao amin'ilay fisainana i Satana. Hoy izy, "Eny, toa ohatry ny marina ilay izy." Oh, aza manao an'izany. Raiso fotsiny izay nolazain'Andriamanitra.

¹³³ Abrahama, hanao ahoana raha toa izy ka nijanona mba hihevitra, rehefa niteny taminy Izy fa hahazo zaza avy amin'i Saraha izy, nefy izy io efa dimy amby enimpolo taona ary izy dimy amby fitopolo? Ary rehefa zato taona izy, ary izy dia—ary izy dia sivy folo; izy, mbola, izy—izy—izy dia mbola nilaza fa marina ny Tenin'Andriamanitra. Ary niantso an'ireo zavatra, izay tsy nisy, ho toy ny efa nisy ireo. Hitanareo? Izy... Na dia ny fanantenana aza, nisy ve ny fanantenana? Tsy nampiasa ny fanantenana akory aza izy.

¹³⁴ "Eny," hoy ianareo hoe, "Manantena aho fa mety ho tena tsara aho. Manantena aho fa ho tsara aho. Manantena aho fa

mahazo ny Fanahy Masina aho. Manantena aho fa Kristiana aho. Manantena aho fa manao an'ity aho." Tsy mila an'izany ianareo.

¹³⁵ Abrahama aza tsy njery an'izany mihitsy akory. Amena. "Nifanohitra tamin'ny fanantenana, dia mbola nino ny Tenin'Andriamanitra izy." Ny finoana dia any ankoatry ny fanantenana. Ny finoana dia avy amin'ny *ato*, ao amin'ilay anaty. Ny finoana dia avy *ato*.

¹³⁶ Ahoana no hidirany? Amin'ny alàlan'ny fisainana, ity-ity varavarana ity, ilay vava ady mitsangana eo.

¹³⁷ Ankehitriny, rehefa ao anatin'ny ady voalahatra ianareo! Ankehitriny, ny devoly dia mipetraka mihitsy eo amin'ny fo tsirairay, izao maraina izao. Mipetraka izy, ny fon'io zazavavy kely io. Mipetraka eo amin'ny fonareo izy. Mipetraka eo amin'ny manodidina rehetra eo izy. Milaza izy hoe, "Oh, hitako ianao nanandrana taloha. Efa henoko izany taloha."

¹³⁸ Roahy izy. Izay ihany. Roahy izy. Inona no nolazain'ny Baiboly eto, ny lohahevitsika? "Roahy izy." Marina izany. "Roahy izy." Efanofanina isika.

¹³⁹ Mieritreritra aho hoe, "Inona no olana amintsika mpitoriteny?" Manontany tena aho hoe karazana fiofanana inona no nananantsika.

¹⁴⁰ Andriamanitra dia manofana ho an'izao ady lehibe izao. Matio 24 milaza ao, ary koa Daniela 12, hoy izy, "Hisy andro fahorianana, izay tsy mbola nisy tahaka azy teto an-tany taloha." Ary miaina amin'izany andro izany isika, rehefa ny kolontsaina, sy ny fanabeazana, ary ny sisa, no nanempotra ny Tenin'Andriamanitra, ka niditra tao amin'ny fiheverana sy ny sisa. Ilay ady dia ankehitriny. Iza no hijoro? Haleloia! Efa vonona ny hiditra ilay ady. Voalahatra izy ankehitriny. Jereo hoe mpanohitra lehibe toy ny inona io ananantsika ery io.

¹⁴¹ Iza no hitovy amin'i Davida? Hoy izy, "Mijanona eo ve ianareo dia mamela an'io Filistina tsy mifora io hiaika ny tafik'Andriamanitra velona? Izaho no handeha hiady aminy." Amena. Mila lehilahy sy vehivavy Andriamanitra izao maraina izao izay afaka hitsangana ka hanao hoe, "Ho raisiko amin'ny Teniny ny Tompo." Amena. Tsy mampaninona izay fahalavoana, aiza *ity* na *itsy*, sy inona no nataon'*itsy* anankiray *itsy*. Tsy misy idiran'izany. Ianareo Saoly ireo, sy ny sisa, raha matahotra azy ianareo, mandehana miverina any amin'izay nisy anareo. Fa, ny tafik'Andriamanitra dia mandroso aloha, amena; lehilahy mahery fo, lehilahin'ny—ny—ny finoana, lehilahin'ny hery, lehilahin'ny fahalalana. Tsy ilain'izy ireo ny hahay. Tsy ilain'izy ireo ny hampianarina. Mila ny ho fantsona izy ireo. Andriamanitra dia maka an'ireo fantsona kely ireo.

¹⁴² Nijanona vetivety izy, mba hihevitra, nanao hoe, "Eny, ankehitriny, ndao jerena." Eny, tena toy ny, ahoana moa raha . . .

¹⁴³ Ity ramatoa kely ity, izao maraina izao, tsy isalasalana fa niteny taminy ny dokotera, fa efa eo amin'ny faran'ny lèlana mihitsy izy, "Tsy misy na inona na inona azo atao." Eny, ankehitriny, izany ilay dokotera. Tsy manameloka azy aho. Izany olona izany dia olona siantifika. Hitany fa ilay aretina dia nandresy ny vatan'ilay zaza. Efa any ankoatry ny zavatra rehetra izany. Tsy manana fanafody izay hampitsahatra an'io izy.

¹⁴⁴ Io homamiadana io koa dia nandresy an'io vehivavy io; azo antoka, ny fahafatesana dia nandresy an'io zazakely io; saingy ny Lohan'ny Kapitenintsika kosa, haleloia, an'io tafika lehibe io, Izy no fananganana ny maty sy Fiainana. Tsy misy na inona na inona afaka mandresy Azy. Haleloia!

¹⁴⁵ Ny atidohan'ny tafika dia mipetraka ao amin'ireo kapiteniny, ilay fahalalana. Rommel, tany Alemania, no atidohan'ny Alemania; tsy Hitler. Rommel! Marina izany. Eisenhower! Lehilahy miaramila! Patton! Ireo lehilahy izay tany anoloana, miankina amin'izay fomba nanomezan'izy ireo ny baiko ilay izy. Araho ny kapiteninareo, raha manana ny karazana tsaran'ny maha-jeneraly izy. Raha manana ny karazana tsara izy, raha manana ny jeneraly kintana efatra izy, raha nanaporofa izy, raha voaporofa fa marina izy, dia araho izy. Na dia mety ho toy ny diso aza ilay izy, aminareo, mandrosoa any amin'ilay anoloana. Ataovy izay noteneniny taminareo.

¹⁴⁶ Haleloia! Manana Jeneraly kintana dimy isika, nosoratana hoe J-e-s-o-s-y, [Amin'ny teny Anglisy, J-e-s-u-s-Mpand.], izay mametraka kintana dimy eo amintsika, f-i-n-o-a-n-a. [Amin'ny teny Anglisy, f-a-i-t-h.] Tsy mbola resy an'ady mihitsy Izy. Haleloia! Izy no nandresy ny fahafatesana, ny helo, ary ny fasana. Esory miala amin'ny lèlana ireo devoly. Izy no Lohan'ny Kapiteny lehibe. Noho izany, dia tsy ao anatin'ilay sary akory aza ny devoly.

¹⁴⁷ Ny ady lehibe indrindra izay nangotraka mandrakariva, dia mipetraka efa vonona ankehitriny. Izany tokoa, izany izy. Oh! Haleloia!

¹⁴⁸ Rehefa mieritreritra an'izany aho! Rehefa nitsangana aho ka nandinika Azy nanao zavatra, hitanareo Izy nanambara zavatra, nanokatra zavatra, manao hoe, "Izany dia ho *ity* fomba ity ary *izao* fomba *izao*," izay ilay izy! Oh, mijery *eto*, ka manao hoe, "Iza io Kapiteny lehibe io?" Oh, tsy njery aho mba hahita raha ny Dokotera *Ranona-sy-ranona* ilay izy. Hitako izay nolazain'ilay Kapiteny. "Izy no Kapitenin'ny famonjena antsika." Haleloia! Inona no atao hoe famonjena? Fanafahana! Voninahitra! "Izy no Kapitenin'ny fanafahantsika."

¹⁴⁹ Antomotra ilay ora lehiben'ny fanafihana. Haleloia! Ry miaramila, miaraka amin'ny fitafiana mangirangirana, loko mihevaheva! Ny finoana sy ny fisalasalana no mipetraka ao amin'ny filaharana eo amin'ny tenanareo, ato amin'ity

tabernakla ity, izao maraina izao; ny fisalasalana eo amin'ny ilany iray, finoana eo amin'ny ilany hafa. Ry miaramila, mijoroa eo amin'ny toeram-piasanareo. Haleloia! Ny Kapitenintsika, ilay Kintan'ny Maraina, no mitarika. Tsy mihemotra mihitsy Izy. Izy tsy mahafantatra (mihitsy) ny teny hoe fihemorana. Tsy mila mihemotra Izy. Amena. Izany tokoa.

¹⁵⁰ Ilay ady lehibe indrindra iadiana mandrakariva, mandeha eto mihitsy izy ankehitriny, eny, tompoko, eo amin'ny fiainana sy ny fahafatesana, eo amin'ny aretina sy ny fahasalamana, eo amin'ny finoana sy ny fisalasalana, oh, oadray, eo amin'ny fahafahana sy ny fanandevozana. Mitohy ny ady! Ampamirapirato ny lefonareo, ry miaramila. Ataovy mangirana ilay fiadiana. Andriamanitra no nanao ny Miaramilany ho vonona. Amena. Andriamanitra no manosotra ny Tafiny.

¹⁵¹ Amerika dia nampiakanjo an'ireo miaramilany amin'izay tsara indrindra azon'izy ireo nampiakanjoana azy, fiarovan-doha vy, sy fiadiana, ary izay rehetra nananan'izy ireo, fiara mifono vy misy fiadiana, izay rehetra andehanan'izy ireo.

¹⁵² Andriamanitra dia mampiakanjo ny Tafiny. Haleloia! Karazana fitaovana inona no ampiajantsika? Ny Fanahin'ny Sabatra, ny Tenin'Andriamanitra! Amena! “Ny Tenin'Andriamanitra dia maranitra noho ny sabatra roa lela,” Hebreo 4, “ka manindrona hatramin’ny fampisarahana ny taolana, hatramin’ny—ny tsokan’ny taolana, Mpamantatra mihitsy aza ny eritrerity ny fisainana.” Ny Tenin'Andriamanitra! Ny mino ny Teniny, dia izany no fomba ampitaovan'Andriamanitra.

¹⁵³ Izany no Nomeny an'i Eva hampitafiany ny tenany. Fa nopoltehany ny fiadiany. Ahoana no nanaovany an'izany? Tamin'ny fanokafana ny fisainany mba hihevitra. Tsy azonareo neverina ny Tenin'Andriamanitra. Tsy misy azo neverina izany. Ianareo... Tenin'Andriamanitra fotsiny izany. Tsy misy—tsy misy fisalasalana mikasika an'Izany. Tsy misy fiheverana ho an'Izany. Tenin'Andriamanitra Izany. Vita hatreo. Izay ny amin'io. Vita hatreo mandrakizay io.

¹⁵⁴ Hitanao ve izay tiako lazaina, malala? [Hoy ilay anabavy marary hoe, “Amena.”—Mpand.] Tenin'Andriamanitra izany. Andriamanitra no nampanantena an'izany. Andriamanitra no niteny an'izany.

¹⁵⁵ Hoy izy ireo tamin'i Abrahama, “Ahoana no ahafantaranao fa hahazo zaza ianao?”

“Andriamanitra no niteny an'izany.” Vita hatreo io.

“Eny, nahoana no tsy azonao izany?”

¹⁵⁶ “Tsy fantatro hoe rahoviana no ho azoko izany, fa hahazo azy aho. Andriamanitra no niteny an'izany. Tsy hampijanona ahy akory izany.” Izy no nian- . . .

¹⁵⁷ “Nahoana ianao no tsy miverina any amin’ny tranonao, any amin’izay nihavianao?”

¹⁵⁸ “Izaho dia tsy maintsy mpivahiny anankiray sy vahiny anankiray amin’ity tany ity.” Amena! . . . ? . . . “Andriamanitra no nanome ny teny fikasana. Andriamanitra no hanome an’ilay zaza eto amin’ity tany izay Nanirahany ahy ity mihitsy.” Haleloia!

¹⁵⁹ Andriamanitra no hanasitrana anareo mihitsy ato amin’izao hafanan’ny Fanahy Masina izao, izay Nanirahany anareo. Andriamanitra no hanome anareo an’izany. Minoa an’izany fotsiny. Amena. Sokafy ireo fivoahan-doton’ny aina sy vatana, taovam-pandrenesana, ary fieritreretana, ka avelao fotsiny aloha ny Tenin’Andriamanitra hitsofoka, haka an’io fisainana io. Ao ilay sahan’ady.

¹⁶⁰ Aza manao hoe, “Eny, raha afaka mahatsapa an’ilay izy aho, raha ho tsapako ny voninahitr’Andriamanitra milatsaka! Oh!” Tsy misy idiran’izany; tsy misy.

¹⁶¹ Sokafy io fisainana io. Izany no sahan’ady. Ao no misy an’ilay ady voalahatra, eto amin’ilay laharana anoloana mihitsy, ny fisainanareo. Sokafy izy io, ary manaova hoe, “Izaho. . . Ny fisalasalana rehetra, misalasala ny amin’ny fisalasalako aho.” Amena. “Misalasala ny amin’ny fisalasalako aho ankehitriny. Mino ny Tenin’Andriamanitra aho. Inty aho tamy, ry Satana.” Hisy zavatra hiseho. Azo antoka, hisy izany. Eny, tompoko.

¹⁶² Manosotra ny Mpanompony amin’ny Fanahiny Izy. Maniraka an’ireo anjely Izy. Ny olona no tsy miraharaha an’izany, indraindray, “anjely.” Avelao aho—avelao aho hivadika amin’ny zavatra anankiray eto miaraka aminareo, iray minitra fotsiny. Ndao isika hamadika eto ao amin’ny Hebreo, iray minitra fotsiny. Hebreo ny toko faha-4, toko faha-4, ary ndao. . . . Ny tiako lazaina, ny toko-1 an’ny Hebreo, ary ndao isika hamadika ao amin’ny andininy faha-14.

*Tsy fanahy manompo va izy rehetra, nirahina avy. . . .
nirahina hanao fanompoana ho an’ireo izay handova
famonjena?*

. . . iza tamin’ireo anjely no nilazany. . . . *Mipetraha*
ianaо eto an-tànako ankavanana. . . . ?

. . . *anjelin’Andriamanitra rehetra. . . .*

¹⁶³ Ankehitriny, ity ny Baiboly fa miverina indray ka miteny amintsika, fa Andriamanitra dia maniraka anjely. Voninahitra! Inona izy ireo? “Fanahy manompo.” Voninahitra! Fanahy manompo, nirahina (aiza?) avy teo amin’ny Fanatrehan’Andriamanitra. Hanao inona? Hanao fanompoana ny Teniny. Amena! Tsy hanao fanompoana karazana teolojian’ny vondron’anaram-piangonana izy ireo, fa hanao fanompoana ny Teniny. Izay ilay izy. “Fanahy manompo, nirahina.”

¹⁶⁴ Ahoana no ahafantarantsika fa izany izy ireo? Ny Baiboly no nilaza, fa, “Ny Tenin’ny Tompo dia tonga tamin’ireo mpaminany.” Tsy marina ve izany? Ireo anjely ireo dia manao fanompoana ny Teniny, amin’ny alàlan’ny Fanahiny; manompo ny Teny, amin’ny alàlan’ny Fanahy Masina. Ary ny Fanahy sy ny Teny dia tonga tamin’ireo mpaminany, ary ireo mpaminany dia nanana ny Tenin’Andriamanitra. Izany no antony nahafahan’izy ireo nanao ny fahagagana izay nataon’izy ireo. Tsy ilay olona izany; ilay Fanahin’Andriamanitra ao amin’ilay olona izany. Ilay Fanahin’i Kristy ao amin’ilay olona, ho an’ilay Tenin’Andriamanitra. Inona no nataony? Nanasa ny fantsona rehetra. Andriamanitra no nifidy azy, ary izy dia voahosotry ny Fanahy Masina. Ary tsy izy izany. Tsy nanao na inona na inona mihitsy izy raha tsy efa nahita an’ilay izy tao amin’ny fahitana. Nilaza Elia, teo amin’ny Tendrombohitra Karmela, “Izao rehetra izao dia nataoko araka ny Baikonao. Ankehitriny, Tompo, aoka ho fantatra fa Ianao no Andriamanitra.” Oh, voninahitra ho Andriamanitra!

¹⁶⁵ Efa im-betsaka aho no nahita an’izany, rehefa mahita ny Fanahin’Andriamanitra ianareo mitety ny toerana anankiray, ary ilay toerana dia eo ambanin’ny hosotra! Raha ity vondrona kely eto ity izao maraina izao, no afaka fotsiny tena mandray an’io fisainana eto io, manala ny fisalasalana rehetra! Ahoana moa no hahafahanareo mbola hisalasala, rehefa hitanareo ny maty—ny maty mitsangana, ny malemy mamindra, ny jamba mahita, ny marenina mandre?

¹⁶⁶ Ilay Anjelin’ny Tompo, ny Sariny mihitsy aza no mihantona amin’ny rindrina eto, nanao ny siansa hikorontana, na taiza na taiza. Inona no Ataony? Mijanona tanteraka amin’ny Teny. Amena! Izany no manapaka ny devoly rehetra. Eny, Ataony izany. Inona Izany? “Ny fanahy manompo, nirahina avy teo amin’ny Fanatrehan’Andriamanitra,” mba hanosotra an’ireo mpiteny ny Teny, izay mijanona miaraka amin’ny Teny. Ary Izy no manamarina ny Teny miaraka amin’ireo famantarana izay manaraka, mitondra an’i Jesosy tsy miova omaly, anio, ary mandrakizay. Io Izy io.

¹⁶⁷ Ahoana no hisalasalantsika, rehefa Izy no sady aratsiantifika, ara-materialy, ara-panahy, ny fomba rehetra izay afaka porofoina, no Porofoiny *eto*?

¹⁶⁸ Inona no olana? Ny ao amin’ny fisainantsika izany. Sokafantsika ny saintsika ho an’ny zavatra, manao hoe, “Eny, ankehitriny, tsy fantatro na hety ilay izy na tsia. Angamba, raha hahatsapa tsaratsara aho rahampitso.” Oh, izany dia tsy misy zavatra anankiray hidiran’izany.

¹⁶⁹ Araka ny nolazaiko matetika, i Abrahama dia mety nilaza tamin’i Saraha... Efa nilaozany ny taonan’ny—ny maha-vehivavy. Fantatrareo ny tiako ho lazaina; ny vanim-potoan’ny

fiainany, ireo valo amby roapolo androny. Hitanareo, dimy amby enimpolo taona izy. Efa nilaozany angamba izany, efa dimy ambin'ny folo, roapolo taona. Ary nilaza taminy izy, angamba, andro vitsy taty aoriana, nanao hoe, "Mahatsapa hafahafa ve ianao, ry malala?"

"Tsy misy hafahafa na kely aza."

¹⁷⁰ "Izany dia tsy misy zavatra anankiray hidiran'izany. Manohy foana isika, na izany aza. Eny, ankehitriny, raha manomboka hiverina ho—ho vehivavy tanora indray ianao, fantatsika, amin'ny alàlan'io ràn'aina io, eny, amin'izay fotoana izay, dia ho hitantsika eo fa izany no hiaro an'ilay zaza, ka ho tsara daholo ny zavatra rehetra. Ankehitriny, mahatsapa hafahafa ve ianao androany? Efa iray volana izay no Nampanantenany ahy. Mahatsapa hafahafa ve ianao, ry malala?"

¹⁷¹ "Na kely aza, ry Abrahama. Tsy misy famantarana anankiray, tsy misy. Izaho—izaho dia tena mbola tahaka ny tamin'izaho—izaho tamin'ny taona vitsivitsy lasa. Tsy misy fahasamihafana na dia kely aza."

"Deraina Andriamanitra! Hahazo azy isika, na izany aza."

¹⁷² "Ny tianao ho lazaina ve, ry Abrahama, eo ambonin'ny... Jereo, rehefa nampantanena anao Izzy, dia azo antoka fa hanome antsika famantarana anankiray Izzy toy izao. Azo antoka fa hanome antsika famantarana anankiray Izzy." Hah! Haleloia!

¹⁷³ "Ny taranaka malemy sy mpijangajanga dia mitady famantarana." Marina izany. Nanana famantarana izy. Inona ilay izy? Ny Tenin'Andriamanitra. Izany ilay famantarana.

¹⁷⁴ Ahoana no hahafahan'Andriamanitra hanasitrana an'io ankizy io? Ny Tenin'Andriamanitra no niteny an'izany; raha mahatsapa fahatsapana aho, na tsy misy fahatsapana. Raha izaho... Tsy mampaninona izay miseho, Andriamanitra no niteny an'izany. Vita hatreo izany.

¹⁷⁵ Hoy Abrahama hoe, "Ento ny satrokareo sy ny zavatra rehetra miaraka, hiainga ho any amin'ilay tany isika."

"Ho aiza ianao?"

¹⁷⁶ "Tsy fantatro." Amena. "Saingy, handeha isika, na izany aza. Lasa isika izao!" Nifehy entana dia lasa. Haleloia! Izany no tena Tenin'Andriamanitra. Inona ilay fitazonana teo anoloany? Ny teny fikasan'Andriamanitra, ny Tenin'Andriamanitra. "Handeha isika haka azy io."

¹⁷⁷ "Mivoaha avy ao amin'ireo olonao, ry Abrahama. Izzy ireo dia, ny zavatra momba azy, izy ireo dia mpisalasala sy tsy mpino. Hampiditra anao amin'ny kizo izy ireo. Mivoaha. Saraho ny tenanao, ary miainà ho Ahy." Inona izany? "Ilaozy ny fieritreretanao rehetra sy taovam-pandrenesana aorianao, tahaka an'izany. Sokafy ny fisainanao, ary tsarovy, Izaho izany. Avia, miainà miaraka Amiko." Amena.

¹⁷⁸ Andriamanitra dia miantso ny Taranak'i Abrahama rehetra, izao maraina izao, ho amin'io karazana fiainana anankiray io. Mitohy ny ady lehibe, ankehitriny, manerana an'izao tontolo izao. Tian'Andriamanitra ny Zanany hampisaraka ny tenany avy amin'ny inona? Fahitana, fanandramana, fahatsapana, fanamboloana, fandrenesana; faminavinana, fieritreretana, fahatsiarovana, fiheverana, fitiavana; ny zavatra rehetra. Hanokatra ny fisainan'izy ireo ka hamela ny Teny hiditra, ary mamindra miaraka amin'ny Teny. Izany no tena miaramila.

¹⁷⁹ Izany no tena fomba ijoroan'ireo kintana. Tsy miova ny fihodin'ny masoandro; ny andian-kintana. Ny kintan'ny maraina dia mipoitra eo amin'ny toeram-piasany, isaky ny maraina, tena ilay fomba izay nataony mihitsy rehefanoforonina ny tany. Maka ny toerany ny kintan'ny hariva; ny kintana tsirairay. Ny Bera Kely, ary amin'ilay vanim-potoana mihitsy, dia eo amin'izay tokony hisy azy tanteraka izy. Ny Kintana Avaratra dia mijanona eo foana ary tsy mihetsika mihitsy. Haleloia! Ny zavatra rehetra dia mihodina manodidina an'ilay Kintana Avaratra, ny sisa rehetra amin'izy ireo, satria izy io no tena eo afovoan'ny tany.

¹⁸⁰ Kristy izany. Amena. Mitsangana eo Izy, mibaiko ny Tafiny tahaka ny Kapiteny lehibe anankiray.

¹⁸¹ Tahaka an'i Mosesy teo an-tendrombohitra niaraka tamin'ireo tànany nitsangana, ary niady ny Isirael, namakivaky an'ireo lâlany, ary izy nijoro niaraka tamin'ireo tànany nitsangana. Nijoro niaraka tamin'ireo tànany nitsangana izy mandra-pilentiky ny masoandro. Tsy maintsy nihazona an'ireo tànany hitsangana izy ireo. Mosesy izany.

¹⁸² Tandindona anankiray an'i Kristy izy. Mba hanana antoka fa hijanona hitsangana ireo Tànany, dia nofantsihana teo amin'ny hazo fijaliana ireo Tànany ireo. Haleloia! Ary nihanika ny rindrim-ben'ny Voninahitra Izy, androany, miaraka amin'ireo Akanjony Mihoson-drà eo anatrehan'Andriamanitra, eo antânana ankavananan'ny Fiandrianany Any. Ary ilay ady, ny miaramila rehetra, dia hamakivaky ny lâlany. Tsy ahoako izay mitranga; miaraka amin'ny Tenin'Andriamanitra, izy tenany no hamakivaky hatrany amin'ny fahafahana. Amena.

¹⁸³ Tahaka ny akohokely ao anaty atody anankiray, ahoana moa raha matahotra ny hitsirika izy? Ahoana moa raha matahotra ny hitsaingoka an'ilay atody izy? Ahoana moa raha ilay akohokely ao anatin'ilay atody, vorona kely anankiray, no matahotra handona an'ilay akoran'atody? Ahoana moa raha nandre feo anankiray izy avy tety ivelany, manao hoe, "Aza mandona an'io akoran'atody io, mety handratra ny tenanao"? Fa ilay natiora izy tenany, tao amin'ilay vorona, no miteny aminy, "Tsainaoy io! Manaova lavaka ao anatin'y ao."

¹⁸⁴ Avelao ny rafim-pandaminana tranainy rehetra hilaza, “Efa lasa ny andron’ny fahagagana. Handratra ny tenanareo ianareo. Miditra ao anatin’ny fanatisme ianareo.”

¹⁸⁵ Tsainaingoy avy hatrany eo amin’ilay akora, ataovy mafy fotsiny arak’izay vitanareo. Haleloia! “Satana, mialà! Mivoaka avy ato aho.” Izay ilay izy. “Tsy mandry eto aho, intsony. Tsy mipetraka eto aho, intsony. Tsy eto amin’ity tany tranain’ny devoly ity intsony aho. Mitsaingoka ny lèlako hivoaka aho, izao maraina izao. Amena. Voromahery aho.” Amena! Haleloia!

¹⁸⁶ Fa io voromahery tranainy kely io, ilay tenda toa maritoa tany, nipaika an’ilay akora. Tsy mampaninona na mafy toy ny inona aza ilay akora, notsaingohany mihitsy izany tamin’ny alàlan’io. Ny zavatra voalohany fantatrareo, avy eo, afaka hanakopaka an’ireo elany izy tsy ho ela. Nety tsara izy.

¹⁸⁷ Tsainaingoy ny lèlana hivoahanareo. Marina izany. Ahoana no anaovanareo an’izany? Tafihana izany miaraka amin’ny, “HOY NY TOMPO HOE. HOY NY TOMPO HOE. HOY NY TOMPO HOE.” Farany, manomboka hanimbolo rivotra vaovao ianareo. “HOY NY TOMPO HOE.” Avohay any ivelany ny lohanareo. “HOY NY TOMPO HOE.” Atoseho mafy, hivoaka ianareo!

¹⁸⁸ Tsy hiverina ao amin’ilay akora intsony izy. Amena. Afaka izy. Oh, oadray! Vantany vao tafapetraka ilay Teny, nandalo an’ireo taovam-pandrenesana rehetra sy fieritreretana sy ny sisa, mba ho tafapetraka *ato*, ary misokatra ilay fisainana ka mametraka an’Izany. O Andriamanitra, mamindra fo! Tsy misy na inona na inona mihitsy hanandeve an’izany indray. Afaka ianareo. Izay nataon’ny Zanaka ho afaka dia tafavoaka amin’ilay akora. Tsy afaka miantso anareo intsony ny anaram-piangananareo. Tsy afaka hanao na inona na inona aminareo intsony ny devoly. Afaka mihisitra sy midradradradra izy, amin’izay fotoana izay.

¹⁸⁹ Saingy eo amin’ilay Lèlambé ianareo, mihazakazaka amin’ny hafainganam-pandeha avo, oh, oadray, mihanika ny Lèlamben’ny Mpanjaka, miaramilan’ny hazo fijaliana voahosotra. Izany rehetra izany dia ianareo ry voromahery, miaraka amin’ny finoana, ambarao Jesosy, ilay Hazavan’izao tontolo izao, mihaniha an’ilay Lèlamben’ny Mpanjaka. Azo antoka. Eny, tompoko!

¹⁹⁰ Ireo dia “fanahy manompo,” nirahina avy teo amin’ny Fanatrehan’Andriamanitra, mba ho mpanompo, hanao fanompoana (inona?) ny Teniny; tsy karazana teolojia, fa ny Tenin’Andriamanitra. Fanahy manompo izy ireo, nirahina avy tamin’Andriamanitra, mba hanao fanompoana. Fanahy manompo! Oh! Ary, tsarovy, raha manao fanompoana zavatra ivelan’ny Teny izany, dia tsy avy tamin’Andriamanitra izany. Satria, “Ny Teniny dia voamarina isan’andro any An-danitra.” Isan’andro, any An-danitra, ny Teny, miambina an’Izany

Andriamanitra. Ary Izy tsy handefa mihitsy fanahy anankiray hanao fanompoana zavatra ivelan'ny Teny.

¹⁹¹ Izy tsy handefa mihitsy fanahy anankiray miaraka amin'ny D.D.D. lehibe, Ph.D., sy ny vozon'akanjony mivadika mihodina any aoriania, zavatra rehetra tahaka an'izany, manao hoe, "Eny, mazava ho azy, efa lasa ny andron'ny fahagagana. Fantatsika rehetra izany." Tsia, tsia. Tsy avy tamin'Andriamanitra izany. Mifanohitra amin'ny Teny izany. Amena.

¹⁹² Izy dia maniraka an'ireo izay manao fanompoana ny Fanahin'ny Teny. Amena.

¹⁹³ Oh, mbola nanana zavatra teo amin'ny efatra na dimy teo aho, saingy hajanoko eo izany amin'izao fotoana izao, ho raisiko amin'ny Alahady manaraka. Eny àry.

Satana sy ireo devoliny dia voahosotra.

¹⁹⁴ Raha voahosotra hitondra aminareo ny Teny ireo anjely ireo, hahatonga anareo hino ny Teny, ankehitriny efa nahita ve ianareo hoe taiza no mba nandrenesana mpaminany anankiray, tena mpaminanin'Andriamanitra anankiray, nandà ny Tenin'Andriamanitra? [Hoy ny fiangonana hoe, "Tsia."—Mpand.] Tsia, tompoko. Inona no niseho rehefa nitsangana ireo rafi-pandaminana tamin'ny andron'izy ireo ka nanao hoe, "Ankehitriny, diso izy"? Nijoro tamin'ny tenany izy, ary nijoro irery. Hoy izy hoe, "Izany no marina."

¹⁹⁵ Jereo i Mikaia tany tamin'io andro io, ilay holy-roller kely, hitanareo, zanak'i Jimla. Nisy voahosotra efa-jato teo, noheverina ho, mpaminany voahosotra nitsangana teo, izy rehetra voky tsara, sy voalamina, sy diplaoma lehibe, sy ambony fahaizana ary mpianatra mamiratra. Hoy izy, "Miakara, ry mpanjakanay mahatoky. Ny Tompo homba anao. Antsika izany. Josoa no nanome azy ho antsika. Koa mitsangàna ianao ary alaivo izy. Tena marina izany. Mitsangàna ianao ary alaivo izy. Inona . . ." Hoy izy hoe, "Eny, Joso- . . ."

¹⁹⁶ Fantatrareo, hoy Josafata hoe, "Tsy misy anankiray ve, any ho any?" Eny, nanana efa-jato izy ireo. Nahoana no tsy ninoana ilay efa-jato? Hoy izy hoe, "Saingy, azo antoka fa mbola manana anankiray ianao, any ho any."

¹⁹⁷ Hoy izy, "Izaho—izaho . . . Eny, manana anankiray izahay. Misy anankiray hafa, saingy, oh, halako izy." Hah! Hitanareo?

¹⁹⁸ "Izay—izay, izany ilay tovolahy tiako henoina, hitanao." Hoy izy, "Ento miakatra izy. Ndao ho jerentsika izay ho lazainy."

¹⁹⁹ Ary dia nandeha izy ireo ka niteny taminy, hoy izy, "Ankehitriny, henoy. Amboary tsara mihitsy ny toriteniniao, izao maraina izao, satria ianao dia hitory teny amin'ny mpanjaka. Ianao dia hitory teny amin'ny . . . rehetra amin'ny—ny fikambanan'ny mpitoritenin'izao-sy-izao, hitanareo, avy any Palestina, ny fikambanan'ny mpitoriteny manontolo.

Ankehitriny, tsarovinao, ity no nolazain'izy ireo. Milazà koa ianao ny zavatra toy izany. Minoa ianao ny zavatra toy izany." Ilay kely...

²⁰⁰ Izy—izy dia nanana an'ilay lehilahy ratsy teo. Io lehilahy io dia nanala lavitra an'io fiheverana tranainy io. Nanadio an'ireo fivoahan-doto izy, hitanareo, ny fieritreretany.

²⁰¹ "Ary, eny, nahoana, fantatrao ve izay hataon'izy ireo? Raha hilaza ny zavatra toy izany ianao, dia azoko vinaniana fa hataon'izy ireo ho presbyteran'ny faritra ianao. Hataon'izy ireo tokoa izany. Izy ireo—izy ireo hanao anao ho mpanaramaso ambony eto amin'ny faritra anatiny, raha toa ianao—raha toa ianao ka hifanaraka amin'izy ireo." Tsy izany no tena lehilahin'Andriamanitra.

²⁰² Nahoana, voadio ireo fivoahan-dotony, ny fieritreretany rehetra sy ny zavatra rehetra madio. Voasokatra ny fisainany ho an'ny Tenin'Andriamanitra. Ary ny Tenin'Andriamanitra, ihany, no hinoany. Izany no fanahy manompo. Izany no fanahy manompo anankiray.

²⁰³ Hoy izy hoe, "Tsy fantattro izay ho lazaina ankehitriny. Fa, hilaza zavatra anankiray aminareo aho, izay tenenin'Andriamanitra amiko ihany no ho lazaiko."

Koa dia niandry izy ireo tamin'io alina io. Nahazo fahitana anankiray izy.

²⁰⁴ Ny ampitso maraina, toa hitako i Mikaia njery tao amin'ny Soratra ka nanao hoe, "Ankehitriny, ndao ho jerentsika ankehitriny. Io fahitana io ve... Ankehitriny, ireo lehilahy rehetra ireo, misy zavatra diso eto any ho any, satria Ity dia mifanohitra amin'izay nolazain'izy ireo. Eny, inona no lazain'Ity? Ndao ho jerentsika izay nolazain'i Elia eto, ilay mpaminany, satria fantatsika fa mpaminany izy. Jerena izay... Ny Tenin'ny Tompo dia tonga tamin'i Elia. Hia. Ary inona no nolazain'Ity? 'Ary ny alika no hilelaka ny rànao. Jezebel, ny alika no hihinana azy. Ary noho i Ahaba marina... Nabota anankiray marina.'" Nilaza izy tamin'izany... Rehefa hitany izany, hitany fa ny fahitany dia nifanitsy tsara tamin'ny Tenin'Andriamanitra, noho izany, fa tonga teo amin'io Ahaba antitra io ilay izy.

²⁰⁵ Nandroso nivoaka avy hatrany izy, hoy izy, "Miakara, saingy hitako ny Isiraely..." Hitanareo, tsy menatra ny niteny ny fahitany izy tamin'izany, satria Tenin'ny Tompo ilay izy. Fantany fa azony alaina tanteraka io zavatra io. Inona? Nanokatra ny fony izy, ny fisainany, tamin'ny Tenin'Andriamanitra, ary ny Tenin'Andriamanitra no voambara teo, ary dia fantany fa izany tanteraka ilay Tenin'Andriamanitra.

²⁰⁶ Ankehitriny, hoy ianareo hoe, "Oh, raha mety ho Mikaia anankiray fotsiny aho!" Mety ianareo. Izy ianareo. Ianao dia izy, ihany koa, malala. [Miresaka amin'ilay anabavy marary indray

Rahalahy Branham—Mpand.] Mikaia anankiray ianareo, ilay mpaminany. Inona no azonareo atao? Sokafy ny fisainanareo. Inona no ezahako tenenina aminareo izao maraina izao? Ny Tenin'ny Tompo. Hitanareo? Sokafy ny fisainanareo, lazao hoe, "Ankehitriny, fantatrao, mino aho fa afaka ny ho sitrana aho." Eny, inona Izany, amin'izay fotoana izay? Ny Tenin'ny Tompo ve Izany? Azo antoka, ny Tenin'ny Tompo Izany.

²⁰⁷ Ary hoy *ity* tovolahy eto *ity* hoe, "Efa lasa ny andron'ny fahagagana. Tsy mahavita an' *izao* ianareo. Ary ianareo..." Adinoy ny amin'izany. Ampitoero aloha Andriamanitra.

²⁰⁸ Indro tonga ny Tenin'ny Tompo, ary niteny an'Izany izy, ary dia nisy Izany.

²⁰⁹ Ankehitriny, inona no nataon'i Satana? Nanosotra an'ireo hafa i Satana. Ankehitriny, manosotra an'ireo mpanompony i Satana. Oh, azo antoka. Ah-hah. Azo antoka. Manosotra an'ireo mpanompony izy. Hosorany inona izy ireo? Ny tsi-finoana. Satana sy ireo demoniny dia manosotra ny taranak'olombelona mba tsy hino ny Tenin'Andriamanitra.

²¹⁰ Ankehitriny, raha tianareo ny hanamarina an'izany, dia avadiho ny ao amin'ny Genesisy 3:4. Ndao isika hiverina any mihitsy ka hihaino an'izany, iray minitra fotsiny, ary hijery raha izany no tetiny voalohany. Izany no zavatra voalohany nataony. Tsy mamela mihitsy an'izany tetiny mitovy izany izy. Ataony hatramin'ny farany izany. Ankehitriny, jereo fotsiny raha izany—izany ilay izy. Ankehitriny, tsy hoe tsy nanaiky ny Teny izy. Nentiny fotsiny izy hanao karazana dika vilana kely an'Izany, fantatraeo, karazany nanao Azy hiteny hitovy amin'izay nitiavany hitenenana Azy fotsiny, tsy maka ny Teny manontolo. Ankehitriny, Genesisy, izay ananako eto, Genesisy 3:4. Ndao isika hijery izay lazain'izany ankehitriny. Eny àry.

Ary hoy ny menarana tamin-dravehivavy, tsy ho faty tsy akory Ianao:

²¹¹ "Tsy ho faty tsy akory." Hitanareo ve hoe ahoana no nanononany an'ilay izy nihodina? "Oh, mino izahay fa efa lasa ny andron'ny fahagagana. Izahay tsy mino fa misy olona mandray ny Fanahy Masina tahaka ny nataon'izy ireo tamin'ny Pentekosta. Oh, na ahoana na ahoana no nanaovana batisa anareo, tsy misy fahasamihafany izany." Hitanareo ve ilay devoly? Hitanareo ve ireo tetiny? "Eny, raha ny dokotera no niteny taminao fa tsy mety ho tsara ianao, dia vita hatreo izany."

²¹² Ankehitriny, tsy hoe fanambaniana, tsy hoe tsy finoana ny dokotera. Ny dokotera dia miasa eo amin'ny sori-dàlan'ny siantifika. Ary ny dokotera dia manao ny zavatra rehetra izay azony atao, hamonjy ny ain'ilay olona. Ary tsy ho voavonjy izany, satria tsy misy zavatra hafa intsony hainy hatao. Tonga eo amin'ny faran'ny fahaizany izy. Ilay lehilahy dia mahitsy fo. Saingy, ankehitriny, ilay hazon'ny fahalalana dia tsara,

saingy raha mandeha lavitra araka izay handehanany ianareo, amin'izay fotoana izay dia mifindrà eo amin'ilay Hazon'Aina dia manohiza mandroso. Amena. Izany no izy. Hiasa lavidavitra fotsiny izany. Hia.

²¹³ Ankehitriny, inona no ataon'ny tetik'i Satana ankehitriny? Inona no nolazainy eto? Ankehitriny diniho ny 1 sy ny—ny andininy faha-2. Ankehitriny avelao—avelao aho hamaky ny andininy 1 eto, hatramin'ny faha-3.

Ankehitriny ny menarana dia fetsy indrindra noho ny rehetra, ny bibi-dia eto an-tany izay nataon'ny TOMPO Andriamanitra. Ary hoy izy tamin-dravehivavy, Hanky, Andriamanitra efa nanao hoe, Ianareo aza mihinana... ny hazo rehetra ao amin'ny saha?

²¹⁴ Henoy izy ankehitriny, hoe ratsy toy ny ahoana fotsiny izy, ary ahoana no—ahoana no nandokoany fotsy an'ilay Teny. Hitanareo? Izay dia... Inona no ezahany atao? Hiditra ao amin'ny fisainany. Hitanareo? Miresaka aminy izy, rehefa avy namafisina ilay Teny teo.

²¹⁵ Ankehitriny, aza avela hanamafy na inona na inona i Satana. Hitanareo? Tazony ny Tenin'Andriamanitra namafisina ao anatin'ny fonareo. Hitanareo? Izay koa no ataonareo. Ankehitriny diniho, ianareo Mikaia ireo.

...hoy ravehivavy tamin'ny menarana, Azonay ihinanana ny voan'ny hazo ao amin'ny saha: fa ny...

Fa ny voan'ny hazo izay eo afovoany (anivo, hitanareo) ao amin'ny saha, Andriamanitra...nanao hoe, Aza ihinananareo izany, aoka ianareo tsy hikasika izany mihitsy, fandrao maty ianareo.

²¹⁶ Hitanareo, ankehitriny, izany no Teny. Notononiny taminy indray Izany. Ankehitriny diniho.

Ary hoy ny menarana tamin-dravehivavy, tsy ho faty tsy akory Ianareo:

²¹⁷ Hitanareo ve ny tetiny? Hitanareo? Inona no ezahany atao? Io olombelona voalohany io, miezaka ny hanosotra an'io vehivavy sarobidy teo io izy, zanakavavin'Andriamanitra, miaraka amin'ny tsy mpino ny Tenin'Andriamanitra anankiray. Izany tanteraka no ezahany hampanaorina azy.

²¹⁸ Izany no ezahany hampanaorina anao, ry malala. [Miresaka amin'ilay anabavy marary indray Rahalahy Branham—Mpand.] Izany no ezahany hampanaorina ny tsirairay aminareo, ery, hanosotra anareo. Ary ny zavatra tokana tokony ataonareo ankehitriny... Manana safidy malalaka ianareo. Ankehitriny dia afaka manaiky ianareo raha tianareo izany. Fa dakao hivoaka izany. Raha tsy nijanona i Eva tamin'io fotoana io, mba hihaino! Aza mijanona na amin'inona na inona. Aza mijanona.

²¹⁹ Rehefa—rehefa niteny tamin'i Gehazy i Elisa, nanao hoe, “Raiso ny tehiko, ampandrio eo ambonin'ilay zaza maty. Ary raha misy olona miresaka aminao, aza mamaly azy. Raha misy miezaka hanajanona anao, manohiza mandeha fotsiny.”

²²⁰ Jereo ilay vehivavy rehefa niantso ny mpanompony izy. Hoy izy hoe, “Asio lasely ny boriky ary mandrosoa, ary aza mijanona mihitsy ianao raha tsy izaho no mibaiko anao.” Izay ilay izy.

²²¹ Rehefa manana ny Hafatra ianareo, manohiza mandroso. Amena. Manao hoe, “Tsy afaka mamindra intsony aho. Tsia, miha-malemy aho.” Manohiza mandroso fotsiny. Aza mijanona. Avelao eny an-jorony ny zavatra rehetra, manohiza mamaky lâlana fotsiny. Rahalahy, manana an'ilay Sabatra ianareo eny an-tànanareo, manohiza mikapa fotsiny.

²²² Niditra tao amin'ny kianja fanaovam-baolina aho, indray mandeha, ary nandeha nitory teny. Ary nijanona teo amin'ilay varavarana aho ka niandrandra avo, avo tany. Izao no voalaza, “Tsy ny halehiben'ilay alika ao amin'ny ady tsy akory no izy. Ilay halehiben'ilay ady ao amin'ilay alika no izy.” Koa izany no hahazoana fandresena amin'ilay ady. Hitanareo?

²²³ Hoy ianareo hoe, “Eny, jereo. Jereo ireo fiangonana lehibe rehetra fa manohitra an’Ity.”

²²⁴ Tsy ahoako izay halehiben’izy ireo. Ilay ady ao amin'ilay alika no izy, izay no mikaonty. Ilay finoana izay ao anatin'ilay isam-batan'olona no izy. Raha kanosa ianareo, miverena any amin'ilay lavaka filafihanareo. Fa, rahalahy, raha miaramila anankiray kosa ianareo, mitsangâna eo. Misy ady eo izay mitohy. Ny tsara sy ny ratsy no mifanandrina. Ndao isika hiady.

²²⁵ Tahaka an'i Peter Cartwright, niditra tao amin'ny tanàna anankiray, nanao hoe, “Ny Tompo no niteny tamiko mba—mba ho tonga eto ka hanao fifohazana anankiray.” Nanofa efitra fitehirizana tranaainy anankiray izy, niditra tao ary nanomboka nanadio an'ilay izy.

²²⁶ Ary ilay mpampahory be tao amin'ny tanàna, ny basy nihantona teo amin'ny valahany, nandroso nidina. Teo ambaravarana... Ny sasany tamin'izy ireo, nanao hoe, “Inona no ataon'io tovolahy io eo?”

²²⁷ Hoy izy, “Mpitoriteny anankiray izy. Hanao favoriana anankiray izy, hoy izy.”

²²⁸ “Eny,” hoy izy hoe, “ataoko fa izaho fotsiny no handeha hidina ary handroaka azy ho eny an-dàlana, ary hamoaka azy hiala eto. Izay ihany. Tsy mila favoriana izahay manodidina ny toeranay.”

²²⁹ Koa dia nidina teo izy, nandona mafy ny varavarana. Ary nanana ny kapotiny teo an-damosiny i Peter Cartwright, fantatrareo, ary nanasa ny varavarankely sy ny rindrina teo izy. Sakaiza kely anankiray, fantatrareo.

²³⁰ Naneso azy ilay mpitoriteny tranainy, fantatrareo, satria nihinana akoho tamin'ny tànany izy; izany ilay fanajana ankehitriny, fantatrareo.

²³¹ Koa dia nanasa ny varavarankely fotsiny izy ary nanamboatra ny manodidina. Nandroso ilay mpampahory be, nosokafany ny kapotiny, ny basy nihantona teo amin'ny valahany, nanao hoe, "Inona no ataonao?"

²³² "Oh," hoy izy hoe, "Manasa varavarankely aho." Ary nanohy nanasa varavarankely fotsiny, fantatrareo. Nanana tanjona anankiray izy. Andriamanitra no niteny taminy hanao fifohazana anankiray. Nanasa varavarankely, nitohy.

Hoy izy hoe, "Tsy mamela fifohazana izahay manodidina eto."

²³³ Hoy izy hoe, "Oh, saingy ny Tompo no nilaza tamiko mba—mba hanao an'izany fifohazana izany." Hitanareo? Nanohy fotsiny izy, an'ilay asany. Hitanareo? Hitanareo?

²³⁴ "Eny," hoy izy hoe, "misy zavatra anankiray izay ianao—ianao no tokony hahalala azy." Hoy izy hoe, "Izaho no mifehy an'ity tanàna manodidina eto ity."

²³⁵ Hoy izy hoe, "Oh, ianao ve?" Dia nanohy nanasa varavarankely, fantatrareo.

²³⁶ Hoy izy hoe, "Mialohan'ny hanaovanao fifohazana anankiray, dia tsy maintsy mikapoka ahy aloha ianao."

Hoy izy hoe, "Oh, izaho ve? Eny, dia izay izany no zavatra hataoko manaraka."

²³⁷ Nanala fotsiny ny kapotiny izy. Nandroso teo, noraisiny tamin'ny vozon'akanjony, ary nakapony tamin'ny tany izy, ary nitsambikinanay teo amboniny. Hoy izy, "Tsy maintsy miady aho, raha hanjaka. Ampitomboy ny faherezako, Tompo." Nomontsamontsaniny teo izy.

Hoy izy, "Ampy anao ve izay?"

²³⁸ Hoy izy hoe, "Eny." Nitsangana izy ary nandray ny tànany. Voavonjy izy tamin'io hariva io, tao am-piagonana.

²³⁹ Eo ianareo izao. Hitanareo? Izany no, raiso ny Tenin'Andriamanitra ary esory amin'ny lèlanareo ny fisalasalana rehetra. Hitanareo izany? Azo antoka, izay ilay izy. Izay no asa manaraka, ndao hataontsika izany. Marina. Ny zavatra manaraka tokony hataoko dia ny manala ny fisalasalako rehetra, manapaka azy. Izany no asako manaraka, dia ny manala ny tebitebiko rehetra. Raha miteny amiko ireo taovampandrenesako hoe, "Eny, toa marary ianao," ny zavatra manaraka hatao dia ny manala an'izany zavatra izany. Marina izany.

²⁴⁰ Hoy ianareo hoe, "Eny, ianao... Niteny tamiko izy ireo fa... Fantatrareo, ny fieritreretako miteny amiko, Rahalahy Branham,

fa izaho . . ." Eny, tokony hesorinareo koa izany zavatra izany. Tsy ho lasa lavitra mihoatra an'izany ianareeo. Vitao fotsiny ilay asa manaraka. Esory ny kapotinareo ary mitsofoha avy hatrany ao amin'ilay izy. Manohiza mandeha fotsiny. Tanjona anankiray, "Mandresy aho." Amena. "Tsy mety ho resy aho. Mandresy aho." Amena.

²⁴¹ Manosotra i Satana. Hitanareo? Inona ilay tetiny voalohany? Inona ilay toerana voalohany alainy? Ny fisainana. Nijanona vetivety izy, mba hihaino izay nolazainy. "Oh, aza miteny an'izany ianao?"

²⁴² Teo no nanaovan'ny vehivavy tanora maro ny fahadisoany, ary nanaovan'ny lehilahy tanora maro ny fahadisoany; marina, nijanona vetivety, nijanona vetivety fotsiny. Impiry aho no nahita antom-pisaraha-panambadiana sy ny sisa mitranga, noho io.

²⁴³ "Eny, lazaiko anao, Rahalahy Branham, nisioka izy toy ny 'foiiit-fiooo', fantatralo, dia nijanona aho, ary, tsoriko, izaho—izaho tsy te-hanao an'ilay izy." Ah-hah. Eo ianareo izao.

²⁴⁴ "Oh, izy, nipetraka teo amin'ny latabatra nanoloana azy aho. Izy—izy dia nanana maso tena tsara tarehy!" Hitanareo? Ah-hah. Hitanareo ve izany? Izay ilay izy.

²⁴⁵ Ny devoly dia manao zavatra toy izany. "Oh, ny dokotera no niteny tamiko fa tsy ho tsara aho, koa izaho . . ." Eo ianareo izao, zavatra mitovy, hitanareo, ilay ady lehibe indrindra izay iadiana mandrakariva.

²⁴⁶ "Eny, niteny tamiko izy ireo . . . Nahita an'i *Ranona-sy-ranona* aho nilaza fa nahazo ny Fanahy Masina." Hia, njery mpihatsaravelatsihy trrainainy anankiray ianareo. Ahoana ny amin'ireo izay tena manana Azy marina? Ah-hah. Hia. Ny devoly dia hanondro anareo fandri-goaika antitra anankiray, fa tsy haneho anareo ny tena voromailala. Ah-hah. Marina izany. Tsy haneho anareo an'izany izy, ary ho tazoniny ho jamba amin'izany ianareo.

²⁴⁷ Oh, izy dia mpiady anankiray, ihany koa, tsarovy. Saingy lehibe ny anareo . . . "Lehibe lavitra Izay ao aminareo, noho izay ao amin'izao tontolo izao." Fa tazonny ny Tenin'Andriamanitra; inoy Izany, ianareo kapitenin'ny tafika eto ireo. Arovry ny mandanareo, rahalahy. Marina izany, tazonny ny toeram-piasanareo.

²⁴⁸ Koa, nanana tovovavy kely anankiray aho teto, indray andro. Mipetraka eto angamba ilay ramatoa ankehitriny. Ny anarany dia Nellie Sanders. Iray amin'ireo fotoana voalohany mba nahitako devoly voaroaka. Izahay dia nipetraka, ankehitriny, raha afaka maneho an'ilay toerana fotsiny aho; ary izany dia eo amin'ny vondron-trano telo eo eto, aorian'ilay tany fandevenana. Ary vao lasa mpitoriteny aho, ary nitory teny teto mihitsy teo amin'io zoron-dàlana io, tao amin'ny favoriana anaty trano lay.

²⁴⁹ Ary io tovovavy kely io dia iray amin'ireo mpandihy mahay indrindra. Nandeha tany amin'ny fianarana ambony teto izy, ary izy sy Lee Horn. Ary maro aminareo eto amin'ny tanàna eto no mahafantatra an'i Lee Horn eto, mitantana ny trano filalaovana billard. Ary noho izany izy ireo, izy sy Lee Horn, no mpandihy mahay indrindra izay nisy teto amin'ny faritra. Katolika izy, ny tenany. Mazava ho azy, ny fivavahana dia tsy nidika na inona na inona tamin'izy ireo, noho izany . . . Nellie sy izy ireo. Koa, mpandihy malaza izy, ary izy, koa. Ary izy ireo dia nanana teto an'ilay dihy antsoina hoe ny "black bottom," sy "jitterbugs," sy ireo zavatra rehetra ireo. Ary izy dia . . . Izy roa ireo no mahay indrindra teto amin'ny faritra.

²⁵⁰ Indray andro, ary niditra nivembena izy teto, indray hariva, tamin'ny favoriana. Nandohalika teo izy, teo amin'ny alitara, Nellie kely. Ho tahiana anie ny fony. Nijanona teo amin'ny alitara izy. Natrakany ny lohany. Ary nitomany izy, ary ny ranomaso nikoriana teo amin'ny tavany. Hoy izy hoe, "Billy . . ." Nahafantatra ahy izy. Hoy izy hoe, "Te-ho voavonjy aho, maniry mafy."

²⁵¹ Ary hoy aho hoe, "Nellie, mety ho voavonjy ianao. Efa namonjy anao Jesosy, ry tovovavy. Mila manaiky an'izany ianao eo ambonin'ny fototry ny Teniny."

²⁵² Ary nijanona teo izy. Ary nitomany izy, ary nivavaka izy, ary niteny tamin'Andriamanitra izy fa tsy hihaino intsony an'ireo zavatr'izao tontolo izao. Tampoka teo, fiadanana mamy maha-te-ho tia anankiray no nandrakotra ny ainy. Nitsangana avy teo izy, nihiaka sy nidera an'Andriamanitra, nanome voninahitra an'Andriamanitra.

²⁵³ Ary teo amin'ny enina na valo volana taorian'izany, nidina ny Spring Street izy, indray hariva.

²⁵⁴ Ankehitriny, tovovavy tanora anankiray fotsiny, tao anatin'nyadolantsentony fotsiny izy, teo amin'ny valo ambin'ny folo taona teo. Ary nanatona ahy izy, ary nanao hoe, "Hope . . ." Ilay vadiko izany, ilay anankiray izay efa maty. Hoy izy hoe, "Naniry aho ny mba hitovy amin'i Hope sy Irene aho." Hoy izy hoe, "Fantatralo, tsy mba tany amin'izao tontolo izao mihitsy izy ireo." Hoy izy, "Mametraka marika eo aminareo izao tontolo izao." Hoy izy, "Manana endrika henjana aho." Hoy izy, "Ankehitriny, efa nijanona tsy nanao tentin-tarehy sy ny sisa aho, saingy toa ohatry ny henjana aho. Na dia ny soritro aza, eo amin'ny tavako," hoy izy hoe, "Toa henjana aho." Hoy izy hoe, "Izy ireo dia tena madio sy malefaka." Hoy izy, "Naniry aho ny tsy mba nanaovako an'izany mihitsy."

²⁵⁵ Hoy aho hoe, "Nellie, ny Ràn'i Jesosy Kristy no manadio ny ota rehetra, ry malala. Mandehàna, inoy izany."

²⁵⁶ Wayne Bledsoe, maro aminareo eto no mahafantatra azy, iray amin'ireo sakaizako akaiky, ary an-taonany sy an-taonany.

Mpisotro anankiray izy. Ary tonga teto izy niaraka tamin'ny rahalahiko, Edward. Mamo izy teto teny an-dàlana, ary nalaiko izy, satria ndeha haka azy ireo polisy. Ary nentiko teto izy. Ary mpitoriteny anankiray aho ary napetraka teto, tamin'ny mamako sy ny papako, talohan'ny nanambadiako. Ary nalaiko izy, napetrako teo amin'ny fandriana teo izy. Natory aho, natory teo amin'ny sezava lava anankiray. Nisy andiana Branham be dia be teo, fantatrareo, folo izahay. Ary teo amin'ny efitra efatra teo no nanananay, ary tsy maintsy somary nozarainay, kely. Koa, nanana sezava lava anankiray aho ary natory teo. Nosintoniko tahaka an'izao ilay izy, ary—ary napetrako natory niaraka tamiko i Wayne. Mamo, tsy maintsy nentiko tao an-trano izy ary nampandriako teo izy.

²⁵⁷ Ary nandry teo aho. Hoy aho hoe, “Wayne, tsy menatra ny tenanao ve ianao, tahaka an'izao?”

²⁵⁸ Dia hoy izy hoe, “Ah, Billy, aza miteny amiko tahaka an'izany.” Ary avy eo dia napetrako ny tànako. Hoy aho hoe, “Hivavaka ho anao aho, Wayne. Andriamanitra hitahy anao.” Ary vao avy voavonjy aho, oh, ataoko fa, angamba herin-taona.

²⁵⁹ Ary tamin'izay, teo no ho eo, ta—taksy anankiray, nanakaratona ny varavarana tany ivelany, ary nisy olona nandondona mafy. “Ranadahy Bill! Ranadahy Bill!” [Nandondona ny polipitra Rahalahy Branham—Mpand.]

²⁶⁰ Nieritreritra aho hoe, “Oadray, edrey, misy olona ho faty.” Nitsambikina aho, teny am-baravarana; norombahako ilay zavatroy tranaivany teo, nahodidiko ny akanjo mandriko, tahaka an'izao; ary norakofako i Wayne. Nihazakazaka teny am-baravarana aho.

²⁶¹ Toa ohatry ny vehivavy anankiray ilay izy. Nosokafako ny varavarana, ary io tovovavy io no nitsangana teo am-baravarana. Hoy izy hoe, “Oh, mahazo miditra ve aho?”

Hoy aho hoe, “Midira.” Ary narehitro ny jiro.

²⁶² Ary ankehitriny nitomany tahaka an'izany izy, ary hoy izy hoe, “Oh, Ranadahy Billy, izaho dia—izaho dia—izaho vita! Izaho dia vita!”

²⁶³ Hoy aho hoe, “Inona ny olana, ry Nellie? Tratry ny—tratry ny aretim-po ve ianao?”

²⁶⁴ Hoy izy hoe, “Tsia.” Hoy izy hoe, “Ranadahy Bill, nidina tany Spring aho.” Hoy izy hoe, “Am-pahatsorana, Ranadahy Bill! Am-pahatsorana, Ranadahy Bill, tsy te-hanao ratsy aho. Tsy te-hanao ratsy aho.”

²⁶⁵ Hoy aho hoe, “Inona ny olana?” Nieritreritra aho hoe, “Inona no hataoko aminy ankehitriny?” Tsy fantattro izay hatao. Izaho, sakaiza tanora anankiray fotsiny. Ary izaho . . .

²⁶⁶ Hoy izy, “Oh, Ranadahy Bill,” hoy izy, “izaho fotsiny dia—izaho fotsiny dia—izaho fotsiny dia potika tanteraka.”

Hoy aho hoe, “Ankehitriny, mitonia ianao, ranabavy. Teneno ahy ny mikasika an’izany rehetra izany.”

²⁶⁷ Dia hoy izy hoe, “Eny,” hoy izy hoe, “Nidina teny an-dàlana aho, ary ny Redman’s Hall...” Ary nanana alim-pandihizana Sabotsy hariva izy ireo fahiny tao. Ary hoy izy hoe, “Nanana zavatra aho, ka nandeha nody tany an-trano nanao akanjo.” Ary hoy izy hoe, “Nandre an’ilay mozika aho.” Dia hoy izy hoe, “Fantatralo,” hoy izy, “Nijanona iray minitra fotsiny aho.” Ary hoy izy, “Nihatsara kokoa ilay izy. Koa nieritreritra aho hoe, ‘Fantatralo, tsy dia hampaninona raha mitsangana eto aho.’”

²⁶⁸ Teo no nanaovany ny fahadisoany, nijanona fotoana fohy. Nihaino fotsiny izy.

²⁶⁹ Hoy izy, “Eny, nandeha nieritreritra aho.” Hoy izy, “O Tompo, Fantatralo fa tiako Ianao, na izany aza.” Hoy izy, “Fantatralo fa tiako Ianao, Tompo. Saingy azoko antoka fa tsaroako ny fotoana tamin’i Lee sy izaho nahazo fahiny ny—ny amboara rehetra, sy ny sisa.” Hoy izy, “Oadray, tsaroako fa izany mozika trainainy izany no nisintona ahy taloha. Tsy izany intsony ankehitriny.”

²⁷⁰ Ah-oh, ah-oh! Ianao fotsiny no mihevitra fa tsy izany ilay izy. Efa azony ianao, eo mihitsy. Efa tena tsara araka izay ilainy izany, eo mihitsy. Hitanareo?

²⁷¹ Firy no nahafantatra an’i Nellie Sanders? Eny, ataoko fa maro aminareo rehetra. Hia. Azo antoka. Koa izy ireo—izy ireo dia... .

²⁷² Hoy izy, hoy izy hoe, “Eny, mba fantatralo moa?” Hoy izy, “Angamba hiakatra ny tohatra etsy io aho,” hoy izy, “angamba ho afaka mijoro vavolombelona amin’izy ireo aho.”

²⁷³ Oh! Hitanareo, eo amin’ny tanin’ny devoly mihitsy ianareo. Mijanona ivelan’izany. “Alaviro ilay fisehon’ny ratsy.”

²⁷⁴ Saingy niakatra izy, teny amin’ny faran’ilay tohatra, ary nitsangana teo minitra fohy. Ary ny zavatra voalohany fantatralo, teny an-tsandrini’ny tovolahy anankiray izy, teo amin’ilay gorodona.

²⁷⁵ Avy eo dia tafaverina ny sainy. Ary nitsangana teo izy, nitomany ary nandeha, hoy izy, “Oh, very aho ankehitriny, mandrakizay.”

²⁷⁶ Nieritreritra aho hoe, “Eny, tsy mahafantatra betsaka mikasika ny Baiboly aho, saingy mino aho fa Jesosy no niteny an’izao, ‘Amin’ny Anarako dia handroaka devoly izy ireo.’” Izaho... .

²⁷⁷ Ary nisava i Wayne, kely fotsiny, ary nipetraka teo, nandinika. Hitanareo? Koa hoy aho hoe, “Ankehitriny, ry devoly, tsy fantatro hoe iza ianao, saingy miteny aminao aho ankehitriny, anabaviko ity, ary ianao tsy manan-draharaha hitazonana azy. Tsy te-hanao an’izany izy. Nijanona iray minitra fotsiny izy.” Teo no nanaovany ny fahadisoany, na izany aza. Hoy

aho hoe, "Fa ianao kosa tsy maintsy mivoaka ao aminy. Mandre ahy ve ianao?"

²⁷⁸ Ary dia hanampy ahy, Andriamanitra, eo amin'ny Hazon'ny Fitsarana, ankehitriny. Nanomboka nivoha sy nipoapoaka ilay varavarana-tapaka, izy irery. "Dododo, dododo," teo amin'ilay varavarana. "Dodo, ka-dododo, ka-dododo." Nieritreritra aho.

Dia hoy izy hoe, "Bill, jereo io. Jereo io."

Dia hoy aho hoe, "Hia. Inona io?"

Hoy izy hoe, "Tsy fantatro."

Hoy aho hoe, "Izaho koa aza."

²⁷⁹ Ary ilay varavarana nanao "dodododo-dodo, ti-dodo," nipoapoaka tahaka an'izany. Nieritreritra aho hoe, "Inona no olana eto? Inona ny olana?"

²⁸⁰ Nijery indray aho, tahaka an'izao. Dia hoy aho hoe, "Mialà aminy, Satana! Amin'ny Anaran'i Jesosy, mivoaha ao aminy!"

²⁸¹ Rehefa nilaza an'izany aho, tahaka ny ramanavy anankiray goavana be ilay izy, lava tahaka an'izao, no nivoaka avy taorianty, miaraka amin'ny volo lava nihantona teo amin'ny elany sy tamin'ireo tongony, tahaka an'izany. Nandeha nanao hoe, "Oooooh." Nanomboka nitodika tamiko, haingana be fotsiny ny fihavany.

²⁸² Hoy aho hoe, "O Tompo Andriamanitra, aoka ny Ràn'i Jesosy Kristy no hiaro ahy amin'io."

²⁸³ Ary nitsambikina teo am-pandriana i Wayne, nijery. Ary teo ilay izy, tahaka ny aloka be anankiray, nanao boribory, ary lasa ka lasa tao ambadik'ilay fandriana. Lasa niala teo am-pandriana i Wayne, tao amin'ny efitra ambadika, haingana arak'izay azony natao. Koa izahay...

²⁸⁴ Nalaiko i Nellie ary nentiko nody. Dia niverina, ary izaho tsy afaka...

²⁸⁵ Niditra teo i Mama ary nanainga ny lambam-pandriana sy ny zavatra rehetra. Tsy misy na inona na inona teo amin'ilay fandriana. Inona ilay izy teo? Nivoaka taminy ny devoly anankiray. Inona no nitranga? Nijanona fotoana fohy izy. [Nandondona indroa ny polipitra Rahalahy Branham—Mpand.] Izay ihany.

²⁸⁶ Aza mijanona, mihitsy. Rehefa mandetika ny Teniny ao am-ponareo Andriamanitra, dia raiso fotsiny ilay Sabatra ary manomboha mandratsana sy mikapa. Haleloia!

²⁸⁷ "Tsy manam-potoana hiandry zavatra hafa aho. Niampita fotsiny, tsy nanana fotoana hipetrahana akory aza aho."

²⁸⁸ Hoy izy hoe, "Eny, ary raiso ny tehinao dia ampandrio eo amin'ilay zazakely. Ary raha misy olona miresaka aminao, aza miresaka amin'izy ireo akory aza."

²⁸⁹ Raha hoy ny devoly hoe, “Hey, fantatrao ve hoe manao ahoana ianao?” Aza miresaka aminy akory. Mandehàna fotsiny.

²⁹⁰ Ny devoly, fantatrareo, hoy ny devoly hoe, “Saingy mba fantatrao moa? Fantatrao, *Ranona-sy-ranona*, rehefa nahazo ny Fanahy Masina izy ireo, tsaroanaao ve fa izy ireo—izy ireo dia saiky very ny sainy.” Aza miresaka aminy akory. Mandehàna fotsiny. Tsy mahafantatra ny mikasika an’i *Ranona-sy-ranona* ianao.

²⁹¹ Ianareo sy Andriamanitra izany. Marina izany. Hazony Andriamanitra. Manosotra an’ireo Mpanompony Izy. Tsy maintsy haingana aho. Manosotra an’ireo Mpanompony Andriamanitra. Hitanareo?

²⁹² Ankehitriny tsy maintsy hamela naoty vitsivitsy aho eto, saingy izao no tiako ho lazaina. Eto, henoy tsara, ankehitriny.

²⁹³ Ramatoa kely, henoy tsara ankehitriny. [Miresaka amin’ilay anabavy marary indray Rahalahy Branham—Mpand.]

²⁹⁴ Eto dia hitantsika ny tetiky ny devoly. Ahoana no ataontsika? Ankehitriny, manana Soratra betsaka aho eto, an’ny mpaminany sy ny sisa, raha tonga tamin’izy ireo izy, ary olona samihafa manerana ny Baiboly, ary nanao ny zavatra mitovy. Izany foana ny tetiny, dia ny miezaka manao ny olona tsy hino ny Tenin’Andriamanitra. Henoy, ianareo miaramilan’ny hazo fijaliana ireo. Rehefa tsy mino Tenin’Andriamanitra anankiray voasoratra ao amin’ny Baiboly ianareo, dia nametra-piadiana ianareo.

²⁹⁵ Mino izany ve ianao, ry malala? [Miresaka amin’ilay anabavy marary indray Rahalahy Branham—Mpand.]

²⁹⁶ Nametra-piadiana ianareo. Mitolo-batana ianareo, ianareo trondro malama ireo. Tafio ny fiadiana fenon’Andriamanitra. Amena. Ao amin’ny ady isika. Izay nolazain’Andriamanitra no marina. “Ny tenin’olona rehetra dia lainga.” Hitanareo? Fa vantany vao... azony mihaino teny anankiray ianareo, dia izay no tetiny, nametra-piadiana ianareo.

²⁹⁷ Firy ny zavatra tsy maintsy nohenoin’i Eva? Anankiray. Nametra-piadiana mihitsy izy tamin’izany. Inona no nataon’ilay devoly? Nandeha niditra haingana mihitsy tao amin’ny fisainany, tao amin’ny fanahiny, ary teo no nampividika azy. Marina ve izany? Voavadika tamin’ilay minitra izay nametrahany fiadiana mihitsy izy, rehefa tsy nino ny Tenin’Andriamanitra izy. Eny àry. Eto dia hitantsika ireo tetiny.

²⁹⁸ Ireo miaramilan’Andriamanitra dia nobaikona mba “Hitafy ny fiadian’Andriamanitra feno.” Marina ve izany? [Hoy ny fiangonana hoe, “Amena.”—Mpand.] Ankehitriny, raha tianareo ho soratana ilay Soratra eto, izany dia hita ao amin’ny Efesiana 6:10 ary 13. Hitanareo? Novakantsika vao tsy ela izany. Izany no lohahevitsika. Eny àry. Mariho. “Tafio ny fiadian’Andriamanitra

feno." Ndao isika... Manana fotoana minitra fohy ve ianareo? ["Amena."] Ndao isika hiverina fotsiny iray minitra eto. Ndao isika hijery fotsiny hoe inona ilay fiadian'Andriamanitra feno. Eny àry. Ndao hatombotsika amin'ny andininy faha-10. Ankehitriny, henoy tsara ankehitriny. Ndao hojerentsika ilay fiadian'Andriamanitra feno. "Farany, ry rahalahiko..." Ankehitriny, fantattro fa izaho dia... Izaho dia...

²⁹⁹ Latsaka roapolo minitra izao, izao ankehitriny izao, ny amin'ny roa ambin'ny folo, saiky. Izaho—izaho tsy... izaho tsy te-hampianatra anareo ela loatra, androany, saingy izaho—izaho mety tsy banana Hafatra afa-tsy anankiray mandra-panaoko ny diako amin'ny fahavaratra, hitanareo.

³⁰⁰ Ary mba fantatrareo moa? Fantatrareo hoe nahoana no anaovako an'izao? Hiteny aminareo aho. Indray andro dia nahazo nofy anankiray aho. Tsy te-hiteny an'ilay izy aho, saingy ao an-tsainko fotsiny ilay izy. Tsara amiko ny manao an'ilay izy, taorian'ny nanomezan'ny Tompo ahy ny fandikana.

³⁰¹ Nanonofy aho fa teo am-piampitana renirano lehibe aho, ho an'ny asam-pitoriana. Ary ankehitriny, tamin'ny voalohany, dia teo aho niaraka tamin'ny vadiko...

³⁰² Ary firy no mba nahafantatra an'i George Smith, Smith enina-faharoa, teto an-tanàna? George Smith, ny zanakalahimy dia ao amin'ny tafiky ny polisy eto. Izy, George mahanttra, dia mpisotro alikaola ankehitriny. Saingy izy dia anankiray amin'ireo mpiady. Izy no anankiray izay nanome fanazarana ahy, talohan'ny nandehanako tao amin'ny Y.M.C.A. sy ny rehetra. Izy no nanazatra ahy taloha. Ary kinga izy, tena kinga. Izy dia teo amin'ny lanja antonony, ho an'ny dimy amby efapolo amby zato livatra. Ary nanazatra ahy izy. Ary nitsangana teo izy taloha, afaka naka ny totohondriny izy, tahaka an'izao, ka mameley ahy mihitsy eo amin'ny kiboko, manankina ahy eo amin'ny rindrina, hitanareo, saingy, fa tsy nanelingelina ahy izany. Nanazatra ahy fotsiny izy, tsy nisy na inona na inona afatsy ny manazatra fotsiny.

³⁰³ Ary tamin'izay izaho—izaho dia nanonofy, indray alina, fa nahita an'i Smith enina-faharoa aho. Ankehitriny, tsy fahitana ilay izy. Nofy ilay izy. Ary nahita an'i Smith enina-faharoa aho, sakaiza tanora anankiray tonga nanohitra azy, tamin'ny tolona. Ary izy, io lehilahy antitra io, teo amin'ny, oh, ataoko fa... roa amby dimampolo taona aho. Izy teo amin'ny valo amby dimampolo, enimpolo taona. Tsy nisy na dia iray tamin'ireo tovolahy tanora ireo aza nahakasika azy, na ahoana na ahoana. Nafatony teo amin'ny vona anankiray izy ireo, tahaka an'izao, nampandriany fotsiny teo amin'ny gorodona izy ireo ary notazoniny tamin'ny tànany izy ireo.

³⁰⁴ Nieritreritra aho hoe, "Mahagaga izany." Nieritreritra aho fa niaraka tamiko ny vadiko, ary hoy aho hoe, "Mahagaga izany."

Hoy aho hoe, “Mba fantatrao moa, ry Meda? Izy no mpanazatra ahy taloha.”

Hoy izy hoe, “Izaho—izaho dia mahatsiaro an’izany, ianao no niteny tamiko mikasika an’izany.”

³⁰⁵ Hoy aho hoe, “Eny, tompoko. Niaraka tamin’ny fanazarany tsara, dia nandresy ady goavana dimy ambin’ny folo aho, ary niala tamin’ilay—ilay asa; nitory ny Filazantsara.”

³⁰⁶ Teo no ho eo dia niova ilay izy, ary nanomboka niampita ny—ny rano aho. Saingy rehefa nandeha aho, dia nandeha tamin’ny lakana misy motera. Nijery aho, ary indreo nisy roa tamin’ireo rahalahiko nипетрака teo, tao amin’ny lakana anankiray, vonona ny handeha hiaraka amiko. Hoy aho hoe, “Tsy mahazo manao an’izao ianareo, ry rahalahy. Hah-ah. Tsу maintsy mandeha irery aho.”

³⁰⁷ Ary niakatra ilay mpiandakana, ary hoy izy hoe, “Indro ny lakanao,” lakana tena plastika fotsy anankiray.

Hoy aho hoe, “Tsia. Hah-ah. Tsу izao.”

³⁰⁸ Hoy izy hoe, “Eny, afaka mandeha amin’ity lаlana ity ianao miaraka amin’ity, dimampolo maily isan’ora.”

Hoy aho hoe, “Saingy tsy maintsy miampita amin’itsy lаlana itsy aho.” Hitanareo?

“Eny,” hoy izy hoe, “mandehana miaraka amin’ireo tovolahy ireo.”

³⁰⁹ Hoy aho hoe, “Tsy mpiandakana ireo. Tsу misy fantatr’izy ireo ny mikasika an’izany. Taitaitra ireo. Tsу mahay miampita an’izany izy ireo. Hiara-hilentika ao izy ireo. Tsу vitan’izy ireo izany.”

Dia hoy izy hoe, “Ianao ve . . . afaka matoky ve ianao . . .”

³¹⁰ Hoy aho hoe, “Henoy, izaho—izaho mahafantatra lakana betsaka noho izy ireo, ary tsy hiezaka hiampita an’io miaraka amin’io, amin’io karazana fitaovana io.” Hoy aho hoe, “Mila maka lakana misy motera hiampitana an’io izany.” Hoy aho hoe, “Mila zavatra lehibe kokoa noho io izany.”

³¹¹ Ary hitako izy nijery manodidina, tamin’ny anankiray amin’ireo rahalahy, ary hoy izy, “Mpiandakana ve ianao?”

Hoy ilay rahalahy hoe, “Eny.” Hitanareo?

Hoy aho hoe, “Diso izany.”

³¹² Ary niverina ilay mpiandakana. Hoy izy hoe, “Teneniko aminao izay ataonao.” Hoy izy, “Tia anao izy ireo. Mino anao izy ireo. Saingy,” hoy izy, “raha hiezaka hiampita amin’ilay lakana misy motera ianao, dia hiezaka hanaraka anao ao amin’io lakana io izy ireo. Hiara-ho faty izy ireo, hitanao.” Hoy izy, “Tsy afaka manaraka anao izy ireo.”

Dia hoy aho hoe, “Eny, inona no tokony ataoko?”

³¹³ Ary ilay mpiandakana teo amin'ilay seranana, hoy izy hoe, "Mandehana ianao miverina *ery*." Hoy izy, "Trano fitehirizana kely anankiray ihany no misy eto amin'ity firenena ity, trano fitehirizana kely anankiray. Ary manangona sakafo betsaka fotsiny ao ianao," hoy izy, "ary hijanona eto izy ireo. Izy ireo dia—izy ireo dia hijanona eto raha ianao—raha ianao no mandeha. Fa," hoy izy, "tsy maintsy manangona sakafo ao ianao."

³¹⁴ Ary dia nanafatra karazana laisoa aho, sy nave, sy rady, sy ny sisa, nandamina azy ireo tao tahaka an'izany. Avy eo aho dia nifoha.

³¹⁵ Tsy fantatro hoe inona ilay izy tamin'izany, fa ankehitriny fantattro. Hitanareo, ao amin'ny fanangonana sakafo isika, rahalahy. Izao dia fiainana izay tsy maintsy handehananareo irery.

³¹⁶ Leo, tsaroanao ve ilay nofy izay azonao indray mandeha rehefa tonga teto voalohany ianao? [Hoy Rahalahy Leo Mercier hoe "Amena."—Mpand.] Mikasika an'ilay piramida, ary ianao nieritreritra fa ho tafakatra teo ianao. Hoy aho hoe, "Leo, tsy misy olona tafakatra eto. Andriamanitra no mametraka olona eto ambony eto. Niakatra ny sokajy ara-batana rehetra izay azonao niakarana ianao." Hoy aho hoe, "Tsy afaka ny ho tonga eto ianao, ry Leo. Hitanao? Miverena midina. Mitenena fotsiny amin'ny olona fa avy amin'Andriamanitra izany." Hitanareo? Hitanareo?

³¹⁷ Izay dia zavatra izay ianareo—ianareo dia tsy afaka hiankina aminy, na tsara toy ny inona aza ireo rahalahy sy anabavy, ary ny fiangonako sy ny zavatra rehetra, na tsara toy ny inona aza ny fiangonana hafa, sy ireo rahalahy, na aiza na aiza.

³¹⁸ Ankehitriny, izaho dia tsy afaka ny hanalavitra ny fiangonana any ivelany. Misy olona manao hoe, "Eny, nahoana ianao no miaraka amin'ireo olona ireo, ireo triniterana, ireo *ity*, *izao*, ary ireo *sasany*, sy ny an'ny tokana, sy Anaran'i Jesosy, ary ireo zavatra hafa rehetra eo ireo? Nahoana ianao no mifangaro amin'izy ireo, mihitsy?" Ahy izy ireo. Tsy mampaninona izay nataony, ahy izy ireo. Izy ireo no polipitrako.

³¹⁹ Rehefa nanao izay ratsy ny Isirael, nahatonga an'Andriamanitra niteny tamin'i Mosesy mihitsy aza, nanao hoe, "Misaraha ianao. Hanomboka vaovao anankiray Aho—foko vaovao miaraka aminao."

³²⁰ Nanjera ny tenany teo amin'ny lèlana i Mosesy, nanao hoe, "Alohan'ny Hakanao azy ireo, dia alao aho."

³²¹ Tsy mampaninona izay nataon'izy ireo, izy ireo no nanirahina ahy. Nandefa ny Hazavana Izy, tsy hamiratany any amin'izay misy Hazavana. Any amin'izay misy aizina, any no misy ny an'ny Hazavana. Ary tsy maintsy mandeha any amin'ny olona ianareo. Tsy maintsy mijoro miaraka amin'izy ireo ianareo, tsy mijery, ny fahadisoany, tsy maintsy mijoro ianareo.

³²² Isiraely dia diso ary diso arak'izay tratrany. Diso loatra izy ireo hany ka nialan'Andriamanitra izy ireo. Saingy, Mosesy, nanontany tena foana aho hoe ahoana no mba nahatongavan'izany, saingy ny Fanahin'i Kristy no tao amin'i Mosesy. Hitanareo?

³²³ Hitanareo, diso avokoa isika rehetra. Izy no nitsangana ho antsika rehetra rehefa tao amin'ny fahadisoantsika isika.

³²⁴ Tsy mampaninona hoe toy ny ahoana no maha-diso azy ireo, aoka isika tsy hanapaka fifandraisana na hampisaraka ny tenantsika na amin'ny inona na inona. Raha mbola afaka mahazo fanahy anankiray foana isika, aoka isika hiditra miaraka amin'ny "hendry toy ny menarana, mora tahaka ny voromailala," hitanareo, ary miezaka ny hahazo ny fanahy rehetra izay tratratsika.

³²⁵ Ankehitriny, izao no lazaiko izao maraina izao, dia ny manangona Sakafo. Manangona Sakafo, mba hanananareo zavatra ho hanina, mba hanananareo zavatra hivokisana. Alaiwo ao anaty horonam-peonareo Izany. Mipetraha ao amin'ny mangatsiatsiaky ny efitrano. Angamba, raha ho lasa ela aho, dia hahatsiaro ianareo fa marina ireo zavatra ireo. Mipetraha ao amin'ny efitranonareo dia mihainoa. Hitanareo? Ary ity no Sakafo, angonina, ao amin'ny trano fitehirizana. Tsy fantattro hoe aiza ilay dia. Saingy, na aiza na aiza ilay izy, Izy no mahafantatra izay Hitarihany; izaho tsia. Manaraka fotsiny aho.

³²⁶ Ankehitriny, inona no nolazainy eto ankehitriny? Henoy tsara.

*Farany, ry rahalahiko, mahereza ao amin'ny Tompo,
sy amin'ny herin'ny faherezany.*

...mahereza...ao amin'ny herin'ny faherezany.

*Tafio avokoa ny fiadian'Andriamanitra rehetra, mba
hahatonga anareo hifahatra amin'ny fanangolen'ny
devoly.*

Fa isika tsy mitolona amin'ny nofo aman-drà,...

Mitifitra basy sy manindrona antsy, hitanareo, tsy izany ilay izy.

*...fa manohitra ny fanapahana, manohitra ny hery,
manohitra ny mpanjakan'ny...fahamaizinana an'izao
tontolo izao,...*

³²⁷ "Ny mpanjakan'ny fahamaizinana." Iza no manjaka amin'izao tontolo izao? Ny devoly. Izany tokoa. Iza ireo zavatra rehetra miseho ireo, ireo zavatra tsy masina miseho ireo, manerana eto, sy ireo governemanta ireo, sy ny sisa? Ny devoly daholo izany. Ny Baiboly no nilaza an'izany. Ny devoly no mifehy ny Etazonia. Ny devoly no mifehy ny Alemania. Ny devoly no mifehy ny firenena rehetra eo amin'izao tontolo izao. Ho tonga eo amin'izany aho, ao anatin'ny minitra fotsiny,

dia ho hitantsika raha manao an'izany izy, na tsia. Raha... Ny fanjakana rehetra izay efa nisy sy mbola hisy, mandrapametrak'Andriamanitra ny Fanjakany, dia fehezin'ny devoly.

³²⁸ Tsy milaza aho hoe ny olona rehetra ao anatin'izany dia ny devoly, ankehitriny. Misy olona masina ao amin'ny—ao amin'ny mpiasan'ny governemanta.

³²⁹ Hisy anankiray eto ao anatin'ny hariva vitsy, eto mihitsy, hanehoana sary anankiray eto miaraka amin'ny Rahalahy Arganbright, eto an-toerana. Izy dia diplomaty saiky tamin'ireo filoham-pirenena dimy samihafa, Rahalahy Rowe. Ary izy dia... Ho eto izy, heveriko fa eo amin'ny herinandro faharoa amin'ny Aprily. Rahalahy Neville no hilaza an'izany. Ary lehilahy mahafinaritra izy.

³³⁰ Nilaza izy fa mahay miteny fiteny valo samihafa, mino aho. Saingy rehefa nandray ny Fanahy Masina izy, dia tsy nanana fiteny nahafahany niresaka tamin'ny Tompo izy, koa ny Tompo no nanome azy anankiray fotsiny, hoy izy, koa miresaka Aminy amin'izany anankiray izany izy. Nanome azy anankiray vaovao, izay tsy mbola nampiasainy mihitsy. Eny àry.

...ny fanahy ratsy eny amin'ny toerana avo eny.

Ary noho izany...

³³¹ Ankehitriny henoy, ianareo miaramila rehetra ireo ankehitriny, mialoha indrindra ny hanombohantsika ny laharam-bavaka.

...raiso ny anareo...eo aminareo ny (r-e-h-e-t-r-a) rehetra (tsy ny ampahiny fotsiny)...ny fiadian'Andriamanitra rehetra, mba ho afaka ianareo hanohitra amin'ny andro ratsy,...

Izany ilay andro izay iainantsika.

...ary rehefa vita avokoa, dia mifahara.

Mifahara...

³³² Amena. Azonareo izany? Hitanao, ry malala? [Miresaka amin'ilay anabavy marary indray Rahalahy Branham—Mpand.] Rehefa nataonareo izay rehetra azonareo natao, hifaharana, amin'izay fotoana izay dia mifahara. Aza mihetsika.

Mifahara àry, ny valahanareo...

³³³ Henoy ity. Henoy eto, inona izy ity. "Ny valahanareo." Izany no ampanahareo afovoany, eto, hitanareo.

...voasikina fahamarinana,...

³³⁴ Inona ny Fahamarinana? Ny Tenin'Andriamanitra. Marina izany. "Ny Teninao no Fahamarinana." Eny àry.

...ary mitafy ny rariny ho fiarovan-tratra;

³³⁵ Izany dia, “Manao izay marina.” Manana ny Tenin’Andriamanitra ao aminareo ianareo, manao izay marina. “Ny rariny ho fiarovan-tratra.”

Ary ny tongotrareo mikiraro ny fahavononana avy amin’ny filazantsaran’ny fiadanana;

³³⁶ Mandehana na aiza na aiza, amin’ny toerana rehetra, amin’ny fotoana rehetra, ny tongotra mikiraro ny Filazantsara. Hitanareo? Ary jereo:

Ambonin’ny zavatra rehetra, ambonin’io rehetra io, raiso ny ampingan’ny finoana, . . .

³³⁷ Izany no hany hampilatsaka ny zana-tsipika, hitanareo, “Ny ampingan’ny finoana.”

. . . mba hahazoanareo hamono ny zana-tsipika mirehitra rehetra avy amin’ilay ratsy.

Ary raiso ny fiarovan-dohan’ny famonjena, . . .

³³⁸ Izany ilay aina . . . Ilay fisainana—ilay fisainana, *ato*, ilay loha; manarona ny loha.

. . . ary ny—ary ny sabatry ny Fanahy, izay ny tenin’Andriamanitra:

³³⁹ Ahoana no hanaovanareo an’io fiarovan-doha io, inona no ataony? Fiarovana anankiray izany. Inona no nanaovana ny fiarovan-doha? Varahina. Ny varahina dia tsy afaka mitsonika; mafy, mafy kokoa noho ny vy. Fiarovan-doha varahina, (ny inona?) ny famonjena, fahalalana ny fahafantarana an’izany, “Ary ny fahasitranako dia avy amin’Andriamanitra. Ny famonjena ahy dia avy amin’Andriamanitra. Ny fahatsapako dia mifanaraka amin’ny Teniny, tsy amin’ny hevity ny fiangonana; ny Teny!” Amena. Eo ianareo izao. Voasarona, amin’ny fiarovana anankiray, ny fiarovan-dohan’ny famonjena, fanafahana. Raiso izany, avy eo dia mandehana mandroso. Oh, ankehitriny, ankehitriny izany no nasaina nataontsika. Ny tafik’i Satana . . .

³⁴⁰ Ankehitriny diniho, ankehitriny, isika . . . Tsy maintsy mandeha haingana aho, saingy izaho—izaho tsy maintsy mampiditra an’ity.

³⁴¹ Ny tafik’i Satana no mitondra ny aretina. Izany i Satana, mpandrava anankiray izy. Satana, ny fanjakana rehetra an’i Satana, dia aretina, fahafatesana, sy alahelo, sy fahasorenana, ary tahotra, ny rehetra ao amin’i Satana.

Andriamanitra dia Fainana, finoana, fifaliana, fiadanana, eto amin’ity. Hitanareo?

³⁴² Ankehitriny, izany ireo hery anankiroa izay tonga miaraka mihitsy ankehitriny. Miady izy ireo. Miady mihitsy izy ireo eto amin’ity trano ity izao ankehitriny izao. Miady izy ireo, isan’andro, miaraka aminareo, ny hery rehetra.

³⁴³ Satana, manaraka anareo foana, ilay lehibe, goavana, mpanjaka, Goliata mpisorona miezaka ny hampivoaka ny aty avy ao aminareo. Manana zo izy, saingy Andriamanitra . . .

³⁴⁴ Nampahatanjahana ianareo, amena, tamin'ny Filazantsara, miaraka amin'ny Tenin'ny Fahamarinana manodidina ny valahanareo. Voninahitra! Ry mpitoriteny, izany ilay izy. Fiarovan-dohan'ny famonjena; ny ampingan'ny finoana; ary ny Sabatra, ahofahfao eny an-tànananareo Izany! "Satana, tonga aho hihaona aminao. Ianao mihaona amiko amin'ny anaran'ny siansa. Ianao mihaona amiko amin'ny anaran'ny—ny kolontsaina. Ianao mihaona amiko amin'ny anaran'ny rafipandaminana. Ianao mihaona amiko amin'ny anaran'ity, *itsy*, na ny *hafa*. Fa izaho kosa mihaona aminao amin'ny Anaran'ny Tompo Andriamaniry ny Isirael. Hifanandrina aminao aho. Mialà any!" Na dia ny fahafatesana izy tenany aza tsy afaka hitsangana eo. Manaova lavaka anankiray ao amin'izany. Marina izany.

³⁴⁵ Ny tafik'i Satana no mitondra ny aretina, ary ny tafik'Andriamanitra no mirahina hamoaka azy ireo. Amena. Eo ianareo izao. Isaky ny manipy i Satana, eo aminareo, ny tafik'Andriamanitra no mamoaka azy. Amena. Mamoaka!

³⁴⁶ Izany no tena teknika izay nampiasain'Andriamanitra. Nampiasa ny tafiky ny fandravana i Satana, mba tsy hinoana ny Tenin'Andriamanitra, ary mametraka fanjakana tsaratsara kokoa anankiray ho azy noho izay nananan'i Mikaela, fa Andriamanitra no nandroaka azy.

³⁴⁷ Ny fomban'Andriamanitra, dia, mamoaka ny ratsy. Manongana ny fiheverana. Manongana ny finoanoam-poana. Manongana ny tahotra. Manongana ny aretina. Manongana ny ota. Amena. Eo ambonin'izany ianareo, natsangana ao amin'i Kristy Jesosy, mipetraka ao amin'ny toeran-Danitra, miaraka amin'ny devoly rehetra eo ambanin'ny tongotrareo. Raha vao manomboka mametaka ny lohany ao amin'io izy, inona . . .

³⁴⁸ Fantatrareo, ianareo dia maty. Ny fiainanareo dia mafina. Inona no *maty*? Maty amin'ny taovam-pandrenesanareo ianareo. Maty amin'ny fieritreretanareo ianareo. Ny maha-olombelona anareo manokana no hanao hoe, "Eny, ataoko fa izaho . . ." Maty amin'ny fiheverana. Maty amin'ireo zavatra rehetra ireo. Ary nalevina ao amin'ny Anaran'i Jesosy Kristy ianareo; ary natsangana niaraka Taminy. Ary na aiza Izy na aiza, dia any koa ianareo.

³⁴⁹ Inona no niseho rehefa ireo, ny iray amin'ireo mpisalasala, no tonga tany An-danitra? Noroahan'Andriamanitra izy. Ary inona no Nolazainy tamin'ireo miaramila izay natsangana ao amin'i Kristy? "Rehefa manantona ny devoly, roahy izy. Avoahy izy." Rehefa nanofana ny Tafiny Jesosy, ka naniraka azy ireo ho any amin'ny faran'ny tany, "Mandehàna ianareo any amin'izao

tontolo izao, torio ny Filazantsara amin'ny olombelona rehetra. Izay mino sy hatao batisa no ho vonjena; izay tsy hino no helohina. Ary izao famantarana izao no hanaraka an'ireo mino, ireo Miaramilako. Hamoaka devoly amin'ny Anarako izy; hiteny amin'ny fiteny vaovao; handray menarana, na hisotro zavamahafaty, tsy hampaninona azy ireo izany; raha mametraka ny tânany amin'ny marary izy ireo, dia ho sitrana izy ireny.”

Mandrosoa, ry miaramila Kristiana!
Handeha ho amin'ny ady,
Miaraka amin'ny hazo fijalian'i Jesosy
Izay mandeha eo aloha.

³⁵⁰ “Voahombo niarakaka Taminy aho, ary raha velona aza aho; tsy izaho no velona, fa Izy no velona ato amiko.” Mandroso ny Teny, eo aloha, Andriamanitra no mandrantsana, miaraka amin'ny Sabany roa lela.

³⁵¹ Avy eo, tsy mahagaga, rehefa naka an'ny Richmond i Grant, ary nahita an'i Grant niditra ilay vehivavy kely tatsimo, tonga taminy ilay aingam-panahy. Ary hoy izy hoe:

Ny masoko no nahita ny voninahitry ny
fihavian'ny Tompo;
Izy no manosihosy ny famihazana rehefa
notehirizina ireo voaloboky ny fahatezerana;
Izy no mamaha an'ilay tselatry ny fandaharana
miaraka amin'ny Sabany mahery sy haingana;
Ireo Antokony dia mandroso.

³⁵² Amena. Ahoana no nakan'i Grant an'ny Richmond? Vantany vao tonga teo mihitsy izy. Amena. Izany no nakany an'ny Richmond.

³⁵³ Toy izany no nakan'ireo miaramilan'Andriamanitra ny ota, aretina; vantany vao tonga teo izy ireo. Amena. Izany no fomba nandresen'izy ireo an'ireo fisalasalany, sy tahotra, sy ny sisa. Rehefa mitsangana ny anankiray, rantsanan'izy ireo izy. “Mialà amin'ny lâlana!” Oh, oadray! Izany ilay izy. Andriamanitra no mamoaaka azy ireo, tahaka ny Nataony tany An-danitra. Ny Lohan'ny Kapitenintsika lehibe no naneho tamintsika hoe ahoana no nanaovana azy. Amena.

³⁵⁴ Roy Roberson sy Rahalahy Funk, maro aminareo tranaindy ela eto, fantatrareo hoe inona izany tena kapiteny.

³⁵⁵ Indray mandeha aho . . . ity departemanta kelin'ny mpamono afon'ny Jeffersonville eto ity. Nirehitra ny toerana Pfau. Ary indro ny departemanta mpamono afon'ny Jeffersonville nijoro teo, ary nandeha nihodinkodina ilay kapiteny, nanao hoe, “Tifiro rano kely eto ambony eto.” “Sp-sp-sp-sp,” tahaka ny fantson-drano kely anankiray eto. Indro tonga ny Clarksville, “Tifiro rano kely eto ambony eto.” “Sp-sp-sp.” May tanteraka ny trano Pfau.

³⁵⁶ Niantso an'ny Louisville izy ireo. Indro tonga ireo lehilahy voahofana. Oh, toy ny ahoana ny fanenon'ireo anjombon'izy ireo nanodidina teo!

³⁵⁷ Ary indro ny lohan'ny kapiteny anankiray teo, avy amin'ny departemanta ny mpamono afo, nanao hoe, "Tifiro rano kely *eto* ambony eto. Tifiro rano kely *eto* ambany eto." Lehilahy tsy voahofana.

³⁵⁸ Rahalahy, vantany vao nijanona ilay milina, iza no teny amin'ny lohan'ilay tohatra? Ilay kapiteny. Rehefa niakatra ilay tohatra, dia niaraka tamin'izany izy. Rehefa nidona teo amin'ny varavarankely izy, tsy mbola tonga teo amin'ny varavarankely anefa izy. Norombahany ny famaky ary natsipiny teo amin'ilay varavarankely izany, ary hoy izy, "Ndao, ry zalahy." Dia maty ilay afo, tao anatin'ny minitira vitsy. Kapiteny iray!

³⁵⁹ Tsy kapiteny anankiray, ny manao hoe, "Tifiro rano kely *eto*. Andramo kely *eto*."

³⁶⁰ Fa, "Ndao, ry zalahy!" Amena. Izy no mitarika ny lâlana. Izy no nanoro antsika hoe ahoana no nanaovana azy.

³⁶¹ Nieritreritra aho hoe, "Io departemanta mpamono afo tsara hofana io, voavonon'izy ireo ny afo tao anatin'ny minitira vitsy." Nahoana? Nanana kapiteny anankiray izy ireo teo izay nahafantatra izay nataony.

³⁶² Rahalahy, teneno ny momba ny teolojianareo rehetra izay tianareo. Ireo anaram-piangananareo nataon'olombelona, ireo rafi-pandaminanareo, milalaova miaraka amin'izany.

Izaho manana Lohan'ny Kapiteny anankiray izay niteny tamiko hoe ahoana no hanaovana azy.

Manao hoe, "Eny, raha azoko fofonina ilay izy, tsapako ilay izy." Oh, tsy misy dikany!

³⁶³ *Ity* no fomba nilazan'ilay Lohan'ny Kapiteny hahavita azy, ao amin'ny Lioka ny toko faha-4. Tsy manana fotoana hamakiana azy aho. Vakio izany, ianareo ihany. Eny ary. Lioka ny toko faha-4, manomboka amin'ny andininy 1.

³⁶⁴ Izy tsy nilaza mihitsy hoe, "Ankehitriny ho lazaiko anareo. Mandehana ianareo *eto* ka manaova rafi-pandaminana lehibe. Manàna ianareo presbytera, sy diakona, sy, na manàna kardinaly, sy eveka, ary manàna ianareo an'ity." Izy tsy niteny an'izany mihitsy.

³⁶⁵ Rehefa nihaona Taminy i Satana, hoy izy hoe, "Ankehitriny noana Ianao. Ovay ireto vato ireto ho tonga mofo."

Hoy Izy hoe, "Voasoratra hoe . . ."

³⁶⁶ Hoy izy hoe, "Eto ambony eto, hitondra Anao eto ambony eto izahay ary haneho Aminao zavatra anankiray."

"Fa voasoaratra hoe . . ."

"Hanao an'ity aho, raha hanao an'izany Ianao."

“Voasoratra hoe . . .”

³⁶⁷ Izany no nolazain’ilay Lohan’ny Kapiteny fa hahavita azy. Ahoana no hahavita azy io, ranabavy? “Voasoratra hoe, ‘Raha mametra-tànana amin’ny marary izy, dia ho sitrana izy ireo.’” “Voasoratra hoe, ‘Hamoaka devoly amin’ny Anarako izy ireo.’” Amena. Inona izany? “Voasoratra hoe!” Izany no baikon’ilay Kapiteny. “Voasoratra hoe, ‘Izay mandre ny Teniko ka mino Izay naniraka Ahy, no manana ny Fiainana Mandrakizay.’ Voasoratra hoe! Voasoratra hoe! Voasoratra hoe!” Izany no—izany no baiko. Izany no miaramila. Izany no fomba. Izany no antoko miaramila izay hirosoantsika.

³⁶⁸ Inona no nataony? Nandroso eo avy hatrany izy, teo amin’ny Goliata anankiray. Izy dia naneho ny . . . Ahoana no nanehoan’i Davida tamin’ny tafika ny amin’izay nanaovana azy? Ahoana no nanehoan’i Davida tamin’ny Isiraely ny amin’izay anaovana azy? Davida dia midika hoe “malala, mpamony.” Hitanareo? Ahoana no nanaovan’i Davida an’ilay izy? Hoy izy hoe, “Ity no fomba anaovana azy. Matokia ny Tenin’ny Tompo.”

³⁶⁹ Ary nivoaka teo i Goliata, nanao hoe, “Mba fantatralo moa? Ho tsindroniko amin’ny tendron’ity lefona ity ianao, ary homeko ho sakafon’ny vorona ianao.”

³⁷⁰ Hoy izy hoe, “Ianao mihaona amiko amin’ny maha-rafi-pandaminana anankiray. Ianao mihaona amiko amin’ny mahasantifika moderina. Ianao mihaona amiko miaraka amin’ny sabatralo goavana be efatra ambin’ny folo dian-tongotra. Ianao mihaona amiko miaraka amin’ny fiarovan-doha varahina, sy miaraka amin’ny ampinga anankiray izay tsy vitako akory aza ny hanainga azy amin’ny tany. Ianao mihaona amiko amin’ny maha-mpiady voahofana anankiray. Ianao mihaona amiko miaraka amin’ny Ph.D, sy L.L.D. ary L.D. anankiroa. Ianao mihaona amiko ao amin’ireo zavatra rehetra ireo. Fa izaha kosa avy amin’ny Anaran’ny Tompo Andriamaniry ny Isiraely, ary androany dia ho tapahiko hiala eo amin’ny sorokao ny lohanao.” Amena. Nivoaka teo io vongana kely io nanohittra an’ilay goavambe, saingy fantany hoe taiza izy no nijoro.

Isiraely, nangovitra teo aorianae teo, “Oh, sakaida kely mahantra.”

Hoy Goliata hoe, “Asehoko anao izay hataoko.” Dia indro tamy izy.

³⁷¹ Nanana ny f-i-n-o-a-n-a [Amin’ny teny Anglisy f-a-i-t-h—Mpand.] izy, hitanareo, ao a-m-i-n’-i J-e-s-o-s-y [Amin’ny teny Anglisy J-e-s-u-s.], vatokely dimy, vato dimy. Vato kely anankiray teo, hanombohana azy. Nahodinkodiny tahaka an’izao ilay izy, noraisin’ny Fanahy Masina ilay vatokely, ary lasa ilay izy. Lavo tamin’ny tany i Goliata. Izay ilay fomba anaovana azy.

³⁷² Izany no fomba nilazan'i Jesosy, izay Nolazainy. "Ankehitriny, rehefa ianareo rahalahy no mandeha any antsaha, raha tianareo ny hahafantatra hoe ahoana no handresena an'ireo devoly ireo, dia Hasehoko anareo hoe ahoana no anaovana azy."

³⁷³ Hoy Satana hoe, "Hihaona aminao aho." I Goliata, "Hasehoko Anao izay vitako. Noana Ianao. Raha Zanak'Andriamanitra Ianao, dia hiaika Anao aho. Ianao no milaza fa Zanak'Andriamanitra Ianao. Hiaika Anao aho. Raha Zanak'Andriamanitra Ianao, ovay ireto vato ireto ho tonga mofo. Hano; noana Ianao. Ary raha Zanak'Andriamanitra Ianao, dia manana fahefana hanao an'izany Ianao."

³⁷⁴ Hoy Izy hoe, "Fa voasoratra hoe, ankehitriny, 'Tsy ny mofo ihany no iveloman'ny olona.'" Oh, izany no fomba nanaovan'ilay Lohan'ny Kapiteny azy.

Nentiny teo amin'ny tampon'ny tempoly Izy. Hoy izy hoe, "Raha manjera ny Tenanao any ambany any Ianao," hoy izy, "Fantatrala fa voasoratra hoe koa . . ."

³⁷⁵ Hoy Izy, "Hia." Hoy Izy, "Voasoratra hoe, indray, 'Aza maka fanahy ny Tompo Andriamanitrala ianao.'" Hitanareo ve ahoana ny Niantsoany ny Tenany? "Ny Tompo Andriamanitrala." Ah-hah. "Aza maka fanahy ny Tompo Andriamanitrala ianao, voasoratra hoe, indray, tahaka an'izany." Hitanareo? Oh, oadray!

³⁷⁶ Inona no Nataony? Nandresy azy Izy, niaraka tamin'ny Tenin'Andriamanitra. Ny tetiky ny devoly dia ny hahatonga anareo tsy hino ny Tenin'Andriamanitra. Ary hoy ilay Lohan'ny Kapiteny hoe, "Raiso ny Tenin'Andriamanitra ka ataovy Izany. Hamoaka devoly amin'ny Anarako izy ireo."

³⁷⁷ Oh, Satana, ilay lohan'ny kapitenin'izy ireo, oh, hia, fantatralareo, ireo anaram-piangonana sasany dia miezaka hahatonga anareo hino fa izy no manana ny kitro mifaingoka, fantatralareo, sy rambo misaraka, sy io karazany rehetra io. Aza mino an'izany ianareo. Tsy tahaka izany izy. Tsia, tompoko, rahalahy. Tena kapotsaka anankiray izy. Aza mino ianareo fa manana an'izany izy. Manao an'izany fotsiny izy ireo mba hampangovitra anareo. Tsy izany ny devoly. Tsy manana kitro ny devoly, eo am-panombobhana; misalasala betsaka ny amin'izany aho. Fanahy anankiray fotsiny izy. Ny devoly dia fanahy anankiray. Tsy manana kitro mifaingoka izy sy ny sisa, tahaka ny ezahanareo hanaovana ny sariny. Tsia, tsia.

³⁷⁸ Fa, hendry izy. Rahalahy, izy dia tena lehilahy hendry, nianatra tanteraka, izany foana izy, tao amin'ny fahendren'izao tontolo izao. Oh, hia. Tsara tarehy izy. Nandrafitra ny tafiny tamin'ny fahendren'izao tontolo izao, hany ka, rahalahy, ianareo aza manandrana ny—manandrana ny hilaza ny teninareo. Tsaratsara kokoa aminareo ny mahafantatra hoe inona no

ho lazainareo rehefa mihaona amin'ny anankiray amin'ireo tovolahy ireo ianareo, manao hoe, "Efa lasa ny andron'ny fahagagana." Tsia, izy tsy manana—izy tsy manana kitro misaraka. Izy dia, oh, izy dia—izy dia—izy dia tena avy ao amin'ny seminera mihitsy. Izy dia tena mamiratra, rahalahy. Ny tiako lazaina, izy dia mahay, Ph.D., L.L.D., Q.U.S.T., sy ny sisa rehetra amin'izany. Hitanareo? Ao amin'izany rehetra izany, dia tena mahay arak'izay tratrany izy. Hendry, azo antoka, menarana anankiray izy, mpisokosoko amin'izy rehetra. Malama volo, rahalahy, ary, ny tiako lazaina, tsara akanjo, ary tsy misy miforiporitra eo amin'ny palitao. Mahay, hendry sy fetsy arak'izay tratrany. Marina izany.

³⁷⁹ Aza miadaladala aminy ianareo raha tsy fantatrareo izay ho lazaina. Marina izany. Oh, saingy fantatsika ireo—ireo tetika tranaininy. Fantatsika hoe inona no ezahany hatao: hahatonga antsika tsy hino ny Tenin'Andriamanitra.

³⁸⁰ Ary tsy manana kitro mifaingoka izy. Tsia, tsia, tsia. Ankehitriny, hitantsika fa tsy manana kitro mifaingoka izy, koa tsy maintsy ho zavatra anankiray hafa izy. Kapotsaka anankiray izy. Fahendrena izy, nianatra, voalamina. Rahalahy, manana ny tafiny koa izy.

³⁸¹ Jereo, indray mandeha, tany Soisa tany. Tsy mahita toerana ijanonana fotsiny aho, ry havana. Nisy ny—ny... Tany Soisa tany, indro tonga ity tafika Alemana, mar—... miaraka amin'ireo vahiny niditra. Nahoana, tahaka ny rindrina biriky anankiray ilay izy; ny lehilahy rehetra voahofana, ny lefona rehetra nipetraka tahaka an'izao, valo na folo dian-tongotra teo aloha. Ary tonga teo amin'ilay Soisa kely mahanttra izy ireo teo, inona no nananan'izy ireo? Izy ireo dia nanana fiadiana miaraka tamin'ny—tamin'ny lelan'antsin'ahitr'izy ireo, tehina sy vatokely, ary nitsangana teo izy ireo. Voaroakany izy ireo. Tery am-pitan'ilay havoana no nisy ny tranon'izy ireo. Indro ilay tafika Soisa nivoaka nihaona tamin'izy ireo. Tsy nanao na inona na inona taminy izy ireo. Niditra fotsiny izy ireo ary naka ny taniny.

³⁸² Inona teto amin'izao tontolo izao no mba nataon'ity ankizy ity, tena zaza anankiray fotsiny? Satana, izany izy io, no haka ny ainy raha azony atao. Izany tokoa. Io izy io; mialohan'ny fotoana. Hitanareo?

³⁸³ Tsy nanao na inona na inona ilay Soisa. Vahoaka tsara izy ireo. Niezaka niaro ny tranony izy ireo, saingy nitsangana teo izy ireo mba hiaro. Afaka kelikely, nisy anankiray nantsoina hoe Arnold von Winkelried. Indro tamy io tafika io. Voahodidina tanteraka izy ireo. Hoy izy, "Inona no hataontsika?"

³⁸⁴ Nanerana, dia olona betsaka fotsiny, tsara hofana. Izany no fomba anaovan'i Satana an'ilay izy. Tsara hofana, ny lefony atondrony tsara eo, ny lehilahy rehetra ao anaty

famindrana; iray, roa; iray, roa; manosika fotsiny an'io tafika kely io. Mandeha—mandeha fotsiny, izay ihany no tsy maintsy nataon'izy ireo, ary nanindrona azy ireo fotsiny, ny tsirairay, tamin'ny sabatra. Ireo lefona dia nandeha teo amin'izy ireo. Izany no tokony ho namarana ny tafika Soisa. Izay no tokony ho faran'ny rehetra. Tery ampitan'ilay havoana mihitsy no nisy an'ireo tranony sy ireo malalany. Ny vehivavin'izy ireo dia tokony ho noviravirainy sy naolany, ary ireo zanakavavy tanoran'izy ireo, ary ny ankizy novonoina, ary ny trano nodorana, sy ny zavatra rehetra, ny sakafola nalaina, ny biby fiompy sy ny sisa, lasa. Teo izy ireo.

³⁸⁵ Inona no nitranga? Nandona olona anankiray antsoina hoe Arnold von Winkelried ny aingam-panahy. Hoy izy hoe, “Ry lehilahin’ny Soisa, amin’ity andro ity dia maty ho an’ny Soisa aho.” Amena. “Amin’ity andro ity dia maty ho an’ny Soisa aho.”

Hoy izy ireo hoe, “Inona no hataonao?”

³⁸⁶ Hoy izy hoe, “Manaraha ahy fotsiny ianareo ary miadia miaraka amin’izay anananareo.” Nitsangana teo izy; nalatsany ny lefony, tehina kely anankiray no teny an-tanany, tahaka an’izao. Ary nihiaka izy, niaraka tamin’ny tanany nitsangana, tahaka an’izao, ary nihazakazaka nanatona an’izany, niantsoantso, “Omeo toerana ny fahafahana!” Nihazakazaka mafy arak’izay azony naleha, teo amin’ilay tafika avy hatrany. Ary, rehefa nanao an’izany izy, norombahany ny lefona tsirairay izay azony, ka natrobany avy hatrany teo amin’ny tratrany izy ireo tahaka an’izao, dia maty.

³⁸⁷ Niteny tamin’izy ireo izy, talohan’ny nialany. Hoy izy, “Misy trano kely anankiray ery, vady iray sy zazakely izay nilaozako, trano kely anankiray izay vao avy novidiako.” Ary hoy izy, “Izaho—izaho dia tia azy ireo, saingy, androany, dia maty ho an’ny Soisa aho. Izy no nanome...” Hoy izy hoe, “Manome ny aiko aho ho an’ny firenena.” Ary izany no mahery fo anankiray. Tsy nanana ady anankiray intsony izy ireo hatramin’izany. Izany, izany no namarana azy.

³⁸⁸ Izany no nampiverin-dàlana an’ilay tafika, niaraka tamin’io fampisehoana herim-po io, hany ka tsy nisy... Ilay-ilay tafika dia nisavoritaka tanteraka. Nanakodia vato teo amin’izy ireo ny Soisa, ary nandroaka azy ireo teo amin’ny firenena; ary tsy niverina intsony hatramin’izany. An-jato taonany lasa izany. Hitanareo? Nahoana? Izany dia zava-bitia lehibe.

³⁸⁹ Fa, oh, rahalahy, indray andro, rehefa ny tsy fahafantarana, finoanoam-poana, fisalasalana, fahasorenana, sy ny tahotra, no nanosika ny vahoakan’Andriamanitra tery an-jorony aorianana. Nisy Anankiray nantsoina hoe Jesosy Kristy, “Amin’ity andro ity dia maty ho an’ny olona Aho.” Marina izany.

³⁹⁰ Inona no nolazainy tamin’ny tafiny? “Manaraha ahy ary miadia amin’izay rehetra anananareo. Raha klioba anankiray

no anananareo, miadia miaraka amin'ny klioba anankiray. Aza matahotra. Manana tehina anankiray ianareo, miadia miaraka amin'ny tehina anankiray. Manana vato anankiray ianareo, miadia miaraka amin'ny vato anankiray, na inona na inona anananareo."

³⁹¹ Izany no lazain'ny Lohan'ny Kapitenintsika androany. "Noraisiko ny Tenin'Andriamanitra, ary nandresy ny devoly sy ny heriny Aho." Notetitehany ho riba izy, amena, niaraka tamin'ilay Teny. Ankehitriny, na inona na inona anananareo, raha manana Teny anankiray fotsiny ianareo, "Ny Tompo Andriamanitrareo izay manasitrana anareo," no nitetitetika azy. Manaraha. Amena. Manaraha ny Kapitenintsika. Eny, tompoko. Izy no nitetitetika azy.

³⁹² Satana, miaraka amin'ny fanjakany lehibe, tsara tarehy, ary hatsarana betsaka, sy ny zavatra rehetra, ireo ara-toetr'andro rehetra. Aza miditra amin'izany isika. Marina izany. Mbola izy no fetsy indrindra amin'ny bibi-dia rehetra amin'ny tany. Eny, tompoko. Jesosy no nilaza fa ny zanak'izao tontolo izao dia hendry lavitra noho ny zanaky ny Fanjakan'Andriamanitra.

³⁹³ Ankehitriny, ireo fifandirana lehibe anankiroa ireo. Isika dia... Izaho dia... tsy maintsy hamarana. Ireo fifandirana lehibe anankiroa ireo dia tonga miaraka izao ankehitriny izao. Izao ankehitriny izao no ora izay hamelezan'ny aretina sy ny sisa an'izao tontolo izao, hany ka talanjona ny fitsaboana ara-siansa, ary ny zavatra rehetra dia talanjona. Tsy misy na inona na inona, ary—ary isika fotsiny dia... Ary ilay tafika, ilay tafika kelin'Andriamanitra, dia voatosika eny an-jorony aoriania sy ny sisa. Rahalahy, izao no fotoana ho an'ny Arnold von Winkelried hafa anankiray. Izao no fotoana, fotoana ho an'ny lehilahin'Andriamanitra hafa anankiray handroso. Izao no fotoana ho an'ny Elia anankiray hiseho. Izao no fotoana ho an'ny zavatra anankiray hitranga.

³⁹⁴ Ry tafik'Andriamanitra, akatony ny fisainanareo. Aza mijanona iray minitra, mba hieritreritra zavatra izay tsy maintsy homen'ny devoly anareo amin'ny alàlan'ny taovampandrenesanareo. Fa tsarovy, ny Tenin'Andriamanitra no tsy mety diso mihitsy.

³⁹⁵ Ireo tafika lehibe anankiroa ireo! Rehefa tonga tahaka ny ranobe ny fahavalo, tahaka ny hahatongavany androany, inona no nolazain'Andriamanitra fa Hataony? "Ny Fanahin'Andriamanitra no hanangana faneva hanohitra azy." Isan'izy ireo ve ianareo? Eny, tompoko.

³⁹⁶ Nampianarina isika ao amin'ny Jakoba 4:7... Tsy manana fotoana hamakiana azy aho. Jakoba 4:7, ny, "Tohero ny devoly, fa," tsy hanalavitra fotsiny izy, fa, "handositra izy" "Tohero ny devoly." Ahoana no hanoharanareo ny devoly? Fomba mitovy amin'izay nolazain'ilay Lohan'ny Kapitenintsika

tamintsika hanaovana azy. Raiso ny Tenin'Andriamanitra. Izany ho hanoheranareo ny devoly, dia amin'ny alàlan'ny Tenin'Andriamanitra. Ilay Lohan'ny Kapiteny no niteny tamintsika hoe ahoana no anaovana azy. Eny àry.

³⁹⁷ Ankehitriny, eto am-pamaranana, izao no tiako ho lazaina. Io devoly trrainy io, ankehitriny, heveronareo fa tsy valahara izy io. Mihevitra ve ianareo fa hanafika ankizy anankiray izy? Hanafika ny zavatra rehetra izy. Nanafika an'i Jesosy Kristy izy. Tonga teo Aminy izy, niaraka tamin'ny fanafihana anankitelo mahatsiravina. Efa fantatrareo ve izany? Tsy nanafika indray mandeha fotsiny i Satana. Hanafika anareo miaraka amin'ny aretina anankiray izy, avy eo dia indro izy fa hiverina indray ary hanafika anareo, hiteny aminareo hoe, "Efa lasa ny andron'ny fahagagana. Tsy sitrana ianao. Tsy misy na inona na inona amin'Izany." Fantatrareo ve fa marina izany?

³⁹⁸ Nanafika an'i Jesosy in-telo izy. Fanafihana anankitelo mahatsiravina, nihazakazaka teo amin'i Jesosy izy, niaraka tamin'ilay tsy finoana ny Tenin'Andriamanitra. Jesosy no Teny. Azo antoka, tsy nino an'izany izy. "Raha Ianao no... Raha Ianao no..." Tonga teo izy, fanafihana mahatsiravina, tahaka ny fahavaloo ankehitriny indraindray. Tonga eo izy, hoy izy, "Raha Ianao no Zanak'Andriamanitra, anehoy fahagagana anankiray aho. Avelao aho hahita an'ilay izy ho vita." Rahalahy, fanafihana anankitelo mahatsiravina no natsofony, "Raha Ianao... Raha Ianao no..."

³⁹⁹ Ankehitriny, inona no nataon'i Jesosy? Jesosy no Tenin'Andriamanitra. Izy no Teny. Nanafika an'ilay Teny izy. Voninahitra! Izaho—izaho fotsiny dia...mahatsapa mety tsara fotsiny, mitoriteny ankehitriny, am-pahatsorana aho. Marina izany. Jesosy no Teny. "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia nonina, tonga nofo, ary nonina..." Jesosy no Teny. Inona no Nataony? Notetitehany ho riba izy. Oh, oadray! Hijanona aho. Inona no nataon'i Jesosy? Izy no Teny. Koa, niaraka tamin'ilay Teny, dia Notapahany i Satana teo amin'ilay fanafihany mahatsiravina. Nitsofoka tao izy tahaka ny andiana para-, antoko mpanafika, na zavatra hafa tahaka an'izany, nitsofoka teo amin'i Jesosy, ilay Teny, tahaka an'izany. Ary nandray an'ilay Teny Jesosy, ary nandidy azy ho potika. Haleloia! Azo antoka, nandidy azy ho potika, nandresy azy tamin'ny Teny.

⁴⁰⁰ Hitanareo ve ny fanafihany? Diniho, henoy tsara, izao famaranana izao. Ny fanafihany dia inona? Tsy mino ny Tenin'Andriamanitra, izany no fanafihany. Eo, hitanareo ve fa ilay ady lehibe indrindra dia iadiana mandrakariva? Hery anankiroa fotsiny no misy; Satana sy Andriamanitra. Ary inona no fitaovam-piadian'i Satana hanoherany anareo? Dia ny miezaka hanao anareo tsy hino ny Fitaovam-piadianareo.

Manala ny fiadianareo izy. Ndao isika—ndao isika hihaino tsara ankehitriny. Henoy. Raha afaka izy ny hanao anareo tsy hino fa ny Fitaovam-piadianareo dia mifanentana, raha afaka izy ny hanao anareo tsy hino fa tsy dia matanjaka loatra ny Fitaovam-piadianareo, dia nanala ny fiadianareo izy izay.

⁴⁰¹ Oh, Rahalahy Neville, manantena aho fa tsy avelantsika mihitsy izany. [Hoy Rahalahy Neville hoe, “Manantena aho ary mivavaka mba ho tsia.”—Mpand.]

⁴⁰² Jereo. Nanala ny fiadianareo izy rehefa manao anareo tsy hino an’ilay Fitaovam-piadiana. Rehefa apetrakareo Izany, dia izany no mamita ny adinareo. Vita ianareo. Tazony ilay Fitaovam-piadiana. Aza apetrakareo Izany. Hitantsika ny tsy finoany. Aoka . . .

Mbola misy zavatra anankiray izay tiako ho lazaina ankehitriny, ao anatin’ny iray minitra.

⁴⁰³ Rosia. Tiako ny hilaza an’izao ho an’ireo trrainay indrindra, sy ny sisa, eto, ary ianareo mpianatra Baiboly. Inona no hitarainanareo sy hikiahانareo mikasika an’i Rosia? Hah! Tsy nandre ahy niteny taminareo ve ianareo mba hanamboatra fiarovana amin’ny baomba, sa tsy izany? Inona no hitarainanareo mikasika an’i Rosia? Rosia dia tsinontsinona. Tsy handresy amin’ny ady izy ireo. Tsy hahababo an’izao tontolo izao izy ireo. Tsy hahababo an’izao tontolo izao ny kaominisma. Inona ny olana eo amin’ny olona? Mety diso ve ny Tenin’Andriamanitra?

⁴⁰⁴ Henoy, ao anaty horonam-peo ity ankehitriny. Ho an’izao tontolo izao, no hiresahako, na aiza na aiza mety handehanan’ireto horonam-peo ireto. Ary ianareo olona eto, tsy mampaninona izay hitranga amiko, minoa an’ity ianareo.

⁴⁰⁵ Rosia, kaominisma, dia tsy hambabo na inona na inona. Tsy mety diso ny Tenin’Andriamanitra. Romanisma no handeha hambabo an’izao tontolo izao.

⁴⁰⁶ Ndao alaintsika ny fahitan’i Daniela. Izany no Tenin’Andriamanitra. “Ianao, O ry Daniela . . .” “Ianao, O ry Nebokadnezara Mpanjaka, no loha volamena,” Babylona. “Fanjakana hafa anankiray no handimby anao, dia volafotsy,” hitanareo, izay ny Mediana-sy-Persiana. Ny anankiray hafa dia ny Grika, Aleksandra Lehibe. Manaraka, miditra, i Roma. Ary tsy misy na inona na inona voalaza ny mikasika ny kaominisma. Roma no nambabo an’izao tontolo izao.

⁴⁰⁷ Teraka tao amin’ny fanjakana Romana Jesosy Kristy, ary nenjhina, ny fotoana voalohany Nahatongavany teto, tamin’ny alalan’ny fanjakana Romana. Ary amin’ny Fahatongavany faharoa, ny Fihaviany ankehitriny, ny Hafany dia enjehin’ny anaram-piangonana Romana, izay renin’izy rehetra ireo. Ary rehefa miverina Izzy, dia hiverina Izzy handringana an’io fanjakana Romana io, izany no iandrasan’ireo Jiosy Azy foana mba ho tonga ka handringana an’ilay fanjakana Romana.

⁴⁰⁸ Ny ambaratongam-pahefana Katolika miaraka amin'ireo anaram-piangonana rehetra eto amin'izao tontolo izao, dia efa mitambatra mihitsy ankehitriny ho rafi-pandaminana anankiray, ny fiombonamben'ny fiangonana mifandamina samy izy miaraka. Tsy Rosia izany. Roma izany. HOY NY TOMPO HOE. Hia. Asehoy ahy ny Soratra iray izay ny kaominisma, na zavatra hafa ankoatran'i Roma, no hanjaka.

⁴⁰⁹ Ny Mediana-sy-Persiana ve no nandimby an'i Nebokadnesara? Azo antoka. Ny Grika ve no nandimby azy ireo? Hia. Roma ve no nitondra azy ireo, avy teo? Nizarazara ho fahefana Ottoman folo ve izany tahaka an'izay ananantsika ankehitriny? Tsy . . .

⁴¹⁰ *Eisenhower*, izay midika "vy." *Khrushchev* dia midika "tanimanga." Manana ny fihaonany ve izy ireo eto mihitsy? Ary nanala ny kirarony i Khrushchev. [Nandondona ny polipitra Rahalahy Branham—Mpand.] Mba hanao an'ilay izy ho mazava, zavatra misokatra, dia nikapoka ny latabatra, tahaka an'izao, mba hampiseho amin'ny olona. [Nandondona ny polipitra Rahalahy Branham.]

⁴¹¹ Eny, inona ny olana amin'ny olona ankehitriny? Aiza ny finoana? Nahoana, tsy mino ve ianareo fa ny Tenin'Andriamanitra no Fahamarinana? [Hoy ny fiangonana hoe, "Amena."—Mpand.] Ary izany zavatra izany dia tsy Ato. Inona ny olana amin'ireo mpitoriteny ankehitriny? "Kaominisma!" Ny mpitoriteny rehetra eto dia miezaka miady amin'ny kaominisma. Kaominisma, tsinontsinona!

⁴¹² Ilay zavatra, ny devoly no mampiditra an'ilay izy eo ambanin'ny oronareo, nefà tsy fantatrareo ilay izy; ny Romanisma izany, fanaovana anaram-piangonana. Ary Roma no renin'ireo anaram-piangonana. Hoy ny Baiboly hoe, "Izy dia mpivarotena, ary ireo zanakavaviny dia mpijangajanga," manohitra an'Andriamanitra, manohitra ny Teniny.

⁴¹³ Ry miaramila, alaivo ny Teny. Anjelin'ny famindrampo, mitoera miaraka amin'ity Teny ity. Ho faty aho indray andro, fa ity Teny ity tsy mety maty. Ary ianareo olona tanora ireo, raha tsy mitranga amin'izao androko izao izany, dia ianareo no hahita. Izay ilay zavatra.

⁴¹⁴ Nandre ny vaovao ve ianareo izao maraina izao? Rtoa. Kennedy nandeha, njery ny papa, ary inona no nolazain'ny papa. Hitanareo, ny fivavahana rehetra eto ambonin'ny tany! Oh! Eny, angamba hahazo betsaka amin'izany isika, amin'ny Alahady manaraka.

⁴¹⁵ Hitanareo, aza matahotra ny amin'i Rosia. Rosia dia vato kilonjy kely eny amin'ny tora-pasika. Aza matahotra ny amin'ny kaominisma. Jereonareo ny Romanisma rehefa mikambana amin'ny fiangonana izy. Tsy misy na inona na inona voasoratra

ao amin'ny Soratra mikasika ny kaominisma hanjaka amin'izao tontolo izao.

⁴¹⁶ Ary izaho dia mifototra amin'ny Teny, tsy mijery izay zavatra hafa miseho. Ny Teny no inoako. Ny Romanisma no maka an'izao tontolo izao. Ary ny Romanisma no renin'ny rafi-pandaminana. Tsy nisy mihitsy rafi-pandaminana anankiray afa-tsy Roma, ary ny tsirairay tamin'izy ireo dia nivoaka avy tao aminy. Ary ny Baiboly no nilaza an'izany, "Izy no renin'ny mpijangajanga." Izaho dia afaka mijanona tapak'andro amin'io, indray, saingy ataoko fa tsara ho ahy ny manohy.

⁴¹⁷ Rehefa manafika antsika ny fahavallo, amin'izay fotoana izay, "Oh, holazaiko anao, tokony ho avy hikambana amin'ny anay ianao..." Inona no hataonareo, hihemotra, hanao marimaritra iraisana? Tsy tena miaramila, tsy izy. Tsia, tompoko.

⁴¹⁸ Inona àry no ataontsika? Ilay fisainana, "Aoka ny fisainanareo izay tao amin'i Kristy..." Izany ve no nolazain'ny Baiboly? [Hoy ny fiangonana hoe, "Amena."—Mpand.] "Ny fisainana izay tao amin'i Kristy, no ho ao aminareo." Karazana fisainana inona no Nananany? Mitoetra amin'ny Teny. Marina izany. Mitoetra amin'ny Teny, ilay Tenin'ny Ray, ary nandresy ny fahavallo isan'andro. Ankehitriny rehefa manafika ny fahavallo ka miezaka miteny fa ianareo tokony hanao an'ity sy hanao an'itsy, inona no hataonareo? Mitoera amin'ny Teny. Marina izany.

⁴¹⁹ Inona àry no tokony hataonareo? Raiso ny Teny. Inona ilay Teny? Milaza ny Baiboly eto. Vao avy novakantsika izany. Fa ny Fanahy, sy avy amin'Andriamanitra, no Teny. Hitanareo? Jereo eto. "Ary raiso ny fiarovan-dohan'ny famonjena, ary ny Sabatra, ny Sabatry ny Fanahy." Ny Sabatry ny Fanahy! Inona? Ilay Fanahy izay niditra tamin'ny alàlan'ny fisainanareo ary miditra ao anatinareo, ary ilay Sabatr'io Fanahy io dia ny Tenin'Andriamanitra.

⁴²⁰ Inona no entin'io Fanahy io miady? Inona no entin'io Fanahy Masina io miady, fahatsapana, fihetseham-po? [Hoy ny fiangonana hoe, "Ny Teny."—Mpand.] Ny Teny; fo! Fiooo! Voninahitra! Inona no Entiny miady, fihetseham-po? Teny! Teny! Ndao ho lazaintsika izany, Teny! ["Teny!"] Teny! ["Teny!"] Tenin'Andriamanitra no entin'ilay Fanahy miady.

⁴²¹ Ilay Fanahin'Andriamanitra no mandroso avy hatrany eo amin'ny devoly, ka manao hoe, "Voasoratra hoe!" Amen! "Voasoratra hoe!" Ary misitaka ny devoly.

⁴²² Inona no ataontsika? Raiso ny Sabatra, izay ny Tenin'Andriamanitra, misintona an'Izany miaraka amin'ny (inona?) tànana anankiray an'ny finoana, tànana mahery an'ny finoana, ilay Sabatra roa lela. Hoy ny Baiboly, ao amin'ny

Hebreo 4, “Izany dia—Izany dia Sabatra roa lela,” manapaka mandroso sy miverina.

⁴²³ Rahalahy, inona no ataony? Raiso ny Teny. Raiso ny Fanahy, avelao ilay Fanahy hiditra ao anatin’ny fonareo. Sokafy ny fisainanareo, manaova hoe, “Ny Teninao no marina.” Ankehitriny, ataovinao izany, ranabavy. [Miresaka amin’ilay anabavy marary indray Rahalahy Branham—Mpand.] “Ny Teninao no marina.”

⁴²⁴ “Tompo, tsy ho raharahiako izay tsapako, na iza izy na iza, izay lazain’ilay izaho. Hajanoko izany, ho tsofiko ny lâlambeko rehetra, ny fahasorenana rehetra, sy ny fisalasalana, ary ny tsy finoana izay mba nananako. Ny fihetseham-po rehetra izay mba nananako, ny aretina rehetra izay mba nananako, ny zavatra hafa rehetra izay mba nananako, ho tsofiko hivoaka daholo izy rehetra. Ialako daholo izany rehetra izany. Handeha avy hatrany ao amin’ny fanahiko aho. O Tompo, midina. Ianao no nilaza fa Ianao no nanao safidy malalaka ho ahy.”

“Izany ianao, ry Zanako.”

⁴²⁵ “Eny àry, sokafako ny foko sy ny fisainako. Midina, Tompo Jesosy.”

⁴²⁶ Ary rombahy ny Finoana, ilay Sabatry ny Fanahy, HOY NY TOMPO HOE. Mihikà, “Haleloia!” Amena. Avy eo dia tapaho ny fahavalao rehetra eo anoloanareo. Amena. Izany no izy. Tapaho ny fahavalao rehetra. Raha ny—ny fanahin’ny matoatoa anankiray no manao anareo hahatsapa ny... Tapaho hiala izany zavatra izany, miaraka amin’ny Tenin’ny Tompo.

Fa ny herintsika, dia, “Ny fifalian’ny Tompo no heriko.”

⁴²⁷ “Mialà amiko.” Felao! Tapahonareo amin’ny Teny izy. Na demony izany, na fahavalao izany, na aretina izany, na fahosana izany, na inona izany na inona, raiso ilay Teny ary sintony miaraka amin’ny Sabatra Izany. Ary rehefa mamekala azy indray mandeha ianareo, toa ohatry ny tsy mihetsika izy, felao indray, dia felao indray, dia felao indray. Ary felao mandrapanaonareo lavaka anankiray, tahaka ny akohokely anankiray mampitsirika ny tenany hivoaka; na voromahery anankiray, izay maha-izy anareo. Atsiraho ny tenanareo hivoaka ao amin’io akoran’aretina io. Vakio ny lâlanareo mivoaka, ka manao hoe, “Haleloia! Aiza ny manaraka?” Amena. Izany ilay ady. Izany no miaramila anankiray. Izany no miaramilan’ny hazo fijaliana. Eny, tompoko. Aripaho ny fahavalao rehetra.

⁴²⁸ Nahoana? Nahoana? Isika, voafidy mialoha, Taranaka mpanjaka an’i Abrahama. Rehefa nolavin’i Abrahama ny zavatra rehetra izay nanohitra ny Tenin’Andriamanitra, dia namaky ny lâlany izy teo amin’ireo sakana rehetra izay tonga teo anoloany. Hoy izy ireo hoe, “Efa antitra loatra ny vadinao.” Nokapainy niala fotsiny tamin’ny lâlany ilay zavatra. Hoy ny devoly hoe, “Tsy vitanao *ity*. Tsy vitanao *itsy*.” Nokapain’i

Abrahama niala tamin'ny lâlany izany. Nofelahany izany, ary nofelahany izany, mandra-pahatapak'izany teo.

“Aiza ny manaraka, Tompo?”

⁴²⁹ “Atsangano eto ny trano lainao.” Niakatra izy dia nanorina alitara ho Azy teo.

⁴³⁰ Niakatra teo, ary tonga i Satana, hoy izy, “Ankehitriny, holazaiko anao, tsy ity no toerana mety.”

“Eto mihitsy aho no hitoetra. Mialà amin’ny taniko.” Hoy izy hoe, “Haleloia!”

⁴³¹ Hoy Lota hoe, “Tsaratsara aminaoy ny midina ety. Manana fotoana tsara izahay ety. Manana ny rafi-pandaminanay rehetra izahay ety. Nahoana, ny vadiko no filohan’ny fikambanana haisoratra sy ny zavatra hafa, ao amin’ny tanàna. Lazaike anao, tokony ho avy ety ambany ety ianao.”

Hoy Saraha hoe, “Abrahama . . .”

⁴³² “Mangina, ry Saraha.” Haleloia! “Mijanona eto mihitsy. Ity no nametrahan’Andriamanitra ahy. Eto mihitsy no hijanonako.”

⁴³³ Eto no nametrahan’Andriamanitra ahy.

Ny dera rehetra ho an’ny herin’ny Anaran’i Jesosy!

Aoka ireo Anjely hiankohoka;

Ento ilay diademan’ny mpanjaka,

Ary satrohy ho Tompon’ny rehetra Izy.

Eo amin’i Kristy, ilay Vatolampy mafy, no ijoroako;

Ny tany sisa rehetra dia fasika miletsy,

Ny tany sisa rehetra dia fasika miletsy.

⁴³⁴ Na ny fahafatesana izy tenany aza, ny zavatra hafa, dia fasika miletsy. Eo amin’i Kristy, ilay Vatolampy mafy, no ijoroako.

⁴³⁵ “Ilay Taranaka mpanjaka an’i Abrahama.” Ilay Taranaka mpanjaka! Nahoana, ny tafika voafidy indrindra an’i Angletera dia taranaka mpanjakan’ny Angletera, ràn’ny mpanjaka, ny zavatra rehetra. Ary ny Taranaka mpanjaka an’i Kristy dia ny Fiagonana feno Fanahy Masina, nofenoina ny Fanahy Masina. Inona? Taranaka Mpanjaka, tamin’ny alàlan’ny teny fikasana, tsy tamin’ny alàlan’ny fahatsapana. Fa, tamin’ny alàlan’ny teny fikasan’Andriamanitra, dia nijanona teo amin’ny Tenin’Andriamanitra izy ireo, ary namaky ny lâlany teo, nihiaka, “Haleloia!”

Na tonga aza ny fahafatesana ka nanao hoe, “Miakatra izy hitondra anao.”

⁴³⁶ Manao hoe, “Mihataha, ry Jordana. Miampita aho.” Tohizo vakiana mihitsy ny lâlanareo, ho any amin’ilay Tany nampanantenaina. Amena.

⁴³⁷ Inona no mitranga rehefa mifarana ny ady rehetra? Hamarana azy aho ankehitriny, tena azo antoka. Rehefa

mifarana ny ady rehetra, ka mandeha mody any an-Trano ireo masina, dia te-hanontany zavatra anankiray aminareo aho, inona no nitranga?

⁴³⁸ Inona no nitranga raha niditra tao Frantsa i Hitler? Nahoana, nilaza izy ireo fa tsy nahita ny habakabaka mihitsy aza izy ireo, nandritry ny fotoana kelikely, ireo fiaramanidina. Ireo Alemana nanao fandehan-gisa. [Manao fandehan-gisa indroa teo amin'ny lampihazo Rahalahy Branham—Mpand.] Hitanareo, nijoro teo izy ireo, nandalo, nankalaza fandresena anankiray.

⁴³⁹ Rehefa tonga tao Rosia i Stalin, teo amin'ny maily maro teo aorianana teo, ny fiara mifono vy tsirairay aorian'ny anankiray hafa, nandaroka baomba an'i Berlin fotsiny mandra-paha tsy nisy na inona na inona tavela tamin'izany. Izay ihany. Ary rehefa nandeha izy ireo, ka ireo Alemana ireo... Ireo miaramila Rosiana nankalaza, niditra niaraka tamin'izany izy ireo, fantatrareo, ilay zavatra hafahafa kely izay nataon'izy ireo. Nahita an'izany tao amin'ny horonan-tsary aho, indray mandeha tany Londres, ahoana no nidiran'izy ireo, ilay tena horonan-tsarin'ilay zavatra teo, izay nitranga, niditra, nankalaza. Oh, oadray!

⁴⁴⁰ Rehefa nandre izahay fa nifarana ny ady, dia nihiaka izahay, nitsoka kiririoka izahay. Rehefa niverina ireo mahery fo, dia nitsena azy ireo izahay tany. Nihiaka izy ireo. Nihorakoraka izy ireo. Nanana rahalahy anankiray aho teo, hoy izy, rehefa niverina izy, ireo antitra rehetra... Ireo tranainity izay nampijaliana mafy, tsy afaka niala teo amin'ny fandriana, koa dia nahodiny izy ireo teo amin'ny tampon'ny sambo rehefa tonga izy ireo, mba hahita ny Statue of Liberty nitsangana. Hoy izy, "Ireo lehilahy goavana be mijoro eo ireo, mitomany fotsiny izy ireo, ary lavo mitsingatotra tahaka an'izao, rehefa hitan'izy ireo ilay Statue of Liberty." Tsy tao an-trano nandritry ny efa-taona, niady, taitran'ny ady, sy ny zavatra hafa. Saingy fantatr'izy ireo fa ilay vady, ary ilay malala, sy reny, sy dada, sy ny ankizy, ary ireo rehetra izay tiany, dia teo aorian'io Statue of Liberty io mihitsy. Io no nampiseho hoe ho an'iza no niadian'izy ireo. Oh, nitsoka ny kiririoka, ary tao anatin'ny hiaka i New York, izay ihany, rehefa niditra namindra ireo mahery fon'izy ireo. Izany dia ho zavatra kely.

⁴⁴¹ Indray mandeha rehefa i Cesar, taorian'ny ady lehibe anankiray, hoy izy hoe, "Tiako ny mpiadiko mahay indrindra hijoro eto akaikiko eto amin'io fankalazana ny fandresena ny fahavalontsika io." Ary ny manamboninahitra rehetra samy nanety ny volom-borony ary nampamiratra ny fiarovan-trantrany, ka namindra teo, fantatrareo, tahaka an'izany, toy-toy ny tena miaramila tahaka an'izany. Afaka kelikely, sakaiza kely, tranainity anankiray no nandalo, voandidididy. Oadray! Nitraka kely fotsiny izy, dia nanohy, tahaka an'izao. Hoy Cesar hoe, "Andraso iray minitra. Andraso iray minitra. Ianao," tsy mba

niakanjo tahaka ny—ny manamboninahitra anankiray akory aza, hoy izy, “avia ety.” Hoy izy, “Taiza no nahazoanao an’ireo holatra ireo?”

Hoy izy hoe, “Tany amin’ny tanin’ady.”

⁴⁴² Hoy izy, “Miakara eto. Ianao no tovolahy izay tiako hipetraka eto akaikiko.” Nahoana? Nasehony fa tany amin’ny ady izy.

⁴⁴³ O Andriamanitra, mamindra fo amin’ny lehilahy anankiray izay nanapaka ny tànany tamin’ny boatin-tsardina ka nahazo an-dàlan-teny anankiray. Izaho te-ho voaholatry ny ady. Tahaka an’i Paoly nanao hoe, “Mitondra ny marik’i Jesosy Kristy eo amin’ny tenako aho.” Izany no antony hiadiako eny amin’ilay tany.

⁴⁴⁴ Indray andro, rehefa ho avy ny Lohan’ny Kapitenintsika lehibe, Izay nampitao antsika, Izay nanome antsika ny fiadian’Andriamanitra, ilay Fanahy Masina, nanome antsika ny Teniny entina miady, mitsangana eo; rehefa ho tonga ny Lohan’ny Kapitenintsika lehibe eny ambony soavalys, dia hiakatra eo amin’ilay kalesy aho ary hiakatra ho any an-Trano miaraka Aminy. Tsy ianareo ve? [Hoy ny fiangonana hoe, “Amena.”—Mpand.] Amin’izay fotoana izay rehefa entiko amin’ny tànana ny vadiko antitra kely, mijery ny manodidina eo ary mahita an’ireo rahalahiko sy ireo vadiny, ary ireo zanany, rehefa manomboka mamindra isika eo amin’ireo paradisan’Andriamanitra, ary ireo Anjely mameno ny rivotra amin’ny antema, any ambony any tahaka an’izany, miresaka ny amin’ny fankalazana anankiray!

⁴⁴⁵ Ary rehefa mifarana ny ady, dia hitondra an’ilay satroboninahitra isika. Oh, oadray! Oh, ry miaramilan’ny hazo fijaliana, izao maraina izao, sintony hivoaka eto io fiadian’ny finoana io, ary tano ity Fitaovam-piadiana ity.

⁴⁴⁶ Ahoana ny amin’izany, ranabavy, vonona ve ianao? [Miresaka amin’ilay anabavy marary indray Rahalahy Branham—Mpand.] Sintony hivoaka io Fitaovam-piadiana io, manaova hoe, “Andriamanitra, tsy ahoako izay—izay nolazain’ny devoly tamiko, na firy na firy nolazain’ny olon-kafa. Izao maraina izao, dia hino aho.” [Hoy ilay anabavy hoe, “Izaho dia mino, ihany koa.”] “Hino aho.”

⁴⁴⁷ Tahaka an’izay nolazaiko indray andro, kely... Mino aho fa Alahady vitsy lasa izay, nisy lehilahy anankiray izay nanana nofy iray. Nanonofy izy fa ny devoly dia zavatra tranaindy kely anankiray, nihazakazaka teo aminy. Hoy izy hoe, “Boo!” Dia nitsambikina nihemotra izy, ary lasa niha-lehibe ilay devoly. “Boo!” Dia nitsambikina nihemotra izy, ary lasa niha-lehibe ilay devoly. Farany, lasa tena lehibe noho izy ilay devoly, ary handresy azy. Fantany fa tsy maintsy miady aminy amin’ny zavatra anankiray izy, ka dia njery manodidina izy. Tsy nahita na inona na inona nentina niady taminy izy. Nalainy fotsiny ny

Baiboly. Ary hoy ilay devoly hoe, “Boo!” Hoy izy hoe, “Boo!” namaly azy avy hatrany, ary niha-kely ilay devoly, ary niha-kely, dia niha-kely. Ary, farany, novonoiny ho faty niaraka tamin’ny Teny izy.

⁴⁴⁸ Miaramila anankiray ianao, sa tsy izany, ranabavy? [Miresaka amin’ilay anabavy marary indray Rahalahy Branham—Mpand.] Raiso izany Teny izany ary manaova hoe, “Voasoratra hoe.” Amena. “Tsy ho faty aho. Ho velona aho. Mipetraka eto amin’ity tabernakla ity mihitsy aho ary midera an’Andriamanitra noho ny Fahatsarany, miaraka amin’izy rehetra.”

⁴⁴⁹ Mino an’izany ve ianareo, ry masina? [Hoy ny fiangonana hoe, “Amena.”—Mpand.] Amena.

Ndao isika hanondrika ny lohantsika.

⁴⁵⁰ O Tompo Andriamanitra, Mpamorona ny lanitra sy ny tany, aoka ho fantatra anio fa mbola Andriamanitra Ianao. Tsy mampaninona hoe impiry aho no hitory teny, firy ny zavatra ho lazaiko, Tompo, Teny anankiray avy Aminao dia vita hatreo.

⁴⁵¹ Ireto mosara ireto dia mipetraka eto, misolo tena an’ireo olona marary. Mivavaka aho, Ray An-danitra, mba ny Fitahianao sy ny hery hijanona eo ambonin’ny tsirairay amin’izy ireo, raha mametraka ny tànako eo ambonin’izy ireo aho. Andriamanitra, amin’ny Anaran’i Jesosy Kristy, mivavaka aho mba Hanosoranao an’ireto mosara ireto amin’ny Fanatrehanao masina, fa voasoratra ao amin’ny Teny izany. Tsy zavatra manohitra ny Teny izany. Fa voalaza ao amin’ny Teny izany, fa, “Nalain’izy ireo teo amin’ny vatan’i Paoly, ireo mosara sy aron’akanjo. Nivoaka avy tamin’ny ireo fanahy maloto, ary sitrana tamin’ny aretina samihafa izy ireo.” Ankehitriny, tsy Masindahy Paoly izahay, fa Ianao dia mbola Andriamanitra, ary Ianao dia mbola ilay Fanahy Masina tsy miova. Mametraka ny tànako eo ambonin’ireto mosara ireto aho, amin’ny Anaran’ny Tompo Jesosy, ary mangataka mba Hitahianao sy hanasitrananao ny tsirairay amin’izy ireo.

⁴⁵² Ary, Andriamanitra, mandry eto eo amin’ny fandriana anankiray, izay nampandriana eto, dia tsy inona fa zaza anankiray, tovovavy kely tsara tarehy anankiray fotsiny. Tsy afa-miaina izy, Tompo. Satana no nanao ratsy taminy. Ary ireo mpitsabo malala an’ity tany ity no niezaka mafy, tsy isalasalana, hamonjy an’ilay zaza. Tsy vitan’izy ireo fotsiny ilay izy. Eo amin’ny faran’ny fahaizany izy ireo. Tsy mahafantatra zavatra hafa hatao intsony izy ireo. Saingy, Tompo, faly aho fa misy toko hafa anankiray voasoratra. Afaka mamadika pejy hafa anankiray izahay, ary ao amin’io pejy io dia hitanay fa miditra ilay Mpitsabo Lehibe. Miantso fizahana Aminy izahay izao maraina izao.

⁴⁵³ Ankehitriny, Tompo, tsy voasoratra eto amin'ny Teninao ve, fa, "Izao famantarana izao ho hanaraka an'ireo izay mino"? Tompo, raha tsy mpino aho, dia ataovy ho anankiray aho ankehitriny. Raha tsy mpino io tovovavy kely io, dia ataovy ho anankiray izy ankehitriny. "Izao famantarana izao no hanaraka an'ireo izay mino; raha mamestraka ny tànany amin'ny marary izy ireo, dia ho sitrana ireny." Izao koa no voasoratra, "Amin'ny Anarako dia handroaka devoly izy ireo." Tompo, izy ireo—izy ireo dia ny Teninao. Anao Izany. Ny Teninao Izany. Ary ankehitriny amin'ny maha-Mpanomponao... .

⁴⁵⁴ Fa hoy Ianao hoe, "Raha misy roa na telo aminareo mivory miaraka, dia ho eo afovoanareo Aho; ary raha mifanaiky ianareo, mikasika zavatra anankiray, ka mangataka, dia ho azonareo izany."

⁴⁵⁵ Andriamanitra, ity ankizy ity angamba no olona marary indrindra ato amin'ny trano izao maraina izao, satria tsy afaka ny velona izy raha tsy misy Anao, tsy haharitra ela, ary izy no marary indrindra. Koa, izahay rehetra, mifanaiky izahay, amin'ny maha-miaramila anay rehetra mitsangana eto. Ary ato amin'ity vondrona ity no mitsangana ny Taranaka mpanjaka an'i Abrahama.

⁴⁵⁶ Manitsaka an'i Satana izahay ankehitriny. Ary mety tsara aminao ny vonona ny handeha, ry Satana, satria ny fiadianay dia manjelatra, ny loko mihevaheva; ny lehilahy sy vehivavy mihazona Sabatra, mandroso ankehitriny eo aminao, ho an'ity tovovavy kely ity. Mivoaha ao aminy, ry Satana. Avelao io ankizy io. Amin'ny maha-tafik'Andriamanitra velona, mihaika anao izahay. Avelao izy, amin'ny Anaran'i Jesosy Kristy.

⁴⁵⁷ Handeha hametra-tànana eo aminy aho. Ary, ry Satana, ianao no namatotra an'io ankizy io, ianao no nanao an'io ratsy io. Fantatro fa mahery lavitra noho ny olombelona anankiray ianao, saingy tsy mahery lavitra noho ny Tompoko ianao, koa avy aho amin'ny Anarany. Avelao izy, ianao ry fanahin'ny devoly. Ianao ry demonin'ny aretina, mivoaha ao amin'ity ankizy ity, ary enga anie izy ho afaka, manomboka amin'ity andro ity. Tononiko izany, amin'ny Anaran'i Jesosy Kristy.

⁴⁵⁸ Ankehitriny, Tompo Andriamanitra, Ianao Izay nanangana ny maty ka nanaporofo fa Ianao no Andriamanitra, atsangano ity vehivavy tanora ity ho amin'ny fahasalamany sy ny heriny indray, mba hitsanganany ato amin'ity trano eto ity. Niala tao aminy ilay devoly!...?...hanao azy ho tsara. Enga anie izy ho velona amin'ny voninahitra sy haja an'Andriamanitra.

Izany—Izany dia efa voambara, ankehitriny aoka izany ho tanteraka.

⁴⁵⁹ Misy hafa ve ato izay te-hanangana ny tànanareo ka hanao hoe, "Te-hivavahana aho. Marary aho. Mila an'Andriamanitra aho"? Tsy fantattro hoe fotoana firy no ananantsika. Manana

fotoana ampy isika hamelana an'ireo olona ireo handalo eto. Mahatsapa ho tena feno fahatokiana aho izao maraina izao ankehitriny. Hia. Hia. Tiako ianao ho tonga eto, ry Billy, ary haka fotsiny angamba an'ity andiany anankiray eto ity mihitsy, eto amin'ity ilany eto ity, ihany. Avelao fotsiny ity andiany ity no ho tonga aloha, avy eo dia alaintsika ny andiany manaraka aorian'izany, hatramin'itsy lalantsara etsy itsy fotsiny. Avy eo dia halaintsika fotsiny izy ireo tahaka an'izany, amin'izay fotoana izay izy ireo tsy . . .

⁴⁶⁰ Ary ankehitriny tiako i Rahalahy Neville sy ny sasany amin'ireo rahalahiko mpitoriteny hijoro eto akaikiko eto, eto mihitsy, mba hahafahanareo mampidina azy ireo avy hatrany amin'ny lalantsara indray. Eny àry. Eny àry. Ankehitriny aho . . .

⁴⁶¹ Firy aminareo no manana ny fiadianareo? [Hoy ny fiangonana hoe, "Amena."—Mpand.]

⁴⁶² [Mihodina miala ny polipitra Rahalahy Branham ka miresaka amin'ilay anabavy vao avy nivavahana—Mpand.] Efa hafa ankehitriny. Mandehàna mody, aoka ho tena tsara ankehitriny, ho tsara.

⁴⁶³ Amena. Oh, oadray! Ianareo miaramila rehetra, sintony ilay Sabatra. Sintony ilay Sabatra, ry miaramilan'ny hazo fijaliana, mandrosoa, mandrosoa.

Eo amin'i Kristy, ilay Vatolampy mafy no ijoroako.
Ny tany sisa rehetra dia fasika miletsty.

⁴⁶⁴ Eny àry, manatona tsara fotsiny, midina amin'ity ilany ity. Ny rehetra ao amin'ny vavaka ankehitriny, raha mandalo izy ireo.

Amin'ny Anaran'i Jesosy, sitrano ity vehivavy ity. Amena.

Sintony ny Sabatrareo ankehitriny. Mijanona fotsiny eny amin'ny sezanareeo, mihoby.

⁴⁶⁵ [Mivavaka ho an'ny marary Rahalahy Branham sy ireo mpitoriteny, lavitry ny fanamafisam-peo, nandritry ny dimy amby efapolo segondra—Mpand.]

Mandrosoa, ry miaramila Kristiana!
Handeha ao amin'ny ady,
Miaraka amin'ny hazo fijalian'i Jesosy
Mandeha eo aloha.

⁴⁶⁶ "Mihataha, ry Satana!" Inona ny olana, ry miaramila? Tsy mihevitra ve ianareo fa afaka mamabo isika? [Mifaly ny fiangonana ary manao hoe, "Amena."—Mpand.] Efa babo izy. Mihoatra noho ny mpandresy isika ao amin'i Kristy Jesosy. Ny devoly rehetra voaroaka, ny zavatra hafa rehetra. Amena.

Avia eto, ry rahalahiko! . . . ? . . .

Mivavaka aho mba ho sitrana ianao! . . . ? . . .

Sitrano ny rahalahiko, Doc; sitrano izy, Ray, amin'ny Anaran'i Jesosy.

Amin'ny Anaran'i Jesosy Kristy, sitrano ity ramatoa ity.
Avia...?...

⁴⁶⁷ Ankehitriny, nalaindy... Tsy maintsy manontany an'ireo rahalahy ery aoriana aho. N'aiza n'aiza, ny Tompo...?...

⁴⁶⁸ O Tompo Andriamanitra, Mpamorona ny lanitra sy ny tany! O Andriamanitra, Ianao no mahafantatra izay ao am-pony. Ianao no mahafantatra ny rehetra mikasika an'izany. Mivavaka ho an'ireto reny sy dada ireto aho. Amin'ny Anaran'i Jesosy Kristy, no anolorako...?...

Amin'ny Anaran'i Jesosy Kristy, izaho...?...

Amin'ny Anaran'i Jesosy Kristy, izaho...?...

⁴⁶⁹ Andriamanitra, mombà ny anabaviko. Fantatray, fa miha-mitombo ireo taona ary satria te-hitazona ny vatan'ity vehivavy ity ny fahafatesana. Ankehitriny, amin'ny Anaran'i Jesosy...?...

⁴⁷⁰ Amin'ny Anaran'i Jesosy Kristy, tahio ity tovovavy kely ity, Tompo. Ireo adinay any am-pianaranana any, fantatro fa manatrika an'izany izy. Mivavaka aho mba Hitahianao. Enga anie izy hisintona an'ilay Sabatra, izao maraina izao, ary handroso!...?... Tahio ity tovolahy kely ity, Tompo; tonga izy, miantso ny Anaranao, izao maraina izao; mivavaka aho mba Ianao no hiaraka...?...

⁴⁷¹ Andriamanitra, tahio ny rahalahiko, amin'ny fanekena ny fangatahany. Amin'ny Anaran'i Jesosy Tomponay, no itenenako an'izany!...?...

Amin'ny Anaran'i Jesosy Kristy, no anoloranay izao vavaka izao.

Amin'ny Anaran'i Jesosy Kristy, no anoloranay izao vavaka izao.

Amin'ny Anaran'i Jesosy Kristy, no anoloranay izao vavaka izao.

Amin'ny Anaran'i Jesosy Kristy, izahay...?...

Amin'ny Anaran'i Jesosy Kristy, no anoloranay izao vavaka izao.

Amin'ny Anaran'i Jesosy Kristy...?...

Amin'ny Anaran'i Jesosy Kristy...?...

Amin'ny Anaran'i Jesosy Kristy, sitrano ny rahalahiko.

Amin'ny Anaran'i Jesosy Kristy...?...

Amin'ny Anaran'i Jesosy Kristy!

⁴⁷² [Misy olona manao hoe, "Maty ny raiko."—Mpand.] Andriamanitra, ampio izy, amin'ny Anaran'i Jesosy.

Andriamanitra, amin'ny Anaran'i Jesosy Kristy, izahay . . . ? . . .

Andriamanitra, amin'ny Anaran'i Jesosy!

Amin'ny Anaran'i Jesosy Kristy . . . ? . . .

Amin'ny Anaran'i Jesosy Kristy, sitrano ny rahalahiko.

Amin'ny Anaran'i Jesosy . . . ? . . .

Azonareo ankehitriny?

O Andriamanitra, enga anie izao hiala amin'ny . . . ? . . .

⁴⁷³ Amin'ny Anaran'i Jesosy Kristy, mivavaka izahay! . . . ? . . . Ekeo ny anabavy . . . ? . . .

⁴⁷⁴ O Andriamanitra, mahafantatra fa izao reny kely sarobidy izao, mandalo amin'io olana rehetra io, mivavaka aho, Andriamanitra, mba Ianao no . . . ? . . . eo aminy.

Sintony ilay Sabatra, ry Ed, ary mandrosoa, amin'ny Anaran'i Jesosy.

⁴⁷⁵ O Andriamanitra, sitrano ity vehivavy ity. Ekeo ny fangatahany. Enga anie izy haka an'ilay Sabatra eo alohany, amin'ny fotoanan'ny fahasaratana.

O Andriamanitra . . . ? . . . izao maraina izao. Mivavaka aho mba Ianao no . . . ? . . .

⁴⁷⁶ Ray, Andriamanitra, mivavaka aho mba Ianao no hanasitrana ny rahalahinay ka hanao azy ho tsara. Ary amin'ny Anaran'i Jesosy Kristy . . . ? . . .

⁴⁷⁷ Andriamanitra, mivavaka aho mba Ianao no hanasitrana ny anabavinay, ataovy ho tsara izy, amin'ny Anaran'i Jesosy Kristy.

⁴⁷⁸ Ray, Andriamanitra, mivavaka aho mba Ianao no—no hanasitrana ny rahalahinay.

Sitrano ny anabavinay, Tompo! . . . ? . . .

Ray, amin'ny Anaran'i Jesosy, sitrano ity, ny anabavinay, Ray.

⁴⁷⁹ Ray, . . . ? . . . mivavaka izahay amin'ny Anaran'i Jesosy. Andriamanitra, sitrano ity vehivavy ity.

O Andriamanitra, mivavaka aho mba Ianao . . . ? . . .

⁴⁸⁰ O Andriamanitra, tahio izy, Ray! . . . ? . . . Toy ny inona no itiavanay an'ireo namana tranaindy ireo, Tompo. Ary mivavaka aho mba Ianao no hanaiky ny fangatahany! . . . ? . . .

⁴⁸¹ Rainay An-danitra, mivavaka aho mba ny rahalahiko . . . ? . . . O Andriamanitra, . . . ? . . . azy, O Andriamanitra . . . ? . . . miaramilan'ny hazo fijaliana. Ary hisintonia an'ilay Sabatra izy, izao maraina izao, ary handroso.

Andriamanitra, izahay....?...Ekeo izany, O Tompo, ny fangatahany.

⁴⁸² Andriamanitra, tahio rahalahy....?...Mivavaka aho mba Ianao no hanasitrana azy, Tompo!....?...Omeo azy ny fanirian'ny fony, amin'ny Anaran'i Jesosy Kristy.

⁴⁸³ O Ray An-danitra, ity mpitoriteny kelin'ny Filazantsara ity, ny tendany....?...Tamin'zy nanasa an'ireo vilany....?... Andriamanitra, mivavaka aho mba Ianao no....?...Ary raha mbola mandroso ankehitriny ilay tafika lehibe an'Andriamanitra, miaraka amin'ny Sabatra mitsangana, dia omeo azy ny fandresena, Tompo. Ny vadiny kely eto, Tompo, izay niharina avy teo amin'ilay fandrian'ny homamiadana izay nandriany, am-pahafatesana niaraka tamin'ny homamiadana anankiray, ka ireo dokotera dia nandao azy, ary lasa izy. Dia indro eto izy, izao maraina izao, miaramila kely anankiray an'ny hazo fijaliana. Atanjaho izy, Tompo, ho an'ny Asanao, mivavaka izahay, amin'ny Anaran'i Jesosy.

⁴⁸⁴ Tiako io ramatoa kely io.... Misy zavatra hafa anankiray amin'ity mpitoriteny kely eto ity. Avia eto, Rahalahy Kidd. Ity lehilahy ity dia noroahina nody avy tany amin'ny hopitaly, vao haingana mihitsy, am-pahafatesana, nohanin'ny homamiadana. [Hoy Ranabavy Kidd hoe, "Herintaona lasa izay."—Mpand.] Herintaona lasa izay. ["Roa."] Roa taona lasa izay, niaraka tamin'ny prostaty. Ny dokoterany dia nanome azy fotsiny andro vitsy hainana. Ary indray maraina, nandeha tany izahay, tena vao maraina, nanolotra vavaka ho azy, mitovy amin'izay natao ho anareo, ary tsy nahita na dia marika anankiray akory tamin'izany aza izy ireo. [Mifaly ny fiangonana.] Sitrana izy. Amena. Izy—izy.... [Hoy Ranabavy Kidd hoe, "Tsy maintsy nanaiky an'ilay izy."] Nahazo lanja betsaka noho ny efa nananany izy ankehitriny. Izy sy ny vadiny kely dia efa teo amin'ny sahan'ny Filazantsara, angamba talohan'ny nahaterahako. Indro izy ankehitriny.... [Hoy Rahalahy Kidd hoe, "Dimy amby dimampolo taona."] Dimy amby dimampolo taona. Talohan'ny nahatongavako teto an-tany aza, dia efa nitority ny Filazantsara izy ireo. Ary indro izy, sitrana, eo amin'ny taona dimy amby fitopolo na.... [Iraika amby valopolo.] Iraika amby valopolo. [Hoy Rahalahy Kidd hoe, "Nanana fifohazana anankiray izahay, favoriana roa herinandro, mitoriteny isankariva."] Fifohazana roa herinandro, avy nanao fifohazana roa herinandro, ary nitoriteny isan-kariva. Iraika amby valopolo taona, sitrana, tamin'ny homamiadana, rehefa antitra izy.

⁴⁸⁵ Eny àry, ranabavy, fotoananao ankehitriny. Mino ve ianareo? [Mifaly ny fiangonana ka manao hoe, "Amena."—Mpand.] *Mandrosoa, ry Miaramila Kristiana.* Eny àry, ranabavy. Ianareo, ny tsirairay aminareo, inona no hataontsika? HOY NY TOMPO HOE. Inona no ataontsika, miharitra manodidina eto?

⁴⁸⁶ Satana, very ianao. Miampita izahay ankehitriny. Mandeha mankany amin'ilay Tany nampanantenaina izahay. Inona izany? "Inona moa io tendrombohitra, anoloan'i Zerobabela io? Iza io, mitsangana eo aloha eo io? Ho tonga lemaka ianao." Nahoana? Miaraka amin'ny Sabatra roa lela anankiray, dia hikapa azy ho amin'ny tany isika. Marina izany. Eny àry.

Mandrosoa, ry miaramila Kristiana!
 Handeha ao amin'ny ady,
 Miaraka amin'ny hazo fijalian'i Jesosy
 Mandeha eo aloha;
 Kristy, ilay Tompo mpanjaka,
 Mitarika manohitra ny fahavalo; (miaraka
 amin'ny Teniny)
 Hiroso ao amin'ny ady,
 Jereo, mandeha ny Fanevany!
 Mandrosoa, ry miaramila Kristiana!
 Handeha ao amin'ny ady,
 Miaraka amin'ny hazo fijalian'i Jesosy
 Mandeha eo aloha.

⁴⁸⁷ Haleloia! Inona no nataon'izy ireo? Ny zavatra voalohany izay nandroso, tao amin'ny ady, ho an'ny Isirael, inona ilay zavatra voalohany? Ireo mpihira no nandroso, voalohany. Inona no nanaraka? Ny Fiara. Avy eo ny ady. Eny àry. Mino an'izany ve ianareo ankehitriny? [Hoy ny fiangonana hoe, "Amena."—Mpand.] Mihira isika *Mandrosoa, ry Miaramila Kristiana*. Atositsika ny fisalasalana rehetra. Mitsangana amin'ny tongotsika ankehitriny, mandeha hiady isika.

Ndao isika hitsangana ankehitriny, ny rehetra.

Mandrosoa, ry miaramila Kristiana!
 Handeha ao amin'ny ady,
 Miaraka amin'ny hazo fijalian'i Jesosy
 Mandeha eo aloha;
 Kristy, ilay Tompo mpanjaka,
 Mitarika manohitra ny fahavalo;

Ahoana no handresentsika azy? Miaraka amin'ny Teny.

Hiroso amin'ny ady,
 Jereo, mandeha ny Fanevany!
 Mandrosoa, ry miaramila Kristiana!
 Handeha ao amin'ny ady,
 Miaraka amin'ny hazo fijalian'i Jesosy
 Mandeha eo aloha.

Tsy voasaraka isika,
 Vatana iray isika rehetra;
 Iray ao amin'ny fanantenana sy fampianarana,
 Iray ao amin'ny fitiavana.

⁴⁸⁸ Izay rehetra mino ankehitriny, manaova hoe, “Amena.” [Hoy ny fiangonana hoe, “Amena.”—Mpand.] Haleloia! Mino an’izany ve ianareo? [“Amena!”] Mpandresy isika. Aiza ny fahavalao rehetra? Eo ambany tongotsika. Inona isika androany? Natsangana ao amin’i Kristy!

⁴⁸⁹ Ankehitriny, vita ilay izy, ranabavy. [Miresaka amin’ilay anabavy Rahalahy Branham, izay narary teo—Mpand.] Mino an’izany ve ianao? Mandehana mody ankehitriny. Mahazo aina tsara ve ianao? Milaza izy fa mahazo aina tsara izy ankehitriny. Ny zavatra rehetra dia tsara.

⁴⁹⁰ Firy eto no mahazo aina tsara? [Mifaly mafy ny fiangonana ka manao hoe, “Amena.”—Mpand.] Ary rehefa niantso mafy izy ireo, dia nirodana ny rindrina, amena, dia azon’izy ireo ilay izy. Amena. Azon’izy ireo ilay tanàna. Amena! Amena! Mino Azy ve ianareo? [“Amena.”]

⁴⁹¹ Ankehitriny, aza adino ny fotoana rahariva. Ho eto i Rahalahy Neville rahariva, ary hitondra amintsika hafatra tsara anankiray. Ary Alahady, Alahady heriny, raha sitrapon’ny Tompo, ho eto.

⁴⁹² Ankehitriny ndao isika handeha, raha mivoaka isika. Ary ankehitriny, miala eto amin’ny trano, ndao isika handeha, hihira, *Mandrosoa, ry Miaramila Kristiana*. Ary manomboka amin’ity andro ity, manomboka izao, aza apetraka ao amin’ny tranony intsony mihitsy ilay Sabatra. Sintony izy. Ndao isika handresy. “Nivoaka izy ireo, naharesy, ary haharesy.” Eny àry, indray mandeha, amin’ilay andininy voalohany.

Mandrosoa, ry miaramila Kristiana!

Handeha ao amin’ny ady,

Miaraka amin’ny hazo fijalian’i Jesosy

Mandeha eo aloha.



ILAY ADY LEHIBE INDRINDRA IADIANA MANDRAKARIVA MAG62-0311
(The Greatest Battle Ever Fought)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 11 Marsa, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org